

274


DEL VECCHIO
RITTO



13T

14271

INVENTARIO N. _____



CÆSARIS
CARDINALIS
BARONII
TRACTATVS

DE MONARCHIA SICILIÆ.

*Accessit ASCANII Cardinalis COLUMNÆ
de eodem tractatu iudicium.*

Cum eiusdem Cardinalis BARONII Res-
ponfione Apologetica aduerfus Cardi-
nalem COLUMNAM, & Epiftola ad
PHILIPPVM III. Regem
Hispaniæ.

Nunc primum Editum.



PARISIIS,
Apud HADRIANVM BEYS, via Iacobæa,
M. DC. IX.

1875

1876

1877

1

CÆSARIS CARDINALIS
BARONII TRACTATVS DE
Monarchia Siciliae.

Maxima indigent peruestigatione De diplo-
atq. discussione, quæ feruntur de mate ab
priuilegio ab Urbano Papa II. Rogerio Vrb. Pap.
Comiti Siciliae atq. filijs eius hæredibus dato Ro-
gerio.
cōcessa, quo veritas ipsa elucidata perspi-
cua omnibus fiat, nec amplius mendacijs
circūtectæ celetur. Rē plane aggredimur,
quæ multipliciter parere nobis possit in-
uidiam, atq. in nos odiū cōcitare multo-
rum. Sed summa inde nobis parta est di-
cendi fiducia, quod is, ad quē spectat ista
corrigere, Rex sit veritatis amātissimus,
iustitiæ obseruantissimus, & in omnibus
animo trāquillissimus. Atque insuper ex
eo augetur magis alacritas cum libertate
dicendi, quod non contra ipsum Regem,
sed pro ipso (ita dixerim cū^a S. Ambro- a Paulin in
sio ad Theodosiū) sint à nobis ista tractā- Ambros.
da. Pro Rege namq. agimus, imò & cum
Rege, dum pro veritate, cuius est cultor,
& pro iustitia, cuius est rector, atque pro
religione, cuius est custos & defēsor, nos
laboramus. Quod & cū à nobis id exigit
institutū, tacere non liceat: nos filētes at-

DE MONARC. SICILIÆ. 5

bis sacerdotalibus in Sicilia altera, altera in Hispania, est diuulgatū in orbe, quarū clangoribus nōn destruātur mœnia Hierichūtina, sed magis qui in bona volūtate ^{b Psal. 50.} Domini sunt ædificati muri Hierusalē, cū bellicū insonuerint, quo excitati sunt plures expugnare aduersus Ecclesiā, eius pugnare iura, & adimere libertatē, captiuāq. pati cogere miserā seruitutē. Parerat prius de ipso, ante quā ederent, inuestigare, & à quo sic primū editū, intelligere, & in quā fidem acceptum, cognoscere, & an integrum, examinare, originē petere, & prototypum, si posset reperiri, consulere: deniq. verò illud ipsū erroribus purgatū, in candorē pristinū reuocatū, scholiisq. illustratū proferre, atq. ita benè mereri de Ecclesiastica antiquitate. Ista verò prætermisisse, & inemendatū, imò & deprauatū penitus edidisse, nec cōmonuisse Lectorē, quā graue peccatū sit, iudicet ipse Lector, qui eorū fidem secutus, in Scylleos se delatū vortices non cognouerit, cū ita nauigari in tenebris, nec nisi admota veritatis face, in quod periclitandus discrimē inductus fuerit, postremò vix sentiat. ^{Quomodo diploma in lucem proditum.} De ipso igitur diplomate nos acturi, quo tēpore ipsū, vti scriptū legitur, & quo au-

Etore editū fuerit, primo dicēdū, ac deinde in quā tunc auctoritatē atq. fidē acceptū. Rem haud ignotā prodimus, sed iam ore fere omniū peruulgatā, ac verā, atq. monumentis etiā publicis comprobatā. Tempore si quidē Ferdinandi Regis, cognomēto Catholici, Siculus quidā, Ioannes Luca Barberius dictus, anno Domini millesimo quingētesimo decimo tertio, egit cū eodem Rege, vt eius auctoritate perquisitavndiq. ātīqua diplomata, eadē in vnū volumen, quod Caput Breuium appellaret, ad regni iura noscēda colligeret. In quo præter alia multa illud, de quo agitur, Urbani Papæ diploma, vti editum legitur, pariter scripsit, sed sicut cetera, vnde acceperit, verbū nullū. In quē taliū inuentorē, vt impostorē, publicē conclamatū ab iis, quorū antiquæ possessiones recens inuētis hisce diplomatibus turbarentur. A quibus & eidē Ferdinando Regi fuit libellus oblatu, quo regia implorabatur clementia, ne in præiudicium plurimorum Barberianæ collectioni fides aliqua adhiberi deberet, nisi de singulis doceretur autographū, quod quisque cum opus esset, consulere posset.

Quorum iustissimæ petitioni Princeps

DE MONARC. SICILIÆ. ;

iustissimus annuit. Porro autē rerū gestarum fides, ne quis de his dubitare aliquo modo possit, expressa habetur, & descripta legitur in libro Capitulorū regni Siciliae, capite centesimo nono, pagina ducentesima vigesima prima, eademq. per eundē Ferdinandū Regē confirmata die vigesima quarta Iunii, tertia Indictione, anno Domini millesimo quingentesimo decimo quinto. Qui enim ista diligenter explorauit & vidit testis fidelis, scriptis nobis tradidit quā fidelissimē. Sic igitur, vt euidenter apparet, nullā penitus conciliat diploma editū sibi fidē, nec auctoritatē aliquā sibi vendicat, nisi ex autographo accipiat eā. Prouocādū igitur ad prototypū, ex cuius fide pēdet huius auctoritas atq. veritas: quod cū nunquā hactenus factū sciatur, vt ei credatur, in re b^o p^{re}sertim magni momēti, nihil prorsus est quod cogat, vel aliquomodo suadeat.

Vis videre, Lector, atq. perspicuē intelligere, istud ipsū quod est editū Urbani diploma, aliud omninō atq. diuersū esse ab eo, quod datū est Salerni ab eodē Urbano Papa Rogerio Siciliae Comiti? accipe perspicuā de his rationē. Cū saepe cōtigerit aduersus Apostolicā Sedē Siciliae

Diploma
quod Vr-
bani asse-
ritur inco-
gnitum
maioribus.



DE MONARC. SICILIÆ. 9

*Vrbanus Episcopus seruus seruorum Dei
charissimofilio Rogerio Comiti Calabriae &
Siciliæ salutem & Apostolicam benedi-
ctionem.*

*Vrbani
Pap. asser-
tum diplo-
ma.*

*Quia prudentiam tuam supernæ Maie-
statis dignatio multis triumphis & honori-
bus exaltauit, & probitas tua in Sarrace-
norum finibus Ecclesiam Dei plurimum di-
latauit, * & sanctæ Sedi Apostolicæ de-
uotam semultimodis semper exhibuit: nos in
specialem atque charissimum filium eiusdē
vniuersalis Ecclesiæ te assumpsimus. Idcirco
de tuæ probitatis sinceritate plurimum con-
fidentes, sicut verbis promissimus, ita lite-
rarum auctoritate firmamus: Quod omni
vitæ tuæ tempore, vel filij tui Simonis, vel
alterius, qui legitimus tui hæres extiterit,
nullum in terra potestatis vestræ, præter vo-
luntatem aut consilium vestrum, Legatum
Romanæ Ecclesiæ statuemus. Quinimò
quæ per Legatum acturi sumus, per vestram
industriam, Legati vice, cohiberi volumus.*

** al. san-
ctæque.*

Quando ad vos ex latere nostro mittere-
mus ad salutem * sanctarum Ecclesiarum,
quæ sub vestra potestate* consistunt, ad ho-
norem beati Petri, sanctæque eius Aposto-
licæ Sedis, cui deuotè hætenus obedisti,*

** al. misce-
rimus.*

** al. vide-
licet.*

** al. exi-
stunt.*

* celebra-
bitur.

* mittas
* & ad tute-
lam.

quamque in necessitatibus suis strenuè & fideliter adiuuisti. Si verò * celebratur Concilium, & tibi mandauero, quatenus Episcopos & Abbates tuæ terræ mihi mittas: quos & quos volueris * mittes, alios verò ad seruitium Ecclesiarum tuarum * retineas. Omnipotens Deus actus tuos in beneplacito suo dirigat, & te à peccatis absolutum in vitā aternam perducatur. Datum Salerni per manus Ioannis sanctæ Romanæ Ecclesiæ diaconi, tertio Nonas Iulij, Indictionis septimæ, anno Pontificatus nostri Undecimo. Hactenus diploma.

Diploma
deprauatū
in tempo-
re confi-
gnato.

Quod quidem toties abrogatū fuisse oportuit, quoties inter ipsos Romanos Pontifices atque Siciliæ Reges de his constat fuisse transactum, ut cum inter Rogerium atque Eugenium Papam ita est concordatum, quod nullū Legatum mitteret in Siciliam Pontifex, nisi quem Rex ipse peteret; non autem ut Rex ipse Legati Apostolici vicem teneret, quod ab Urbano fuisse concessum, asseritur. Quod constat ex Romani Senatus Epistola ad Conradū Regem Romanorum, quam recitat Otto Frisingensis Episcopus eius tē-

poris auctor. At de aliis transactionibus initis in fauorem Romanæ Ecclesiæ, inferius dicturi sumus.

*a Otto Fri-
sing. in vri-
deric. lib. 1.
cap. 28.*

Sed antequam vltcrius procedamus: corrigamus primo errorem illapsum in tempus. Nam cū constet diploma datum esse Salerni, & aduentum Vrbanī illuc hoc ipso anno contigisse, exploratissimum sit testificationibus eius tēporis Scriptorum omnium, quos recensuimus: vtique signatum ipsum oportuit Indiētione non septima, sed quinta, neque anno vndecimo Vrbanī Papæ, sed decimo confirmantur ista eo validius, quod non anno sequenti, quo annus vndecimus Vrbanī Pontificis numeratur, qui in diplomate scribitur, potuit datum esse diploma. Nā eō tempore, anno sequenti scilicet, nō Salerni, vbi datum legitur, sed Romæ constitit Urbanus ad celebrandum Concilium, vt suo loco patebit: neque post sequentem annum, quo signata in diplomate septima currit Indiētio: nam eodem pariter anno, eo tempore non Salernum, sed Roma Urbanum tenuit pariter in alio celebrando Concilio, vt

intelliges suo loco. Sic igitur quæ deprauata ostendimus, sunt in diplomate corrigenda. Cum tamen non adeò seueri exactores simus, vt ob eiusmodi liberiorum vitia illapsa, velimus idem diploma reticere.

Quādo & à
quo diplo-
ma in au-
thoritatem
acceptum.

At istud ipsum, quidquid sit, & quale sit, à nobis nuper recitatum diploma scias, vt oraculum cœlitus lapsum, in plenissimam fidem acceptum, atque in fundatione Monarchicæ molis fundamentum positum esse. Horrescit auditus, vt explosum sententia Ferdinandi, cuius nullum extaret quod ostēdi posset autographum, nullius esset auctoritatis assertum Urbani Papæ diploma: illud ipsum sub eius successore Carolo Quinto Imperatore bellicis rebus intento, Principe inuictissimo, tunc in regno Siciliæ opera Aduocati Fiscalis, vt quidpiam diuinum in sublime attolleretur, præconiis laudaretur, summoque plausu exciperetur, & vt lapis angularis faciens vtrāq; vnū, tēporali simul & spiritali iūcta auctoritate, noua, hætenus in Ecclesia Catholica inaudita cōstituta fuerit Monarchia. Sic ita cum de his

est agitatum cōsiliū, Consiliarios fefellit iniquitas religionis obducta velo, dum seruandum proponitur, quod Papa sanctissimus, Urbanus Secundus sacro diplomate statuisset; cui aduersari nefas duceretur, diceretur & impium.

Prætensa igitur Apostolica auctoritate, contra Apostolicam ipsam Sedem grande piaculum perpetratur, dum ipsa inconsulta Apostolica Sede, eius in regno Sicilię potestas labefactatur, auctoritas abrogatur, læditur iurisdicctio, & cum ea leges violantur Ecclesiasticę, patiturque dispendium antiqua traditio, atque demum, vt ipsa erigatur in Sicilia Monarchia, iura omnia Ecclesię dissipantur. Nomen hætenus inauditū tunc proclamatur infauustum, adscribitur chartis, & memorię perpetuę consecratur iam regijs cūsum typis, & Imperatorio promulgatum edicto. Ita abusi ministri illi nomine tanti Imperatoris, vt tantum nefas auderent. Siquidem anno Redemptoris millesimo quingentesimo vigesimo sexto, die septima mensis Decembris datum legitur edictum Caroli Quinti nomine potius

quam voluntate, de confirmatione Pæ-
 deſtarum impreſſi voluminis, in quo
 aſſeritur Monarchia, atque ipſe ſeorsū
 ſcriptus legitur liber, qui inſcribitur,
 Monarchia, omnium regni Conſilia-
 riorū ſubſcriptione munitus, cuius au-
 tographum aſſervatur in Siciliae Can-
 cellaria, ex quo exemplaria duo deſ-
 cripta dicuntur, quorum alterum fer-
 tur ad Regem miſſum, alterum verò ad
 Aragonenſe Conſilium datum. Qui ſe
 vidiffe teſtatur, vir pius, ſcriptis retulit
 iſta.

Quæ con-
 tineat Mo-
 narchia,

Sed & quæ ſibi iura eadem vendi-
 cet Monarchia, dicendum. Quod enim
 auctoritate Urbani Papæ diplomatis ip-
 ſum Rogerium Siciliae Comitem at-
 que eius hæredes Legatos à latere con-
 ſtitutos omninò velint: omnes pariter
 ſucceſſores Reges in Siciliae regno Le-
 gatos natos eſſe contendunt, eoſdemq;
 omnia, quæ ſunt Legatorum à latere,
 efficere poſſe confirmant: imò & ſub-
 ſtituendi poteſtatem habere cum eadē
 auctoritate, nimirum, ut iudicare &
 punire poſſint, abſolvere & excommu-
 nicare quos velint, laicos, monachos,

DE MONARC. SICILIÆ 15
clericos, etiam Ecclesiastica dignitate
Prælatos, Abbates, Episcopos, & Ar-
chiepiscopos, imò & S.R.E. Cardina-
les ibi degentes eidem Monarchiæ sub-
ditos esse velint. Eiusdem quoque Mo-
narchicæ esse facultatis, appellationes
ad sanctam Sedem Apostolicam impe-
dire, Nuntios eiusdem sanctæ Sedis nō
admittere, atque demum respectu Ec-
clesiasticæ iurisdictionis, neque ipsam
Apostolicam Sedem recognoscere &
habere superiorem, nisi in casu præuē-
tionis. Ista sunt quæ Urbani auctorita-
te diplomatis Reges in Sicilia velint si-
bi licere. Quid tu ad ista dixeris Lector,
nisi sub vocabulo Monarchiæ, præter
Monarcham vnum, quod vnicum ca-
put visibile in Ecclesia à Fidelibus om-
nibus semper est cognitum atque cul-
tū, aliud in monarchia Sicilia obortū,
aliud superinductum, pro monstro &
ostento caput Ecclesiæ, in qua non am-
plius, vt semper antea vnus, sed duo au-
diantur, scribantur, legantur esse mo-
narchæ, ac duo insuper in ea deformi-
ter ostentari capita?

At quod ad ipsum in primis nomen

B iiij

De ipso
nomine
Monar-
chiæ.

16 CÆS. BARONII TRACT.

ſpectat: quomodo poſt quadringentos
triginta annos à tempore dati ab Vrba-
no Papa diplomatis, quod nunquam à
pijs Regibus, nec à tyrannis ipsis Ro-
manæ Eccleſiæ perduellibus, neque ip-
ſis acerbiffimis Romanæ Eccleſiæ per-
ſecutoribus Friderico, filio, atque ne-
potibus eiufmodi Monarchiæ nomen
uſurpatum ullatenus reperitur: recens
natum inuenitur ſuperinductum? po-
tuitne tot ſeculis intra viſcera latuiſſe
parentis, vt non niſi hoc poſtremo tem-
pore tantum pareretur oſtentum? Ex-
horruit ſemper Catholica Eccleſia, aſ-
ſueta ſeruare quod antiquitus traditū,
voces nouas; niſi cum ad nouas proſli-
gandas hæreſes, noua ipſam oportuit
excogitaſſe remedia, cuſtodiens in Ti-
motheo Pauli de poſitum, ita ſcribentis
21. *Tim. 6.* ad eum: *2 O Timothee, de poſitum cuſtodi,*
deuitans profanas vocum nouitates. Hinc
inquam, vt ſerpentis ſibilos, conſuevit
Eccleſia Catholica nouas huiuſcemodi
audire, atq. horreſcere voces, & exe-
crari. Et quomodo ipſa patietur iſtam,
quæ aduerſatur cuſtoditę mordicus in
Eccleſia vnitati? Si vna eſt conſenſu ſi-

DE MONARC. SICILIÆ. 17

delium omnium in Ecclesia à tempore
Euangelij promulgati monarchia, nec
alteram superinduci ab illa, quæ Chri-
sti ore noscitur stabilita, ad Petrum tã-
tum, non ad alium quempiam Aposto-
lorum ista dicentis: ^b *Tu es Petrus, & su-* ^{b Matt. 16.}
per hanc petram ædificabo Ecclesiam meã.
Et ad eundem post resurrectionem: ^c
Pasce agnos meos, pasce oues meas. ^{c Ioan. 21.} Vnquã
passi sunt Orthodoxi: quomodo hodie
infaustum nomẽ, vox infelix, altera au-
ditur in Ecclesia monarchia?

Quod si dixerint, non est dicenda i-
sta altera monarchia, cū pendere istam
dicamus ab illa, dum eam auctoritate
diplomatis Pontificij vendicamus: &
nos hoc ipsum dicimus, si nõ est altera,
sed vna cum ea; vtique non altera dicẽ-
da est monarchia, sed vnicum relin-
quendum, seruandum, & custodiendũ
Monarchiæ nomen est illi, quod ipsi
impertitum à Christo, in ea solum sem-
per sunt venerati Fideles. Si igitur au-
ctoritate diplomatis Pontificij id vo-
bis iuris quæsitum contenditis (mini-
stros illos Regios compello) cur plus-
quam concessum sit illo, vobis sumitis

Abolendũ
omnino
nomen
Monar-
chiæ.

in nouitate vocabuli? Demus, quod dicitis, Urbanus voluit Reges Siciliae esse Legatos natos à latere: nunquid diplomate sanxit, eos dicendos esse monarchas? nequaquam. Magna quidem inter vtramque vocem est differentia. Cum autem plures sint hodie in Ecclesia Catholica nobilissimarum Ecclesiarum Antistites, qui ex vero certoque priuilegio Apostolicæ Sedis Legati nati obtinent dignitatem: num ex eo aliquis eorum ausus est aliquando sese appellare monarcham? minimè gentium. Quamobrem etsi non alia ex causa, vel ex hac saltem succidendum est nomen adulterinum, ne tali exemplo propagetur in alios: alioqui in Ecclesia Dei, in qua non nisi vnus possit esse monarcha, monarcharum silua (horrèdum dictu) succresceret infamia sèpiterna primatus Romanæ ipsius Ecclesiæ. At hæc, quod ad nomē ipsum, dicta satis, res autem ipsas ad examē modò reuocemus.

Quonam iure, qua ratione ex eodē Urbani Papæ superius recitato diplomate tanta vobis sumpsistis, vt ex eo,

Legatos à latere, itemque natos, atque demum monarchas effectos Reges omnes Siciliae dicere præsumpseritis? Esto, concefferit ista Rogerio eiusque filijs Vrbanus Papa: nunquid hæredibus cunctis, & successoribus omnibus esse concessa, affirmare poteritis? nullo modo. Recitentur eadem verba Pontificis: sic se habent:

Quod omni vite tue tempore, vel filij tui Simonis, vel alterius, qui legitimus tui hæres extiterit, nullum in terra potestatis vestrae, &c. En quam cautissimè Papa voluit expressisse personas, quibus illud concederet priuilegium. Expressit enim Rogerium patrem, Simonem filium, & alterum filium, si extiterit ipse hæres. Duo namque Rogerio Comiti erant filij, Simon maior natu, atque Rogerius, quem voluit expressisse voce illa, alterius; quod quidem nomen non de pluribus, sed de vno ex duobus duntaxat dici, sciunt omnes, qui Latinas litteras didicerunt. Si igitur cautū, vt filios illos duos Rogerij priuilegium non excederet. Quomodo ergo deducitis ad hæredes omnes? quomodo ad-

Vrb. diploma non excedit filios Rogerii Com.

hucinsuper, cum hæredes Rogerij omninò defecerint, trahitis etiã ad successores omnes? Vbi de hæredibus omnibus, & successoribus aliqua inest mētio in diplomate? quod quidem, cum id præstari voluerint Romani Pontifices, expressè conscribi, exactè notari, dilucidè poni, minimè prætermisisse noscuntur.

Urbani
Pap. diploma
sæpius
reuoca-
tum.

At quid amplius? etiam si expressè Urbanus Pontifex ea concessisset omnibus hæredibus atque etiã successoribus omnibus Rogerij Comitibus: adhuc tamen ea ipsa nullo modo deduci potuisse ad Carolum Quintum, hac apertissima ratione firmamus. Quod cū plurima extent Pontificum Romanorum diplomata, quibus sunt collatæ Inuestituræ de regno Sicilia diuersis Regibus, atque in eis disertis verbis reuocentur cuncta sigillatim, quæ aduersus ecclesiasticam immunitatem quoquomodo sint præsumpta: planè nihil est, ut aduersus tot Pontificum documenta, de quibus sigillatim inferius fiet mentio, istiusmodi diploma aliquid si-

bi vindicare possit auctoritatis.

At nec quod prætenditur, vlllo pacto concesserim, per Urbani diploma creatum Legatum à latere fuisse Rogerium ipsum, atque filios eius. Hæc vt plenius cognoscantur, eiusdem hic Papæ diplomatis verba sunt repetenda, quæ sic se habent: *Nullum in terra potestatis vestra, præter voluntatem aut consilium vestrum Legatum Romanæ Ecclesiæ statuemus. Quinimmo, quæ per Legatum acturi sumus, per vestram industriam Legati vice cohiberi volumus. Quis ista perlegens, non percipiat ex verbis eius, non legationem à latere concessam esse Rogerio, sed eum vicem Legati implere voluisse, & in his tantum cohibendis, quæ per Legatum Apostolicæ Sedis colligenda forent? Aliis namque formulis, iisdemque plenioribus, atque adeò specificis consueuisse concedi ab ipsis Romanis Pontificibus legationes à latere nemo ignorat, qui eiusmodi lectionibus effuevit.*

Præterea non perpendunt, quanta ab ipsis irrogetur iniuria Urbano Pontifici, cum velint ea concessisse ipsum

Vices Leg.
agere Ro-
gerium ius-
sum ab
Vrb. Papa.

Vendica-
tur Vrb.
Papa ab ir-
rogata ini-
uria.

Vrbanum Rogerio, quæ per Reges huius temporis malè aduersus ecclesiastica iura vniuersa Ecclesia Catholica scâdalum patiente, exercentur: cum in vendicandis Ecclesiæ iuribus ab vsurpatione laïcorum, idem sanctissimus Pontifex nulli reperitur fuisse secundus, sed inter primos eiusmodi zelo exæstuentes claros Romanos Pontifices numerandus; quique iis ipsis tēporibus vixerit, quibus iugiter certādum erat pro his ipsis aduersus inuasores Romanæ Ecclesiæ iurium. In quibus laboribus obeundis, quæ eiusdem Vrbanus Pontificis partes fuerint, docent quæ de eo sunt enarrata per annos singulos Pontificatus eius, quorum causa Concilia adeò frequentia indicenda, peregrinationes assiduè ab ipso obeundæ fuere, scribique ad diuersos epistolas frequentet oportuit; ne vel latam vnguem præiudicium inferri sineret ecclesiasticæ immunitati.

Potuitne tanta concessisse Rogerio, quorum partem aliquam tantum si Imperatori Henrico ferocissimo Ecclesiæ persecutori celsisset, pacem proculdu-

DE MONARC. SICILIÆ. 23
bio vniuersalis Ecclesiæ redemisset, & tot tantisque cladibus afflictam diutius Ecclesiam liberasset? Si quid igitur vulneris fuisset infligendum Ecclesiæ: planè pacis vniuersalis causa comparandæ, & pseudopontificis propulsandi tolerandum vtique fuisset illud: sed prius cuncta pati, quam quid minimum Ecclesiæ iurium imminui decreuit animo Urbanus Papa, quod & dum vixit, effectu ipso egregiè præstitit, nihil magis sollicitè curans tota ipsa sui Pontificatus functione, nihil studiosius tractans, vel cupidius satagens, quam ne quid minimum Ecclesiæ iurium sibi seculares Principes vendicarent. Nam audi, quæ de Urbano ipso eiusdem temporis scriptor dicat Domnizo..

*Nunquam decreuit libertas deniq. Sedis
Romanae per eum.*

Hæc ipsa in vita Mathildis, citata sæpè superius. Immò audi Urbanum ipsum ita rescribentem ad Rudolphum Comitum: ^a *Nosse te volumus, quia nulli secularium domino potestatem in clericos habere licet: sed omnes clerici Episcopo soli esse debent subiecti. Quicumque verò aliter*

^a Iuo. part.
6. cap. 408.

24 CÆS. BARONII TRACT.

præsumpserit: canonica procul dubio sententia subiacebit. Sed & eodem argumento scriptam ab eo ad Salernitanum Clerum & populum breuem epistolâ legito. Sic se habet:

Vrbanus in
omnibus
defensor
Eccl. im-
munitatis.

Vrbanus Episcopus seruus seruorum Dei dilectis filiis Clero & populo Salernitano salutem & Apostolicam benedictionem.

Lanzonem presbyterum, qui ecclesiam sanctæ Mariæ per manum laicam inuasit, expulso eo qui legitimè possidebat: noueritis sententia nostra officio & beneficio interdictum. Omnes præterea, qui ecclesias, vel ecclesiastica beneficia, aut capellanas sine Episcopi sui consensu, per manum laicam obtinuerint; donec satisfaciant suo Episcopo secundum sanctorum canonum constituta, ab officio. & beneficio interdiciamus. Hæc ex monumentis Salernitanæ Ecclesiæ, quæ in Vaticana bibliotheca asseruantur. Quæ quod certò careant anno quo data sūt, hic voluimus descripsisse, cum ceteris fermè annis singulis Pontificatus eius res gestæ ab ipso hæc de eo latius prædicent.

An potuit, quæ tanto labore ædificauit tot annis, vna hora in congressu illo

illo Salernitano cum Rogerio Vrbano Pontifex destruxisse; vt secundum illud Apostoli: *b Si quæ destruxi, iterum hæc ædifico; præuicatorum me constituo.* Ipse turpiter præuicationis nomine fuerit arguendus: si tanta diplomate illo, quanta isti proferunt renouata per recentes Reges Siciliæ, Rogerio ac posteris concessisset? Absit, absit, longè longius, inquam, proculque absit, vt Monarchiæ illius dicatur Vrbano creator, ædificatorque turris Babel in contumeliam Dei, & opprobrium Apostolicæ Sedis; cuius planè non ædificatorem sed destructorem se dum vixit, semper Vrbano exhibuit, qui & nunc de cælo in ipsam Fidelibus clamat illud Dauidicū: *c Exinanite, exinanite vsque ad fundamentum in ea.* Vtpote quæ ipsis eam erigentibus, atque tuentibus æternum exitiū pariat, in cuius tantum ruina spes sit eorum ad salutem erectionis. Sed & in Concilio vniuersali Romæ sub eius successore Paschali Pontifice celebrato, ab vniuersa Synodo acclamatum est eidem Vrbano Pontifici, vti iurium Ecclesiæ acerrimo iudici, defensori atque

Procul ab
Vrbano
proditio
Ecclesiæ
iurium.
b Gal. 2.

c psal. 136.

propagatori; idque sæpius factitatum, prout suo loco, sequenti Tomo dicitur; quod profecto fieri minimè potuisset, si erectorem Monarchiæ Siculæ posse dici modo aliquo contigisset.

**Detegitur
deprauatio
diplomatis** Sed quid detineo ultra Lectorem, & non citò detego aduersantium malas artes, qui non vt se habuit, ipsum verū, germanum, legitimum, in omnibus integrum ediderunt diploma; sed mutilatum, decurtatum, atque corruptum in omnibus, quibus iura Romanæ Ecclesiæ salua essent, exhibuerint ipsum? Agimus immensas Deo gratias, quia cecitate percutiens illos, qui manu sacrilega sacrum diploma Pontificis in pluribus mutilarunt, non fuit eos videre illa, quibus istiusmodi per eos patratum scelus aperta luce, certa probatione; atque euidentissimo argumento probari posset. Si enim vidissent, atque considerassent; quis dubitet, id ipsum ab eis, eadem falce adhibita falsitatis, fuisse peractum? Quemnam putas, ad hæc probanda adhibitori simus testem: illum ipsum ex aduersantium domo petitem, ab ipsis iure laudatum, re-

ceptum, probatum, cui nec sit quod obiici possit, quippe qui hoc eodẽ tempore vixit, & scripsit historiam Siculã, eodem ipso (vt profitetur) exposcente Rogerio Comite, de quo agitur. Nominatus est iste Gaufrerus, professione monachus Benedictinus, cuius opus antiquitate ipsa planè venerandum delituit penè sepultum inter vetera monimenta Regum Aragonum ad nostrã usque etatem; cum illud ipsum Hieronymus Surita, vir celebris, de rerum antiquitate benè merens in lucem protulit, ediditque Cæsaraugustę typis Dominici à Portonariis, año salutis millesimo quingentesimo septuagesimo octauo, idemque munitum adhuc & laudatum Regio priuilegio (ne quid ad absolutissimam fidem eius deesse posset) dedicatum verò Antonio Augustino tunc Archiepiscopo Tarraconensi, eruditione legum sacrarum suę etatis in Hispania facilè principi.

Hic ipse auctor à nobis superius citatus eadem occasione congressus Urbani Papę cum Rogerio Sicilia Comite, acturus de eiusmodi priuilegij conces-

Occasio a-
peritur cõ-
cedendi
Priuilegij,

aGaufr.
lib. 4. c. 9.

sione, facta ab Urbano Pontifice ipsi Rogerio, ista petendi eiusmodi preces-
fisse sic narrat a occasione: *Sed quia i-
pse Apostolicus iam dudum Robertum E-
piscopum Trainensem, Comite inconsulto,
Legatum in Sicilia ad exequendum ius san-
ctæ Romanæ Ecclesiæ posuerat, perpendens
hoc Comitum graue ferre, & nullo modo,
vt stabile permaneat, assentire: cognoscens
etiam, ipsum Comitem in omnibus negotijs
ecclesiasticis exequendis zelo diuini ardoris
exferuescere: cassato quod de Episcopo Trai-
nensi fecerat, legationem beati Petri super
Comitem per totam Siciliam, vel habendâ
hereditatiter ponit, ea discretione, vt dum
ipse Comes aduixerit, vel aliquis heredum
suorum zeli paterni ecclesiastici executor
superstes fuerit, Legatus alius à Romana
Sede, ipsis inuitis, nullus superponatur. Hęc
ipse. Quæ planè integra vt vidisti, in i-
pso recitato superius diplomate conti-
nentur.*

Quæ ex di-
ploma-
te sint do-
losè subla-
ta.

Sed quæ malis artibus, & dolo malo
de eo sint dempta, quæ in eo contineri,
idem ipse testatur, iam demonstremus,
atque nos hic, honoris causa redditæ
postliminio diu exulis veritatis, gran-

DE MONARC. SICILIÆ. 29
diusculis litteris describamus, sic se habent:

SED SI QVA ROMANÆ ECCLESIE IVRIS EXEQUENDA FVERINT, † CHARTVLIS A ROMANA SEDE IN *Chartulariis, necessario legendum, cum paulo post dicat, per ipsos.
SICILIAM VEL CALABRIAM DIRECTIS, PER IPSOS CONSILIO EPISCOPORVM EARVNDEM PROVINCIARVM AVTHENTICE DEFINIANTVR. Ista sunt quę manus audax ad sacrilegiũ prompta abstulit à recitato Papę diplomate. Quę tanti noscuntur esse momenti, vt si ista restituantur in ipsum, nullum penitus videas irrogatũ damnum per eam concessionem privilegiij Rogerio factam iuribus Apostolicę Sedis, cum sit in his verbis illi integrum reseruatũ, vt cum opus esse iudicauerit Papa, ministros suos in Siciliam mittat causas vrgentes cognoscere; qui, & si ita placuerit ipsis, Episcopos ad Synodum congregent, quorum cõsilio ipsorum sententia expectetur. Talia igitur, tantaque è diplomate subduxisse, quanti reatus fuerit, iudicent omnes.

Porro istud ipsum, vt pro tuendis iu-

ribus Romanæ Sedis post huiuscemodi priuilegium ab Urbano Rogerio impertitum, vsu frequentauerint Romani Pontifices mittere in Siciliã ministros, cum opus fuerit, certum esse, certò exemplo monstratur de Urbani ipsius successoris Paschali Papa, qui legitur misisse Apocrisarios in Siciliam ad exigenda Apostolicę Sedis iura, dum ab Archiepiscopo Panormitano præstari iubetur iuramentum fidelitatis sanctæ Apostolicę Sedi. Extant de his eiusdem Paschalis Pontificis litterę, quas Gregorius Nonus intexuit inter ^b Decretales à se collectas epistolas. Habes ex his igitur, & quod ex diplomate demptum fuerat restitutum, & quod fuit in eo declaratum eiusdem Urbani Papæ successoris exemplo, vt nihil sit, quod de his desiderari vltius possit.

*b c signifi-
casti extr.
de elect.*

*Alia adhuc
ex diplo-
mate subla-
ta.*

At non hic finis latrocinii expilati diplomatis. Aperiantur cetera, vt restituantur in integrum tantopere passum veritas ipsa. Subiicit idem Gaufredus auctor, de his dicere, quæ post hæc eodem ipso diplomate continerentur, sic pergens: *Quod si Episcopi*

DE MONARC. SICILIÆ. 31

ad Concilium inuitati fuerint: quot & quos ipsi Comiti, suis futuris hæredibus visum fuerit, illuc dirigant. Hæc integra sunt conseruata in textu, sed quæ fuit addita limitatio ab Urbano, penitus sublata noscitur, quæ mox ab eodem Gaufrido fide sincera ita subiicitur: **NISI FORTE DE ALIQUO IPSORVM IN CONCILIO AGENDVM SIT IN SICILIA VEL CALABRIA * IN * VT. PRÆSENTIA SVA AVTHENTICE DEFINIRI NEQVIVERIT.** En quanta ista, quæ dolos⁹ artifex in gratiâ principũ abstulit, similis illi de quo in Psalmo: *c Sicut nouacula acuta fecisti.* Ab radens à diplomate, quæ sibi ad concin- *c Psal. 51.* nandam quam moliretur fraudem, viderentur esse contraria:—

Qui enim visus est indulgisse Urbanus Papa Rogerio, vt vocatos ad Concilium Episcopos, quos vellet retineret vel mitteret, cum superaddidit: *Nisi fortè de aliqua ipsorum in Cõcilio agendum sit:* Planè significauit, quod ipsi esset liberum, cum vellet, Siculos & Calabros Episcopos ad dicendam causam vocare ad Apostolicam Sedem, cum videli-

cer (vt subdit) *ipſorum cauſa in Sicilia vel Calabria authenticè in præſentia ſua definiri nequiuerit.* Nā quid eſt quod ait: *Authenticè definiri non poſſe?* niſi canonicè, ſecundum leges eccleſiaſticas terminari? quæ prohibent Principes cognoſcere & iudicare cauſas Epiſcoporū, quibus quidem caſibus cauſæ Epiſcoporū, quæ agitari authenticè, vt ait, coram Principe ſeculari non poſſunt, ad Sedē Apoſtolicam ſint deferendæ. En vides Lector, quanta ſubtraxerit, & quanti momēti veterator (quiſquis fuerit ille) quæ ſi in locum ſuum reſtituantur; fiet etiam integra vna cum diplomate Sedis Apoſtolicæ iura, & Urbani Papæ laudanda prudētia erit, quod ita indulſerit roganti Comiti, vt tamen voluerit Romanæ Eccleſiæ iuribus in omnibus eſſe conſultum.

Quis iſta conſiderans, non exclamet.

Detestatio
parratiſce-
leris.

O fraudem ſolennem, Cornelia lege pleſtendam! quam non timuit, in quā peccauit qui iſta adedē enormia ad conciliandam ſibi Principum gratiam perpetravit, cum deſcriptum mox ab eodem auctore ac redditum ipſum inte-

grum Urbani Papæ diploma, vt profitetur, cum iisdem haud dubium per ipsum assertis sententiis, turpiter mutilauit, dum in ipso diplomate apud Gaufrédum edito desiderentur eadem ipsæ sententiæ, paulò ante ab eodem auctore, qui vidit & descripsit, integrè, vt vidimus, recitatæ. Quando autem admissum portentosum adeò scelus, & à quo fuerit perpetratum adeò pudèdum facinus, haud adeò exploratum habemus vt possimus asserere: verum illos minimè vacare culpa, liberè dicimus, qui ex eodem Gaufrédo illud ipsum diploma describentes, atque edentes, sententiâs illas ab eodem superius recitatas describere penitus prætermiserint, quarum vel saltem meminisse debuerant. Siccine bona fide res acta, vt ad Monarchiam construendam oportuerit prius ita destruere Urbani Papæ diploma, & ita ipsum reddere mutilatum? cum in promptu esset resarcire iacturam, & sublata fragmenta coniungere, ab eodem Gaufrédo suppeditata, deque his monere Lectorem, atque ita benè mereri de prodita veritate? quo nomine ab v-

noquoque legentium immortales gratiæ fuissent agendæ. Agimus verò nos iterum Deo gratias, qui sic, cum ipse sit Veritas, patrocinium suscipit veritatis, ut dementet fraudulentos, nec permittat facere cuncta, quæ velint, cum voluit Urbani Papæ diploma illibatum & integrum in Gaufredo mansisse, dum ab eo ipsius describitur argumentum, atque sententiæ recitantur: quod postea, ut vidisti, eo modo manus fraudulenta corripit, & malus artifex mutilauit.

Quomodo
recipiendū
Urbani di-
ploma.

Quod si integrum ipsum reddatur, prout ab ipso Pontifice noscitur esse datum, restitutis in ipsum clausulis illis atque sententiis per Gaufredum verbis totidem recitatis: tantum abest, ut à nobis reiiciatur, ut ex osculemur illud, utpote sanctissimi Pontificis monumentū, quo magna cautela ita Principi voluerit satisfactum, ut tamen Apostolicæ Sedis immunitati nihil passus sit esse detractum. Tantum, inquam, abest, ut restitutum ipsum integrum, esse Urbani genuinum, negare velimus; quin potius parati simus ostendere aliud id genus priuilegium ab alio Romano Pon-

tifice, eodemque Urbano non impare,
alii Christiano Principi esse cōcessum;
sed nec per ipsum Apostolicæ Sedis iu-
ra esse sublata, vt aliqua super ipsum e-
recta fuerit Monarchia, sicut super
ipsum Urbani datum Rogerio fa-
ctum apparet. Qui enim post Urbanum
Secundum successit tertio loco Calli-
stus Papa Secundus; quique in vendi-
candis, & extorquēdis de manu Impē-
ratoris abreptis Ecclesiasticis iuribus,
summam præ omnibus suis antecesso-
ribus sibi gloriam comparauit: post ce-
lebratum ab ipso Rhemenſe generale
Concilium, congressu habito cum Hē-
rico Anglorum Rege, quid petierit Rex
ab eo, & quid concesserit ipsi Callistus;
sic in Annalibus Anglorum Rogerius
narrat, quod & nos inferius suo loco
ponemus: *Rex à Papa impetrauit, vt o-*
mnes consuetudines, quas pater suus in An-
glia & Northmannia habuerat, sibi conce-
deret; & maximè, Vt neminem aliquando
Legati officio in Anglia fungi permetteret,
si non ipse, aliqua præcipua quærela exigēte,
quæ ab Episcopis regni sui terminari non
posset, hoc fieri, à Papa postularet. Hęc ipse.

Quibus plane nihil derogatum scitur Apostolicæ Sedis iuribus, quia maioribus exigentibus causis, ab Ecclesia Romana legationes in Angliam fuerint frequentatæ, eedemque decenti cultu à Regibus Anglorum exceptæ, prout declararunt euenta. At sicut his nō contradicimus, ita nec reiicimus Urbani diploma, si reddatur integrum, & non, ut est demonstratum, tot sententiis mutilatum.

Sed nec est, quod verba Gaufrædi, quæ in diplomate scripta fuisse docet, aliquis in alium sensum conuertere iure possit, ut nullum eidem concessioni afferat præiudicium: nam vel ex eo tantum, quod è textu ablata noscuntur; ipsum delictum arguit malam fidem, & contrariam ipsis veritatem magis insinuat. Sed & ipsa narrata nuper Paschalis Papæ legatio in Siciliam missa, quæ sunt dicta, declarat eo modo esse intelligenda; nempe ut cum in Sicilia de iuribus Apostolicæ Sedis agitur conseruandis; tunc esse liberum Romano Pontifici Carthularios, quos ipse Paschalis nominat Apocrifarios, illuc pro arbi-

trio mittere. Quęnam verborum interpretatio poterit esse verior, certiorque probari ea, quam ipso usu experientia comprobavit? nimirum dum mox post Urbanum à successore Paschali vidimus factitatum, quod faciendum eius diplomate cautum erat.

Iam igitur patefacta fraude, & ostenso ipso diplomate vitiatō, adulterato, depravato, atque corrupto: & quod ita ut est editum corruat penitus & non subsistat: plane necesse est, ut ingens ista moles erectæ desuper Monarchiæ magno fragore ruat, si res iure agitur & nō violentia. Quod existimare nefas de Rege Catholico maximè pio, Christianæ religionis cultore studiosissimo, Fidei orthodoxæ custode vigilantissimo, atque potentissimo defensore: quem & libentissime scriptionis huius nostræ arbitrum constituimus, probè scientes, à iustissimo Principe non nisi iusta fore præstanda.

Quod verò præter eandem Urbani Quæ alia
assertam Epistolam adhuc alia quędam ad proban-
eademque leuissima pro Monarchiæ narchiam.
Siciliæ firmitate in medium afferuntur: inducatur.

hic eadem sunt conuellenda. Dicunt enim, reperiri nonnulla Sicilię Regum diplomata, in quibus ab iisdem Regibus legatur anathematis sententia promulgata aduersus eos, qui ea quę ipsi iussissent, non implerent, sed euerterent. Si quidem in Cancellaria regni Siciliae de omnibus regiis patronatibus liber collectus est, qui continet donationes ab iisdem Regibus in diuersas Ecclesias, atque monasteria collatas: ad quarum finem hæ vel his similes formulę legantur appositę, quę excommunicationem videantur inferre, videlicet: Si quis hæc nostram donationem infregerit, anathemate condemnetur, vel auctoritate Apostolica anathemate damnetur, itẽque: cum Iuda traditore partem habeat, & alia his similia, quę velint isti ab eis apposita auctoritate legationis Apostolicę Sedis, qua Reges Siciliae (vt nungantur) Urbani Papę fungerentur auctoritate.

Execrationes apponi solitę ab vnoquoque.

Potuissent fortasse isti eiusmodi exemplis suadere simplicibus quod conatur: verum qui antiquarum formularum ex inspectione eiusmodi à diuersis soli-

tarum fieri donationum notitiam habet, ridebit ista, cum vix aliquod sit reperiri instrumentum eiusmodi donationum, quæ siue à Principibus, siue à priuatis vtriusque sexus fieri solerent hominibus, in quibus eadem formulæ non legantur, & interdum atrociore: quæ quidem non sententiam continent (vt putant) excommunicationis Ecclesiasticæ, quæ ab Episcopis infligi solet in subditos, sed imprecationes potius ad deterrendum eos, qui aliquid contra præscripta moliri tentarent. Sunt de his superius diuersis in locis in recitatis eiusmodi diplomatibus exempla patentia: quin etiam in eodem ab illis scripto codice aliæ diuersorum priuatorum, quæ ibi sunt scriptæ, locis piis factæ donationes continent easdem omninò imprecationes: vt liberum fuisse quibuscunque, videatur, eiusmodi apponere formulas imprecatorias anathematis aduersus eos, qui moliri aliquid aduersus ea, quæ illi statuerent, conarentur. Adde his insuper, non solum in eiusmodi scribi solitis diplomatibus asseri ista, sed etiam à nonnullis consueta

fuisse apponi sepulchris, vt violatores absterrent. Quorum exemplā habes superius recitata, vt inter alia sepulturæ Theodini subdiaconi : SI QVIS PRÆSVMPSERIT HVNC TVMVLVM VIOLARE, ERIT ANATHEMATIS VINCVLIS INNOTATVS. Et in Ecclesia sãti Gregorij Romæ ad Cliuū Scauri erat in abside, fracto tamē lapide, cuiusdam Anastasij Lectoris epithaphiū, in cuius fine habetur:

SI QVIS HINC ABSTVLERIT SEPVLCHRV, SIT EXCOMMVNICATVS ET DAMNATVS IN INFERNV, ET HABEAT PARTEM CVM CAIN ET IVDA TRADITORE. Et in principio Tomi huius in epitaphio sepulchri cuiusdam Ioannis in fine: NEMO SVVM, NEC ALIENV CORPVS SVPER ME MITTAT. QVOD SI HOC PRÆSVMPSERIT, SIT MALEDICTVS, ET IN PERPETVVM ANATHEMATE CONSTRUCTVS. En vides, an ista ex functione legationis Apostolicæ ponerentur à Regibus vt anathema, vel potius imprecationes ad terrorem ab vnoquoq. pro arbitrio in qua vellent prohibitionē usurpari solerent.

Sed inspiciamus cetera, quæ ad roborandam

randam iam sua sponte collabentem Monarchiam afferunt. Abbatis Panormitani celeberrimi canonici Iuris interpretis sententiam descriptam proferunt in suo ipsorum Monarchiæ libro, quæ est: *Liceat Regi ex longa consuetudine appellationes eorum, qui ad Sedem Apostolicam prouocant, impedire. Quam tamen postea dicitur declarasse, ut intelligi debeat, quando non esset tutus accessus ad Apostolicam Sedem, vel tempore schismatis, tunc Regi licere de appellationibus ad Apostolicam Sedem cognoscere: sicque respondisse Abbatem tempore Alphonsi Regis sub Martino Papa Quinto, cui Rex valde esset infensus. Cuius declarationis exemplum non scribitur in dicto Monarchiæ libro, sed reperitur in Abbatia dicta Nouæ lucis in eodem regno posita, & in aliquibus aliis monasteriis.*

Abbas Panorm. in auctoritatem adducitur.

At tanti æstimantur responsa prudentis, ut illa in legem accipiantur, qualiacumque sint? eo præsertim tempore, cum idem Abbas Panormitanus colligeret cum schismaticis aduersus Catholicæ Sedis Antistitem? quis vnquâ aduersus Eccle-

Rex Alphons. Monarchiæ instigator.

siâ testimoniū accepit hostis Ecclesiæ?
Si ista sapuit, imò si sic desipuit Abbas;
quomodo in cōmētariis, quos elabora-
uit, & edidit, ista non defendit, atque
probauit?

Addunt prætereà Alphonsi Regis
eiusdem exempla, quod eiusmodi ad
Papam impediret appellationes. At
quid? Numerunt accipienda pro lege,
quæ Rex contra id quod iurasset periur-
us, percitus furore facere aliquando
voluisset? dum & petentibus, & rogan-
tibus Siculis, ne appellationes ad Apo-
stolicam Sedem eiusmodi (quod Rex
facere cœperat) per magistratus laicos
cognoscerentur, sed per Ecclesiasticos
Prælatos potius: Rex eorum petitioni-
bus annuit, datis anno Domini millesi-
mo quadringentesimo quadragesimo
sexto de hoc litteris. Cuius petitionis
extat exemplum, & legitur ibidem Res-
criptum Regis periuri. At quænam for-
tiora contra Alphonsum Regem affer-
ri possunt, quam diplomata eiusdem
Regis, cum inuestituram accepit ab Eu-
genio Papa quarto, datâ anno superiori
à dicto Rescripto, nempe millesimo

quadringētesimo quadragésimo quinto? Extat in Vaticana bibliotheca inuestitura ei ab Eugenio Papa Quarto factæ exemplar in libro priuilegiorum Romanæ Ecclesiæ, & alio codice, quia apud nos existit, quod sic incipit: *Cum sanctissimus dominus noster Eugenius diuina prouidentia Papa Quartus, anno à Natiuitate Domini nostri Iesu Christi millesimo quadringentesimo quadragésimo tertio, Idibus Iulij, Pontificatus sui anno tertio decimo, &c.* Vbi inferius ista habet de appellationib⁹ liberè dimittēdis ad Apostolicā Sedē, præter alia multa de immunitate Ecclesiastica libera cōseruanda:

Omnesque etiam cause ad forum Ecclesiasticum in regno, & terra prædictis pertinentes, liberè & absque vlllo impedimento agitabuntur, tractabuntur, & ventilabuntur coram Ordinarijs, & alijs Ecclesiasticis iudicibus, & terminabuntur per eos. Et si ad Sedē Apostolicam super huiusmodi causis appellari contigerit; tam appellantes, quàm appellati ad eandem venire Sedem pro appellationum prosecutionibus liberè & absque inhibitione aliqua permittentur. Hæcibi de appellationibus ad Sedem

Apostolicam liberè deferendis, per eūdem Regem solenni iuramento firmatis. Et quidem in Inuestitura facta de ipsa Sicilia & terra citrà Pharam, ratificata ab eodem Alphonso: cuius ratificationis hoc est exordium:

Ego Alphonſus Dei gratia Rex Siciliae plenum homagium ligium & Vassallagium faciens vobis domino meo Eugenio Papæ Quarto & Ecclesiæ Romanæ pro regno Siciliae, & tota terra ipsius, quæ est citrà Pharam vsque ad confinia, &c. In fine verò bullæ aureæ eiusdem Alphonſi Regis hæc de tempore dati diplomatis atque loco: Datum Neapoli apud maiorem ecclesiam per manus nostri prædicti Regis Alphonſi, anno à Natiuitate Domini millesimo quadringentesimo quadragesimo quinto, die vero secunda mensis Iunii, octauæ Indictionis, regnorum nostrorum trigesimo, huius vero Siciliae & terræ citrà Pharam, anno regni vndecimo. Hæc ibi. Quid igitur his aduersans citatur Rescriptum Alphonſi, datum anno sequenti, contentū capitulo trecētesimo nonagesimo septimo, pag. cxxviii. Nam ore suo periurus esse conuincitur atque præuarica-

tor, vt qui ea ipsa, quæ iuramento promiserat, rata habuerat, firmaueratque, peierando destruxerit, atque præuaticando impiè dissiparit. En quale instituendæ Principium Monarchiæ. Quod quidem nomen, quo significatur, sub vno eodemque dominio Regem Sicilia, iunctam simul spirititualem, ac secularem auctoritatem & potestatem, vt insolitum, nec vsurpatum fuisse à tyrannis, manifestis Romanæ Ecclesiæ perduellibus, vt Friderico & eius filiis, nec ab inuasoribus eiusdem regni, vt Petro vel alijs, satis constat, cum tamen res ipsa sæpius per tyrannidem atque inuasionem fuerit pertentata, vt ex his quæ sumus dicturi patebit.

Si quis enim antiquiora abolenda vestigia eiusmodi Monarchatus curiosius indaganda putauerit, planè inueniet, non Urbani, vel alterius alicuius Catholici Antistitis inuentum esse, sed (si coniecturæ aliquid deferendum) primum auctorem fuisse schismaticum Papam, non Christi, sed Antichristi Vicarium Petrum, Leonis, non Columbaræ filium, eundemque contra Innocē-

Quis fuerit
primus au-
ctor Mo-
narchatus
Siciliæ.

tium Secundum legitimum Ecclesiæ Romanæ Pontificem ex aduerso sedentem, dictum pulchro nomine (vt sic deciperet populum) Anacletum. Iste enim, vbi Pontificatum arripuit violenter, vt contra legitimum Pontificem, eiusque fautores præualere aliquo modo posset, quo minus iusta causa polleteret, eo amplius potētia seculari sese studuit roborare, communireq. aduersus Romanos præsertim, quos erga Innocentium sciret esse procliues: magnoq. sibi fore existimans adiuuēto, si Northmannos, Northmannorumque Principem sibi coniungeret; nihil prætermisit officij vel obsequij, quibus Rogeriū, Rogerij superioris filium, qui tunc non Sicilia tantum, sed dominaretur Apulia, atq. Calabria, conciliaret sibi amicum, & constitueret defensorem.

Quamobrem vbi Sedem inuasit, nihil antiquius habuit, quàm vt ad demerendum hominem eidem quæcunque præstaret; sicque cum ex Comite Regē constituit: cui & inter alia illud quoque concessit, vt sicut laicis, ita & clericis, Abbatibus, Episcopis, & Archiepisco-

pis, qui in eius ditionis prouincijs esset, dominaretur, ac sic esset re ipsa, si non nomine, Monarcha vnus Christianorū, vtriusque ordinis, laicalis, & clericalis. Id quidem eiusdem temporis auctor, quique ea videbat quæ scripsit, testatur Petrus diaconus Cassinensis: qui tamē intentus rebus eiusdem monasterij cōscribendis, cetera obiter tātum attigit, non tamen incognita prætermisit: deque his agens, hæc breuiter habet: ^a De-

functo Honorio, electi sunt Gregorius dia- <sup>a Petr. diac.
Chron.
Cass. lib. 4.
c. 99.</sup>
conus Cardinalis sancti Angeli in Papam

Innocentium & Petrus presbyter Cardina-
lis sancti Callisti in Anacletum. Anacle-
tus autem aliquantulum tempus in Vrbe
permanens cum Episcopis & Cardinalibus,
qui suæ parti fauebant, ad ciuitatem Pisa-
nam perrexit, Conradum Sabinensem Epif-
copum Vicarium in Vrbe relinquens.

Petrus autem Cardinalis Rogerio Duci <sup>Antipapa
Archite-
ctus Mo-
narchiæ.</sup>
Apuliæ coronam tribuens, & per priuile-
gium Capuanum principatum, & Ducatū
Neapolitanum cum Apulia, & Calabria,
& Sicilia illi confirmans, Regemque con-
stituens, ad se attraxit, præcipiens vt Episco-
pi, & Abbates, qui in suæ ditionis solo ma-

nebant, ei obtemperarent. Hæc tantum de his Petrus, ad res Cassinates stylum reuocans. Qui quidem cum ista tantum ex omnibus, quæ in diplomate essent, expresserit: aliquid specialius indicasse voluit per ea verba, præter communem ex Apostolicis iussis debitam Regibus obseruationem; quod tacuit auctor æquæ schismaticus, nullam eundem laudandi Rogerium prætermittens occasionem, quem tamen S. Bernardus, cum opus fuit eius meminisse, absque regio titulo nominat tantum ^b Ducem Apuliæ, ^c tyrannum Siculum, atque usurpatorem coronę regiæ. Sed & quænam fuerint ista singula, quibus Anacletus subiecit Rogerio vniuersum ordinem ecclesiasticum, planè intelliges, cum ea reuocata à Romanæ Ecclesiæ Pontificibus, recitanda inferius audies. Mercedem igitur possidendæ Sedis, quam inuaserat Anacletus, ingressus in ouile ouium non nisi ut fur, qui mactet & perdat, quælibet cuique petenti concedere consuevit, si promitteret, quod sibi in schismate inhæreret. Quod sancti Bernardi testantur epistolæ, ^d qui etiam de

^b Bern. ep.
117. 129.
^c Id. epist.
130. 139.
140.

^d Idem ep.
126.

Rogerij nundinaria Monarchia hæc ad
Guilhermum Comitem Pietauientem
Aquitaniæ Ducem nomine Ducissæ
Burgundiæ: *a Habet tamen, Anacletus a Id. 117.*
scilicet, Ducem Apuliæ, sed solum ex prin-
cipibus, ipsumque vsurpatæ coronæ mercede
ridicula comparatum.

At ista adeò verisimilia eiusdem tē-
poris Scriptoribus consignata vel non
nouit, vel nosse dissimulauit ipse Fazellus, ne Monarchiæ auctorem (vterat)
pseudopapam assereret; qui vt ista sibi
adeò aduersa vitaret, inextricabiles pla-
nè mendaciorum quæsiuit anfractus.
Nam non solum ista de collata Roge-
rio ab Anacleto in ecclesiasticos pote-
state penitus tacuit; sed etiam ad ista vi-
tanda, nequaquam vna cum Innocen-
tii creatione simul ortum schisma Petri
Leonis ponit (quod omnes absque cō-
trouersia: siue veteres, siue recentiores
affirmant) ipsumque schismaticum Pa-
pam Anacletum obortum, sed longè
postea, nec antea, nisi vbi est auditus ip-
se Innocentius ab eodem Rogerio de-
tineri captiuus. Hos sinuosos oportuit
lubricum anguem excogitasse reflexus,

Fazellus
noluit verū
Monar-
chiæ Sici-
liæ aucto-
rem dete-
gere.

ne si rectavia serperet, in Antipapam ipsum offenderet, atque quod nollet, cogeretur asserere, Anacletum ipsi auctorem fuisse regni Monarchici, ex laïcis, clericisque compacti. Vides Lector, quam malè meritis inueniatur de historica veritate Fazellus, nihil magis conatus, quam Monarchiæ vanæ fauendo ecclesiasticam libertatem alta scrobe relinquere sepultam, dum in eius fauorem non solum quod non esset omninò Vrbanum Papam vitiato diplomate eius demonstraui auctorem, sed qui reuera dici potuisset eius inuentor Antipapa ille, Antichristi successor, minister satanæ, caput schismatis Anacletus, ne proderetur, ipse adeò prodidit veritatem? Vt exhorrescere quisque Catholicus debeat sub huius capitis membrum annumerari.

At quid post hæc actum? nisi quod malè ortum, malum accepit occasum, ex aduerso sententia illa Christi vigente, & in perpetuum feriente: *b Omnis plantatio, quam non plantauit Pater meus, eradicabitur.* Et insuper quod præconiò diuinæ sapientiæ in Ecclesia iugiter in-

b Matt. 15.

tonatum Fidelium omnium aures pul-
sat: ^c *Adulterinæ plantationes, siue spuria* ^{c Sap. 4.}

*Vitulamina non dabunt radices altas, nec
stabile firmamentum collocabunt. Et si in
ramis in tempore germinauerint, infirmiter
posita à vento commouebuntur, & à ni-
mietate ventorum eradicabuntur: confrin-
gentur enim rami in cōsummati, & fructus
illorum inutiles & acerbi ad manducandū,
& ad nihilum apti. Ita planè accidit, vt
per falsum agricolam male plantata ar-
bor infelix nequaquam altas radices e-
miserit, licet patrocínio Regū aliquan-
tis per frondescere visā sit. Etenim etsi
peculiare Regibus sit, vt per fas & ne-
fas semel parta amittere nolint, sed tue-
ri velint, tamen non eo vsque conten-
tio est progressa, vt non cesserint iussio-
nibus Romanorum Pontificum, sed si-
cut Rogerius, qui accepit, ita Vuillel-
mus filius eius successor, licet ad tem-
pus restiterit Hadriano Quarto Roma-
no Pontifici, tamen eidem sunt in om-
nibus obsecuti. Testes omnium istorū
adducimus publica monimenta, hæc
ipsa testantia, diplomata inquam Inno-
centij Papæ Tertij, seculi sequentis sine*

Cito defe-
cit male
plantata
Monar-
chia Sici-
liæ.

conscripta, quibus cūcta, quę facta sunt in illam vsque diem, quam fidelissimè elucidantur. Atque in primis satis apertè, fide integra intelligitur, quid in prima inuestitura, facta Vuillelmo Rogerii filio, post eius obitum ab Hadriano Papa fuerit concessum in destructionem vanæ Monarchię, & huiusmodi studio per Antipapam Anacletum erectæ. Nam et si illa ipsa facta ab Hadriano Vuillelmo inuestitura non reperiatur, sed tantum quę petiit ab eo præstari Vuillelmus, tamen quod extet inuestitura Innocentii Papæ ad instar illius facta, idem planè est, ac si ipsa Hadriani inuestitura integra haberetur.

Hæc ut, Lector, accipias, scire debes Rogerium, qui talem Monarchiam accepit ab Anacleto, anno Redemptoris millesimo centesimo trigesimo, peruenisse ætate vsque ad annum millesimum centesimum quinquagesimum quartū, ipsoque mortuo, filium ipsius Willelmum successisse in paternum regnum, atque inuestiturā quæsisse ab ipso Hadriano eius nominis Quarto Romano Pontifice: cuius causa haud fuit leuiter

a ltercatum, expetente illo literis suis ab Hadriano inuestituram conditionibus valde iniquis, ac fortasse iisdē, quibus Rogerius pater regnum accepisset ab Anacleto. At licet Legati ab Hadriano ad eum pacis causa missi visi sint ex parte aliqua his, quæ petierat, concessisse: Hadrianus tamen omninò resiliit, nec inuestituram concedere voluit cū infamibus conditionibus illis, quibus Monarchia illa malè cōposita per schismaticū Papam subsisteret, sed aliis planè contrariis. Qualis autem ista fuerit, mox auditurus eris. Si quidem post tumultuarios Reges, absq; inuestitura regnantes, anno Redemptoris millesimo centesimo nonagesimo nono, cum Cōstantia Imperatrix atque Regina Sicilię, defuncto viro Henrico Imperatore, sibi, filioque paruulo Friderico inuestituram quæreretur ab Innocētio eius nominis Tertio nuper creato Pontifice, concessit ille ipsis eam ad instar illius quam Vuillelmo Regi concesserat Hadrianus. Quod idem ipse Innocentius testatur in ipsius inuestiturę diplomate. A deò vt qui legerit idē Innocētiū Papæ

De Hadriani Papæ inuestitura concessa Vuillelmo Regi.

diploma, quale illud fuerit olim ab Hadriano Vuillmoregi concessum, intelligat, & lectione vnus noscat vtrūque.

Quamobrem hic ipsum tibi describendum operepretiū existimauimus. Extat ipsum in Registri Epistolarum Innocentii tomo primo, Romæ cuso anno Redemptoris millesimo quingentesimo quadragesimo tertio apud Priscianum Florentinum. Sic enim se habet:

Constantiæ Imperatrici gloriosæ Reginæ Siciliae, ac charissimo filio Friderico, illustri Regi Siciliae, eorūque heredibus in perpetuū.

Super gentes, & super regna diuina prouidentia constituti, vt euellamus noxia, & salubria cum Propheta plantemus: sic ad vniuersas provincias nostras considerationis aciem extendere volumus; & circa eas piæ sollicitudinis studium exercere, vt sopitis turbinibus tempestatum, quas parit mater diuersitas, seruent ad inuicem mutue charitatis affectum. Porro specialiter, & præcipue specialē ac præcipuā sollicitudinem circa regnū Siciliae nos cōuenit adhibere, quod in Apostolicæ Sedis feruētius hæten⁹ deuotione permāsit. Ad quod etiā inclytæ recordationis Rogerii quodā patris Vuillelmi fra-

*a Tom. 1.
Regist. Innoc. ep. 412.
lib. 1. pag. 203. 2.
Inuestitura concessa ab Innoc. Pap. constantiæ & filio.*

tris, & Vuillelmi nepotis tuorū Regū Sici-
liæ, filia Imperatrix, grata memoria nos in-
ducit, qui in Apostolicæ Sedis, ac prædeces-
sorū nostrorū dilectione firmi⁹ persistē-
tes, ab eius non potuerunt vnitatis firmita-
te diuelli, quin tanto fortius in ipsius obse-
quio permanerent, quanto aduersus eam se
amplius impetus extolleret tempestatis.

Hac igitur consideratione diligenter in-
ducti, ac credentes, quod prædictorum Re-
gum Vestigia regia serenitas in deuotione
ac obsequiis imitetur: vobis & hæredibus
Vestris (qui, sicut dictus Rex Vuillelmus
quondam frater tuus felicitis memoriæ Ha-
driano Papæ prædecessori nostro exhibuit,
nobis & successoribus, & Ecclesiæ Ro-
manæ fidelitatem & hominum exhibere,
ac quæ subscribuntur voluerint obseruare)
concedimus regnum Siciliæ, Ducatum A-
pulie, principatum Capuæ cum omnibus
pertinentiis suis, Neapolim, Salernum, A-
malphiam cum pertinentiis suis, & alia
quæ ultra Marsiam habere debetis, & re-
liqua tenimenta, quæ tenetis, à prædecesso-
ribus Vestris, hominibus sacro-sanctæ Ro-
manæ Ecclesiæ iure detenta, & contra om-
nes homines adiuvabimus honorificè manu

tenere.

Capitula-
ria mutuo
configna-
ta.

Pro quibus omnibus coram Venerabili fratre nostro Ottone Episcopo Ostiensi, Apostolicæ Sedis Legato, quem ad iuramentum tuum, filia Imperatrix, recipiendum transmissimus, fidelitatem nobis, nostrisque successoribus, & Ecclesiæ Romanæ iurasti, sicut continetur in duobus similibus Capitularibus, quorum Vnum penes te sigillo nostro, alterum penes nos sigillo tuo signatum habetur, firmiter repromittens, quod quia præsens præsentis hominum debet exhibere: quandoque nos & successores nostri te in aliqua parte regni, quam securè possis adire, ad nostram præsentiam vocauerimus, reuerenter accedes hominum præstatura, nisi certum impedimentum, aut necessitas euidenter interueniat: quibus cessantibus, sine fraude venias ad ligium hominum faciendum. Cum autem tu, fili Rex, fauente Domino, ad legitimam ætatem perueneris: nobis ac successoribus nostris, ac Ecclesiæ Romanæ fidelitatem, & ligium hominum exhibebitis. Censum vero sexcentorum squifatorum de Apulia & Calabria, quadringentorum verò de Marsia, vel æquiualens in auro, vel argento vos ac hæredes vestros statuistis.

statuistis Ecclesiæ Romanæ soluturos, nisi fortè impedimentum aliquod interueniat, quo cessante census integer persoluetur.

Electiōnes autem secundum Deum per totum regnum canonicè fiāt de talibus quidem personis, quibus vos ac hæredes vestri requisitum à nobis præbere debeatis assensum.

Vt autem hæc quæ supra diximus, tam nostro, quam successorum nostrorum tempore perpetuam obtineant firmitatem, nec vestris, nec hæredum vestrorum temporibus alicuius valeant præsumptione turbari: nos ea de consilio & voluntate fratrum nostrorum auctoritate Apostolica confirmamus, & valitura in perpetuum præsentī pagina communimus, & tam à nobis, quam à successoribus nostris, perpetuis temporibus statuimus obseruanda. Nulli ergo, &c. Vsq̃ue ad verbum, Indignationem incurrat: ream se diuino Iudicio de perpetrata iniquitate cognoscat, &c. In modum priuilegij: Cunctis autem prædicta seruantibus, &c. Ita in codice edito, sicque nulla prorsus mentio, vt concesserit Regi, quæ reuera ab Antipapa Rogerius obtinuisset, vel ab Urbano Papa per mutilatum il-

Iud diploma asseritur consecutus. Sed ista sunt reuera (vt audisti) quę Innocentius Constantiæ & Friderico filio concessit, præter hæc autem nihil. Quęnam autem in duobus illis, quorum meminit Innocentius Papa, Capitularibus continerentur, proximè auditurus eris, vbi prius dixerimus, quomodo his (vt vidisti) firmiter constitutis, nouę petitioni Constantiæ idem Innocentius adhuc satisfaciendum putauit, nimirum, vt quę ieiunè nimis de electionibus faciendis in diplomate recitato continerentur, paulò fufius ab eodem Pontifice explicarentur. Cum ei annuens idem Pontifex, diploma, quod

^a *Innoc. lib.* ordine sequitur, scripsit, quod incipit:

1 ep 411.

pag. 204. 2.

De electio-

nibus fa-

ciendis.

^a *Nec nouum, nec iniustum existit, &c. Vbi inferius hæc de electionibus cōtinet:*

Quantum cum Deo, & nostra possumus honestate, deferre velimus salua iustitia, & ecclesiarum canonica libertate, petitionibus vestris assensum facilem exhibere. Ne igitur vlla de cetero inter nos & successores nostros, & vos & hæredes vestros super electionibus dissensio suscitetur, modum faciendæ in posterum electionis præsentibus cura-

uimus litteris explicare: in quibus sic in multis regie serenitati deferimus, ut libertatem Ecclesiæ non lædamus.

Sede vacante, Capitulum significabit vobis & vestris heredibus obitum decessoris: deinde conuenientes in vnum, inuocata Spiritus sancti gratia, secundum Deum eligent canonicè personam idoneam, cui requisitum à vobis præbere debeatis assensum, & electionem factam non different publicare. Electionem verò factam, & publicatam denuntiabunt vobis, & vestrum requirent assensum. Sed antequam assensus regius requiratur, non intronizetur electus, nec decantetur laudis sollemnitas, quæ inthronizationi videtur annexa. Nec, antequam auctoritate Pontificali fuerit confirmatus, administrationi se vllatenus immiscebit. Sic enim honori vestro volumus condescendere. Ut libertatem canonicam obseruemus, nullo prorsus obstante Rescripto, quod à Sede Apostolica fuerit impetratum. Hæc de electionibus faciendis. Quæ omnia seorsum, datis litteris Apostolicis, idem Innocentius Papa innotescenda curauit omnibus Archiepiscopis, & Episcopis, atque vniuerso deniq. inferiori Clero

Siciliæ regni. Quas litteras, quod contineant illa etiam, quæ in assertis superius Capitularibus scripta erant, hæc tibi verbatim curauimus describendas. Sic se habent:

Archiepiscopis, Episcopis, & aliis ecclesiarum Prælati, & vniuerso Clero in Sicilia constitutis.

Innocentii
Pap. literæ
Apost. ad
Siciliæ E-
piscopos. *Si charissimæ in Christo filia nostræ Cōstantiæ Imperatrici Reginæ Vnâ cum charissimo filio illustri Rege Siciliæ in multis gratiam fecimus specialem: non est ab aliquibus in admiratione ducendum, cum regnum Siciliæ ad ius & proprietatem Ecclesiæ Romanæ pertineat, & in eius fidelitate perstiterit, ac permanserit vnitatem. Nostis enim, qualiter inclytæ recordationis Rogerius, VVillelmus, & VVillelmus Siciliæ Reges illustres in Apostolicæ deuotionis ferè semper permanserint firmitate; qualiter prædecessores nostros fuerint humiliter venerati; qualiter etiam in Ecclesia Romana post Deum suæ spei posuerint & gaudij fundamentum, & in ea, & per eam se crediderint exaltari. Nostis etiam, qualiter prædecessores nostri Romani Pontifices Reges ipsos, ac regnum Siciliæ quadam semper præ-*

rogatiua dilexerint, & ad augmentum ipsius, utpote quod peculiare, sicut est, & proprium reputabant, intenderint & quietem. Quia verò quantumcunque velimus eorum honori deferre; libertatem canonicam & honestatem ecclesiasticam intendimus ob-
servare. Ne igitur vlla de cetero inter nos, & successores nostros, & prædictam Imperatricem & eius filium, Sicilia Regem illustrem, vel hæredes eorū super electiones denuò dissensio suscitetur, quæ hætenus inter Ecclesiam & regnum rancoris cuiusdam & indignationis comitem ministra-
bant: modum faciendæ in posterum electionis, præsentibus curavimus litteris explicare; in quibus sic regiæ serenitati deferimus, ut libertatem ecclesiasticam non lædamus. Sede vacante Capitulum &c. Prout in superioribus litteris, ad Constantiam & filium datis sunt descripta de electionibus faciendis. Quibus recitatis, vel ex parte, quæ ad rem spectarent, sic pergit describere quæ superius nominavit Capitularia:

Ideoque vniuersitati vestræ per Apostolica scripta mandamus, & districte præcipimus, quatenus cum aliquam ecclesiarum

vestrarum vacare contigerit, secundum præscriptam electionis formam, omnia gratia & timore postpositis faciatis nec contra eam aliqua presumptionis occasione venire. Alioquin electione taliter facta, diligenti discussione præhabita, dante Domino infirmare curabimus, & eligentium transgressionem animadversione debita castigare.

Capitula-
ria contra
Monar-
chiam Si-
cilix.

Volumus etiam nihilominus, & mandamus, ut de cetero ad Romanam Ecclesiam liberè, cum opus fuerit, appelletis, & interpositis ad nos appellationibus, curetis humiliter & deuotè deferre.

Nos etiam quoties necessitas postulauerit, Apostolica Sedis Legatos ad vos curabimus destinare, qui, quæ plantanda sunt plantent, & euellant quæ fuerint euellenda: quorum obediatis monitis & præceptis: nullo prorsus in omnibus præscriptis capitulis obstante priuilegio, quod à Sede Apostolica fuerit impetratum.

Vt autem quæ præscripta sunt, apud vos nulla possint obliuione deleri, mandamus atque præcipimus, quatenus formalitterarum ipsarum ad perpetuam memoriam in maioribus ecclesiis transcripta seruetur. Posthæc

DE MONARC. SICILIÆ 63
in codice ista subduntur.

In eundem modum Archiepiscopis, Episcopis, Abbatibus, Prioribus & Vniuerso Clero in Apulia constituto. Scriptum est scilicet. Atque hætenus Capitularia, primum (vt audisti) ab Hadriano Papa præscripta VVillemo Rogerij filio, deinde ad instar illius concessionis ab Innocentio repetita in inuestitura facta Constantiæ & filio Friderico, quibus quæ concessisset Vrbanus de non mittendis Legatis, & alijs, audisti sublata.

At ne quis putet, eundem Fridericū adhuc puerum inuitum his consensisse, puberem verò factum resilijsse: hic describendam putamus Auream bullam, quam post annos quatuordecim, nèpè Redemptoris millesimo ducentesimo decimotertio dedit, acceptam ipsam ex libro priuilegiorum Romanæ Ecclesiæ, quam etiam scriptā inuenimus in alio codice, qui inscribitur liber Censuum, hisce verbis:

In nomine sanctæ & indiuiduæ Trinitatis Amen. Fridericus diuina fauente clementia Romanorum Rex, & semper Augustus & Rex Sicilia.

Bulla aurea Friderici contra Monarchiam.

Regnum nostrum tunc stabiliri confidimus, cum Altissimum, de cuius manu ea quæ possidemus, bona recepimus, honoramus. Tanto enim Domino, qui bona tribuit nobis, ad offerendas hostias operis & deuotionis astringimur, quanto ipsam misericordem in nobis & mirabilem experimur. Cognoscetes igitur gratiam, quæ data est nobis ab ipso: habentes quoque præ oculis immensa & innumera beneficia vestra, domine & reuerendissime pater, protector & benefactor noster, domine Innocenti, Dei gratia summe Pontifex venerande, per cuius beneficium, operam & tutelam aliti sumus, protecti pariter & promoti, postquam in sollicitudinem nostram mater nostra felicitis memorie Constantia Imperatrix & Sicilia Regina ex ipso quasi vtero nos iactauit: vobis, beatissime pater, & omnibus successoribus vestris Catholicis, sanctæque Romanæ Ecclesiæ speciali matri nostræ omnem obedientiam, honorificentiam, atque reuerentiam semper humili corde, ac deuoto spiritu impendimus, quam prædecessores nostri Reges & Imperatores Catholici vestris antecessoribus impendisse noscuntur: nihil exinde volentes diminui, sed magis augeri, ut

DE MONARC. SICILIÆ. 65
maior deuotio enitescat.

Illum igitur volentes abolere abusum, quem quidam prædecessorum nostrorum exercuisse dignoscuntur, decretum in electionibus Prælatorum: concedimus, & sancimus, vt electiones Prælatorum liberè & canonicè fiant, quatenus ille præficiatur Ecclesiæ viduatæ, quem totum Capitulum, vel maior & sanior pars ipsius duxerit eligendum, dummodo nihil desit ei de canonicis institutis.

Appellationes autem in negotiis & causis Ecclesiasticis ad Sedem Apostolicam liberè fiant; earum persecutionem siue processum nullus impedire præsumat.

Illum quoque dimittimus & refutamus abusum, quem in occupandis bonis decedentium Prælatorum, aut etiam Ecclesiarum vacantium nostri consueuerunt antecessores committere pro motu propriæ voluntatis. Omnia nos spiritualia vobis & aliis Ecclesiarum Prælati relinquimus liberè disponenda, vt quæ sunt Cæsaris Cæsari, & quæ Dei Deo recta distributione reddantur.

Super eradicando autem hæreticæ prauitatis errores auxilium dabimus & operam efficacem.

Posseſſiones etiam, quas Eccleſia Romana recuperavit, ab antecelloribus noſtris, ſeu quibuſlibet alijs ante detentas, liberas & quietas ſibi dimittimus, & ipſam ad eas obtinendas bona fide promittimus adiuvare. Quas verò nondum recuperavit, ad recuperandum erimus pro viribus adiutores: & quæcunque ad manus noſtras devenient, ſine difficultate ac mora eas reſtituere ſatagemus. Ad has pertinet tota terra, quæ eſt à Radicofano uſque Ceperanum, Marchia Anconitana, Ducatus Spoletanus, terra Comitiffæ Mathildis, Comitatus Bertinorij, Exarchatus, Rauennæ, Pentapolis, Maſſa Trebaria cum adiacentibus terris, & omnibus alijs ad Romanam Eccleſiam pertinentibus cum omni iuriſdictione, diſtrictu, & honore ſuo.

Veruntamen cum ad recipiendum coronam Imperij, vel pro neceſſitatibus Eccleſiæ ab Apoſtolica Sede vocati venerimus, de mandato ſummi Pontificis recipiemus procurationes ſive* Fodrum ab ipſis. Omnia igitur ſupradicta, & quæcunque alia pertinent ad Romanam Eccleſiam, de voluntate & conſcientia, conſilio & conſenſu Principum Imperij liberè illi dimittimus, renun-

*feudum.

DE MONARC. SICILIÆ 67

tiamus & restituimus; necnon ad omnem scrupulum remouendum, prout melius valet & efficacius intelligi, concedimus, conferimus, donamus, vt sublata omnis contentio- nis & diffensionis materia; firma pax & plena concordia in perpetuum inter Eccle- siam & Imperium perseuerent.

Adiutores etiam erimus ad retinendum, & ad defendendum Ecclesiæ Romanæ re- gnum Siciliæ, cum omnibus ad ipsum spe- ctantibus, tam citra Pharium, quam ultra, necnon Corsicam & Sardiniam, ac cetera iura, quæ ad eam pertinere noscuntur, tan- quam deuotus filius & Catholicus Princeps.

Vt autem hæc omnia memorato sanctis- simo patri nostro domino Innocentio, sacro- sanctæ Romanæ Ecclesiæ summo Pontifici, eiusque successoribus per nos & nostros successores Romanorum Reges & Impera- tores obseruentur, firma & inconuulsa sem- per permaneant; præsens priuilegium cons- criptum, maiestatis nostræ aurea bulla ius- simus communiri. Testes autem sunt hi.

Sigefredus Moguntinus Archiepiscopus,
Sedis Apostolicæ Legatus.

Eberhardus Solisburgensis Archie-
piscopus.

Conradus Ratisponensis Episcopus.

Otto VVirzburgensis Episcopus.

Manegoldus Potaviensis Episcopus.

Engerardus Zifensis Episcopus.

Giadiacus Bahemorum Rex.

Ludouicus Dux Bauariæ.

Leopoldus Dux Austriæ & Styriæ.

Hermannus Lanthgravius Turingiæ.

Comes Albertus de Eberstein.

Comes Adolphus de Sonneberch.

Comes Burchardus de Mannesuedel.

Berardus Bers Comes.

Ludouicus de VVirtemberg.

Gebehardus Busclauius Magdeburgēsis.

Henricus de Stahenunerch.

VValterus de Langenberg.

Henricus de Calandina.

Mareschalcus Imperij VValterus, & Sepf. pincerna Imperij, & alij quamplures.

*Signum domini Friderici Secundi Romanorum Regis inuictissimi, & Regis Siciliæ. * Loco sigilli.*

Ego Conradus Dei gratia & Apostolica Sedis Metensis & Spirensis Episcopus, Imperialis aulæ cancellarius Vice domini Sigefridi Moguntini Archiepiscopi, & Apostolica Sedis Legati, actorius Germa-

DE MONARC. SICILIÆ. 69

niæ Archicancellarij recognoui.

Acta sunt hæc anno Domini nostri Iesu Christi millesimo ducentesimo decimo tertio, Indictione prima, regnante domino Friderico Secundo Romanorum Rege glorioso, & Rege Siciliæ, anno regni eius Romani primo, regni verò eius Siciliæ decimo sexto.

Datum apud Egram per manus Bertholdi de Nise, regalis aulæ Protonotarij, quarto Idus Iulij.

Rursum verò post ános sex huic per omnia similem Auream bullam dedisse reperitur Honorio Papæ Tertio, totidem verbis conceptam, quæ in nominatis codicibus extat: in qua post testes descriptos hæc leguntur:

Acta sunt hæc anno Incarnationis Do- Friderici
confirma-
tio facta
Honorio
III.
mini millesimo ducentesimo decimo nono, mense septembris, Indictione octava, regnante domino Friderico Secundo Romanorum Rege glorioso, regni ipsius in Germania sexto, & in Sicilia vigesimo secundo feliciter. Amen.

Datum apud Agnou. per manus Henrici regalis aulæ Protonotarij, anno, mense & Indict. præscriptis. Idemque in edicto, quod promulgandum curauit die, qua

70 CÆS. BARONII TRACT.
ab eodem Honorio coronatus est Imperator, hæc primo loco seruanda præcepit his verbis:

Nos Fridericus Dei gratia Romanorum Imperator & semper Augustus hac edictali lege irritamus, & præcipimus irritari omnia statuta, & consuetudines, quæ ciuitates, vel loca, potestates, Consules, vel quæcunque aliæ personæ contra libertatem Ecclesiæ, vel personas Ecclesiasticas edere, vel seruare tentauerint aduersus canonicas, vel Imperiales sanctiones. Et ea de Capitularibus suis infra duos menses post huiusmodi publicationem edicti penitus aboleri, &c. Plura alia eodem edicto sanciens in fauorem Ecclesiasticæ libertatis. Est inter Honorij Papæ Epistolas libro quinto Epistola quadringentesima octogesima tertia. Hæc quidem Fridericus in destructionem malè erectæ à Rogerio, vel eius filio VVillelmo cognomento, Malo, Monarchiæ Siciliæ.

Verùm non tantum hæc in regno Siciliæ, sed quidquid per vniuersam Italiam per dominos & magistratus præsumptum esset contra ecclesiasticam libertatem, idem Fridericus anno Do-

DE MONARC. SICILIAE. 71
mini millesimo ducentesimo vigesimo
abrogandum curauit, Constitutione
hac edita:

*Fridericus Dei gratia Romanorum Rex
semper Augustus, & Rex Siciliae, Potesta-
tibus, Consulibus ac Comitibus Vniuersorū
Comitatum, & Castrorum Italiae.*

*Alia const.
Frid. pro
Eccl. liber-
tate.*

*Cum diuinae memoriae Imperatores Romani
sacrosanctam Ecclesiam multiplici libertate
dotarint: nos disponēte Deo, à quo est omnis
potestas, ad fastigium culminis Imperialis
electi, quae piē ab illis, & à sanctissima Sedis
Praesulibus pro statu ecclesiarum, & eccle-
siasticorum virorum sunt edita, conservare
volumus inconcussa; & illis contraria, sicut
ad nos spectare dignoscitur, amputare. Cum
igitur ad aures celsitudinis nostrae peruene-
rit, nonnullos vestrum cupidine caeca sedu-
ctos quadam detestanda edidisse statuta prae-
iudicantia ecclesiasticae libertati, ac diuino
& humano iuri obuiantia: manifestè nos ea
tanquam de radice prauitatis haereticae pro-
uenientia, auctoritate praesentium cassamus
sub poena mille marcharum, districtius inhi-
bentes, ne quis vestrum illis de cetero inhæ-
rere praesumat, aut eorum praetextu ecclesias
& ecclesiasticos viros contra sanctiones*

canonicas & legitimas molestare. Quinimmo cadenostris Capitularibus, seu breuiarijs condemnata penitus abolentes, ecclesias & ecclesiasticas personas permittatis indulgentiæ sibi libertate gaudere, si vultis pœnam effugere prenotatam, & indignationem regiam evitare. Datum in castris apud sanctum Leonem, anno Domini millesimo ducentesimo vigesimo, Indictione octaua, Kalendis Octobris. Hæc in libro collectionis Nicolai de Aragonia, qui in Vaticana bibliotheca seruatur sub numero CCCCXCVIII.

At dicet aliquis, eundem Fridericū post hæc in acerbissimum tyrannum conuersum Ecclesiam oppugnasse; hæcque omnia operibus destruxisse. Attamen certum est, nullius fuisse roboris, quæ sibi absque consensu Romanæ Sedis Pontificis tyrannicè vendicauit. Cum enim quid sibi iuris Rex arrogat in ecclesias non concedente Pontifice, nullatenus id posse subsistere, & nullius penitus esse momenti, quis ignorat? Cū alioquin idem Fridericus conuersus in arcum prauum, effectus præuaricator eorum, quæ tot publicis monumentis sanctè

DE MONARC. SICILIAE. 73
sanctè pieque statuerat, primum sub
Gregorio Nono, vt ab excommunica-
tione absolueretur, scriptis publicis ite-
ratis omnino correxit. Extant ipsa in
Registro eiusdem Gregorij Noni, data
anno Domini millesimo ducentesimo
trigesimo, mēse Iulij, Indictione tertia,
apud sanctum Germanum. Inde verò
eundem iterum rerum Ecclesiæ statum
in Sicilia perturbantem, his ad eum
litteris datis compescuit idem Grego-
rius:

*Ascendit ad nos clamor, vlulatus &
stridor, miserabilis, validus & horrendus
ecclesiarum & clericorum regni Siciliae &
Apuliae, quod in eos vltra, quam de facili ex-
primi valeat, iniquè defœuens, ipsos affligis
cruciatibus infinitis, bona eorum diripiens
& extorquens, in manifestam contumeliam
Redemptoris, & atrocem iniuriam Ecclesiæ
generaliter, vt taceamus Apostolicæ Sedis
contemptum, in quam cadunt ex hoc oppro-
bria exprobrantium. Cū igitur hæc nequeā-
mus sine periculo sustinere; qui Christi Vica-
rj licet immeriti constituti pro tuenda iusti-
tia, & defendenda ecclesiastica libertate
tenemur; & volumus impendere nosmetipsa*

Greg. ix
vindex a-
cerimus
violatæ Ec-
cles. liber-
tatis in Si-
cilia.

*jos, ab eo nobis digna vicissitudine rependen-
da, qui beatificat tribulationem propter
iustitiam patientes. Imperialem celsitudinē
tuam monemus & hortamur attentē, qua-
tenus ecclesiis & personis ecclesiasticis abla-
ta restituens integrē vniuersa, ab illorum
molestatione penitus conquiescas, fama tua
consulens & saluti. Alioquin contra Deū
homini deferamus, super hoc procedemus,
dante Domino, sicut fuerit procedendum.
Ad hoc autem dilectos filios B. & R. fra-
tres minores ad te mittimus, si forsitan saltē
serō salubriter monitionibus nostris aures
aperias, quas hactenus nimium inconsultē
clausisti. Datum Reate Nonis Maij, Pon-
tificatus nostri anno secundo.*

Fuit autem ex his & alijs ab eo per-
peram factis idem Fridericus ab eodem
Pontifice excommunicatus, absolutus
autem, cum ea omnia emendare pro-
misit, ultore existente non solum, quæ
in Ecclesiam & personas, iuraq. eccle-
siastica deliquisset; sed & in laicos ipsos,
miserabiles personas, pupillos & viduas
immò & omnes homines nobiles siue
ignobiles perpetrasset: vt apparet ex
capitulis, quæ, vt absolueretur idem

Fridericus, est pollicitus observare.
Scripta illa anno Domini millesimo
ducentesimo trigesimo, Indictione
tertia, mense Iulij.

a Greg. ix.
anno Pont.
x. ep. 253.

Rursum verò longè prolixiori^a epi-
stola in eum inuehitur, cum iura Eccle-
siæ sibi iniquè impièque usurpat. Ut
planè intelligas, exhortuisse Romanos
Pontifices, vindicare sibi Reges quæ
essent Ecclesiæ, in eisdemque vigore
sacerdotali insurrexisse, pariterque
damnasæ.

At Fridericus ipse, licet aliquandiu
auersione contentiosa restiterit monē-
ti Pontifici, tandem ultimo elògio, te-
stamentò condito, nullius decreuit esse
momenti, quæcunque contra libertatē
ecclesiasticam statuisset. Habentur au-
tem eius testamenti præcipua capita
recitata à Matthæo Paris in Annalibus
sui temporis, in quibus hæc inter alia:
Item relinquo totam terram Ecclesiæ liberā,
& Volo quod iura Ecclesiæ restituātur &c.
Sicque iuxta illud^b propheticū de ini-
micis Ecclesiæ: *Sanctifica illos in die occi-*
sionis. Hoc impio tyranno magna Dei
misericordia concessum, ut nouissimo

b Ierem. ii.

76 CÆS. BARONII TRACT.
elogio, quæpij Principis essent, præstare
posset.

Monar-
chia Siciliae
penitus di-
spata.

Vidisti Lector ex his, omnem illam
molem aëream Monarchiæ penitus
corruisse, quæ non, vt fingunt, conce-
dente Urbano Papa, sed pseudoponti-
fice Anacleto, Rogerio, absque funda-
mento super arenam, nullo sibi glutino
cohærens, malè composita fuit. Cuius
hic ex parte quandam repræsentamus
imaginem.

c Lib. 7. Po-
licr. cap. 19.

Reperitur, quod Rogerij huius pri-
mi Regis temporibus nō in Sicilia mo-
do, sed etiam in Apulia, ceterisque eius
regni prouincijs Episcopatus per regios
codicillos conferebantur, vt declarat
Roberti eiusdem Regis Cancellarij
exemplum apud Ioannem Sarisberien-
sem. c Narrat enim, Robertum hunc
ecclesiam Auellanam, tunc fortè vacā-
tem tribus diuersis, qui oblato pretio
eam expetebant, per simulatam speciē
addixisse, ac deinde quartum quendam
nec opinantem, illis reiectis, cōsecran-
dum curasse. Quæ quidem per succes-
sores legitimos Romanos Pontifices,
præsertim verò per Innocentium Ter-

tium, cuius de horum abrogatione ex-
tant diplomata, abroganda fuerūt. Sed
per Hadrianum Papam ista postea fuisse
sublata, cum concessit inuestituram
Guillelmo Regi Rogerij filio, ita de-
clarat Robertus^a Abbas in additamen-
to ad Sigebertum his verbis : *Cum Papa*
Hadriano pacem fecit, concedendo ei con-
secrationes Episcoporum regni sui & Du-
catus, sicut antiquitus eas habuit Ecclesia
Romana, unde discordia fuerat inter patrē
suum Rogerium & Innocentium & Euge-
nium Romanos Pontifices. Idem Verò Apo-
stolicus concessit ei regnum Siciliae & Du-
catum Apuliae & Principatum Capuae.
Porro ista cum alijs ab Antipapa Ana-
cleto fuisse concessa Rogerio, quis po-
terit dubitare, cum aliundè accepisse,
dici non possit, laborantibus in contra-
rium omnibus antecessoribus Pontifi-
cibus Romanis, & in hoc ipsum vsque
ad mortem insistentibus, vt ista à laicis
Principibus malè vsurpata in pristinum
vsum atque libertatem Ecclesiasticam
reuocarent?

Verum liquet tot Romanorum Pō-
tificum, potissimum verò Innocentii,

imò & contrariis edictis Siciliæ Regū;
eandem iam solo æquatā iacuisse pro-
stratam, imò potius veluti absorptam
terræ chasmate, nullatenus vel in rui-
nis aliqua eius superfuisse vestigia, sed
& in anathema obliuionis sub dira illa
maledictionis sententia constitutam: ^b

b. 10f. 6.

*Maledictus vir coram Domino, qui susci-
tauerit & edificauerit ciuitatem Hiericho,*
Cuius muri in altum erecti, Arca Do-
mini circumducta; intonantibus tubis
sacerdotalibus, corruerunt. Vbi ergo
quod posuerunt recēiores Siculæ Mo-
narchiæ fundamentum, Urbani Papæ
diploma? nonne oportuit, si ita fuisset
aliquando, ea tanta totius eius molis
ruina, tam Pontificia auctoritate, quā
regia potestate remansisse sepultū, tot
contrariis editis scriptis tū ab ipso Pō-
tifice, tum etiam à dominantibus Prin-
cipibus ipsis aduersus omnes quascun-
que Ecclesiasticorum iurium oppres-
siones? Quid si aliis adhūc plutibus o-
stendemus, & Pontificiis atque regiis
publicis documentis eadem ipsa cōtra
ecclesiasticam immunitatem rediuiua
funesta decreta, fuisse mox sui ortus

principio condēnata, penitusque rescissa, vt nihil fuerit in Ecclesia adeò vigilantissimo studio pertractatum, vel propensissima solertia agitatum, curatumque, quam hoc ipsum, ne quid iniuria Principum, præter ius fasque cuncta sibi sumentium, aduersus antiquam à Patribus acceptam, legibus custoditā Ecclesiasticā libertatem emergeret.

Quod igitur rem semel aggressi, ingressique latissimum campum, qui finibus suis tempora nostra pertingat, quibus sæpe deiecta, penitusque disiecta eiusmodi Monarchia, auctoritate prætenfa eiusdem Urbani Papæ diplomatis reuocatur in vsum: eo vsque progredi, licet inuiti compellimur: ita tamen, vt compendiaria via prolixum nimis conficiamus iter, per quod sumus maiori otio, longiori mora, commodioribus mansionibus, ipsa scriptione Annalium annos singulos singulis stationibus metientes, iterum transituri. Attingemus enim tantum ea, & quàm breuissime possumus, quæ ad institutū semel susceptum spectare noscuntur, nimirum quoties istiusmodi perosam

Monarchiam restituere sint agressi Sicilia Reges, eamque disiecerint sacris legibus Romani Pontifices, ac Reges ipsi, dum singulis concessis inuestituris voluerunt in omnibus esse consultum Ecclesiasticæ immunitati, inferemusque ipsum rerum usum: quibus perspicua luce perspectis, Lector cuncta quæ ad hæc spectant, habeat explorata.

Studium
Roman.
Pontif. in
conferuan-
dis Eccl.
iuribus.

Primum verò summatim illud sciendum omnes Romanos Pontifices, usque ad tempora Caroli Quinti inuestituras consueuisse conferre, tam Sicilię regni positi vltra Pharum, quam etiam Sicilia (sic eam libuit appellare) citra Pharum, sæpe coniunctæ aliquando verò distinctè ab inuicem: in omnibus verò inuestituris istis, magna consideratione consultū in primis Ecclesiasticę immunitati, quibusdam semper præscriptis capitibus ad ista spectantibus, iisdemque per Reges accipientes eadē inuestituras subscriptis, atque iuramento firmatis: quorum omnium gestorū adhuc integra apud nos extant vetera monimenta, eadēque omni fide probata. Vt planè in singulis ipsorum ap:

pareat, nihil magis omnes Romanos cauiffe Pontifices, quam vt in omnibus fartam testam inuiolatamque libertatē Ecclesiasticam conseruarent; ea enim polliceri renuentibus, denegasse, vel pollicita præstasse detrectantes, censuris Ecclesiasticis exagitasse. Sed cum omnes impense adeò in his perseuerarint: admiratione quidē haud mediocri dignum videri potest, vnde emerferit, vt falce Apostolica succisi radicitus Monarchiæ infelices palmites, iidē sæpe dēfiori atque altiori germine pululauerint, & excreuerint, & quæ Christi damnata sententia infructuosa arbor aruerit, rursus maiori bonorum fructuum sterilitate, & malorum fertilitate viruerit, iam ab Ecclesiæ terra, quam malè occupat, penitus euellenda.

Ita verò causam roganti: *Vnde in benè sato atque culto agro xixania?* nihil propius respondendum, quam illud Evangelici patrisfamilias, dicentis: *⁹ Inimicus homo hoc fecit.* Sed non cum dormirent homines, tantum scelus præsumptuum? imò ipsis vigilantibus, recla-

mantibus etiam, & exclamantibus, dā-
nantibus pariter, atque auctoritate A-
postolica, quantum licuit, tyrannos
istos, Fridericum, Conradum, atque

A tyrannis
tyrannicè
secundo re-
stituta Mo-
narchia.

Manfredum, cum id violenter agerēt,
cohibentibus. Prævaluit tamen ad tē-
pus vis tyrannica, grassatio violenta:
Principum latrocinium. Sic dixerim,
secundum Iustini martyris sententiam
ad Antoninum Pium scribentis, atque
liberè profitentis: *Tantum valent Prin-
cipes, opinionem veritati præferentes, quā-
tum prædones in solitudine.* Dum sicut
isti, ita illi grassantur, sed maiori isti po-
tentia, minori tamen verecundia, cum
quod nefas est, id iure factum velint, &
quod per vim tyrannicam imperant, &
extorquent, hoc veluti ratione summa
fancitum iubeant, pariter ut sacrosan-
ctum ab omnibus custodiri, atque trās-
mitti curent ad posteros. Ita plane ac-
cidit, ut cum Monarchia illa pristina
excisa penit⁹ atque extincta fuerit Ro-
manæ Ecclesiæ iuribus, rursus tyran-
norum Principum viribus sit nefarius
restituta, sed Romanis semper Pontifi-
cibus obnitentibus, atque fortissimè

DE MONARC. SICILIÆ. 83
resistentibus.

Fuerunt primi, qui ista tentarunt, post Rogerii Regis & eius filii Vuillelmi ausus temerarios condemnatos atque rescissos, Fridericus Imperator, idemque maximè impius, & infestissimus omnium Romanæ Ecclesiæ persecutor, itemque patri filius non dissimilis Conradus, atque Manfredus frater qui eosdē superauit impietate. Hi tres in primis iurato bello aduersus Romanos Pontifices, in seruitutem deduxere Ecclesias omnes, & cum Ecclesiis etiam viros Ecclesiasticos summa tyrannide compresserunt, cum Pharaone dicentes superbo fastu: *b Nescio Dominum; & Israel non dimittam.* *b Exod. 5.* Hi tres igitur euerſæ penitus Siculæ Monarchiæ restitutores fuere, atque propagatores amplissimi, quos tandem ab ipsis Romanis Pontificibus condemnatos atque magno prodigio, Dei dira vindicta sublato, erubescant, atque simul horrescant imitari Principes orthodoxi. Imitantur planè atque sectantur, qui iisdem quibus illi legibus Siculam reuocant atque renouant Monarchiam,

Ad quam euertendam ab his temporibus quotquot fuere Romani Pontifices, ad quos pertinuit inuestituras cōferre Siciliæ Regibus, omnes vno consensu, sicut vno spiritu laborarunt, vt inter alias expressas conditiones prescriptas ipsis seruandas, illæ essent potissimæ, quibus abrogarent quascunque ab his sancitas leges aduersus ecclesiasticam libertatem. Hęc vt ostendamus, agendum de singulis.

Atque primum quod spectat ad tres host tyrannos, Fridericum, Conradū, atque Manfredum, ob violata iura Ecclesiastica Fridericus à Gregorio Nono primum excommunicatus fuit, deinde in Consilio Lugdunensi ab Innocētio Quarto Regno simul & Imperio spoliatus est. Inter alias verò causas ei⁹ abdicationis hęc allata est, quod electiones sacrorum Antistitum in Sicilia, atque in Imperio turbasset, ecclesiasticosque coram laïcis conueniri permisisset. Huius exemplum secuti Conradus atque Manfredus non legitimi Reges, sed tyranni, quippe qui Siciliā absque inuestitura accepta, inuitis Pō-

tificibus occupassent, cum multa contra Sedis Apostolicæ auctoritatem & iurisdictionem impiis legibus suis sancire conati essent: successores Pontifices ipsis damnatis, in singulis ab eis traditis inuestituris, de abrogandis iisdem legibus ab ipsis promulgatis egerunt, hoc adiecto ab Alexandro Papa Quarto magna consideratione: vt quoniam inuadendæ ecclesiasticæ libertatis in Friderico occasio fuerat auctum Imperio regnum Sicilię, quo munitus despexit parere Pontifici: non liceret in posterum vlla penitus ratione iungi regnum Siciliæ cum Imperio. Quæ quidem tunc præscripta conditio, consuevit in omnibus postea concessis Sicilia Regibus à successoribus Romanis Pontificibus inuestituris apponi, atque verbis totidem innouari. Sicque procul absuit, vt ex Ecclesię iuribus passi sint Monarchiam Siciliæ innouari, qui & additamento secularis potentia eā conflari penitus vetuere: tantum abest, vt ex spiritualibus eā augeri voluerint: sed de ipsis agamus inuestituris.

Viuente adhuc Manfredo tyranno

habere, in tantum tamen, in quantum ecclesiarum patronis canonica instituta concedunt. Hæc in aurea bulla inuestituræ. Extat apud nos vna cum aliis ad hæc spectantibus documentis siue ex Vaticana bibliotheca, siue ex archiuo munitionis sancti Angeli, siue ex Registris Cameræ Apostolicæ, aut aliudè petitis. Ex quibus vides solo æquari turres illas exaltatas à tyrannis illis super omnem Ecclesiasticam libertatem, cū nullum relinquitur contra eam Regibus priuilegium, dum tam res omnes, quàm personas Ecclesiasticas in libertatem illam vendicatas voluit, quæ sacris legibus debetur ipsis, nec in iure patronatus Regis tributum aliquid amplius, quam ceteri omnes patroni iure debitum possidere solerent.

Cū autem dicta inuestitura facta Anglorum Regi, ipso non curante, effectū caruit, & Carolus Andegauensis Comes, sancti Ludouici Regis Francorum frater inuestituram à Clemente Papa Quarto accepit: occiso in bello Manfredo Siciliæ regni inuasore liberiori dispositione idem Siciliæ regnum

Translatū
regnum in
Andegauē
uos.

ad iura Romanę Ecclesię reuersum est; sicque post hæc ampliori forma in ipsis inuestituris per Sedem Apostolicam factis libertas ecclesiastica est declarata atque munita, cum prohibitione semper, ac detestatione legum dictorum Principum tyrannorum, quæ fuerant ab eis promulgatæ pro Monarchia cōtra ecclesiasticā libertatē. Nā audi quæ in aurea bulla continentur. Caroli Andegauēsis Siciliæ Regis, qui auctoritatē Apostolica ibi regnauit. Ipse enim, cum regni inuestiturā accepisset à Clemētē Papa Quarto, anno Domini millesimo ducētesimo sexagesimo quinto, Indictione septima, hæc inter alia se forē seruaturum ptomisit, quæ his ipsis verbis in eodem diplomate scripta leguntur.

Bulla Ca-
roli Regis
ad Clemēt.
pp. iv. de-
struitur
Monarchia
Sicil.

Omnes insuper ecclesiæ, tam cathedrales, quam aliæ regulares, & seculares, nec non & omnes Prælati, & clerici, ac omnes personæ ecclesiasticæ, seculares, & religiosæ, ac quæcunque religionis loca cum omnibus bonis suis in electionibus, postulationibus, nominationibus, prouisionibus, & omnibus aliis plena libertate gaudebunt. Nec ante electionem, siue in electione; siue post, regni assensus,

assensus, vel consilium aliquod requiretur. Quam utique libertatem promitto ego, & mei in regno heredes sepeper manutenebimus, & conseruabimus, & manuteneri, & conseruari faciemus ab omnibus subditis nostris, & quod dictæ ecclesiæ, atque personæ uti possint liberè omnibus bonis, & iuribus suis, saluo mihi, meisque in regno heredibus iure patronatus in ecclesiis, in tantum, quantum in hac parte patronis ecclesiarum canonica instituta concedunt, ubi antiqui Reges Siciliae huiusmodi ius patronatus in ipsis ecclesiis habuerunt.

Omnes etiam causæ ad forum ecclesiasticum pertinentes, liberè, & absque ullo impedimento agitabuntur, tractabuntur, & ventilabuntur coram Ordinarijs, & alijs ecclesiasticis iudicibus, & terminabuntur per eos. Et si ad Sedem Apostolicam super huiusmodi causis appellari contigerit: tam appellantes, quàm appellati ad eam venire Sedem pro appellationum prosecutionibus liberè, & absque inhibitione aliqua permittantur. Et promitto tam me, quam heredes meos facturos, curaturos, & permissuros, quod sic agitari, tractari, & ventilari, ac terminari possint, & sic quod possit appella-

ri, & liberè venire Romam.

Sacramenta verò fidelitatis præstabuntur secundum antiquam & rationabilem consuetudinem, prout canonica instituta permittunt, ab illis ecclesiarum Prælatiis, quorū prædecessores antiquis illa Sicilia Regibus præstiterunt. Ab illis autem Prælatiis, & ecclesiis, qui regalia, siue temporalia bona tenent, si qui tamen sunt, qui huiusmodi bona teneant à domino regni, & alijs dominis temporalibus, & qui ratione huiusmodi bonorum ab antiquo consueverunt Regibus, & ipsis dominis temporalibus servitia exhibere, eiusmodi honesta & antiqua servitia eis secundum rationabilem & antiquam consuetudinem, prout statuta patiuntur canonica, impendantur, salva semper circa ecclesias cathedrales, & alias regulares, ac personas, ac loca ecclesiastica tam in faciendis provisionibus, & electionibus confirmandis, quam in alijs quibuscunque, Romani Pontificis, & Ecclesiæ Romanæ iurisdictione, ac auctoritate plenaria, & libera potestate.

Renocabo quoque omnes Constitutiones, seu leges per prædictum Fridericum vel per Reges Sicilia, siue per Conradum, ipsius Friderici filium, aut Manfredum quondam

Principem Tarentinum, qui de facto regnū ipsum detinuit occupatum, editas contra ecclesiasticam libertatem. Nec statuta, vel Constitutiones aliquas edam, aut etiam promulgabo, per quæ iuri, vel libertati ecclesiasticæ derogetur. Quenam autem fuerint Friderici eiusmodi Constitutiones cōtra ecclesiasticam libertatem, possumus intelligere ex bulla anathematis, qua Innocentius Quartus in concilio Lugdunensi excommunicauit eundem Fridericum Imperatorem, ex his scilicet causis, quod in regno Sicilia Prælatorum electiones perturbabat, tributa, quæ talliam vocant, eis soluenda præscribebat; quodque clericos corā iudice seculari conueniri permittebat &c. Pergit verò:

Promitto etiam, quod tam ego, quam mei hæredes non patiemur, quod aliquis clericus, vel persona ecclesiastica eorundem regni & terræ, in civili, vel criminali causa conueniatur coram iudice seculari, nisi super feudis iudicio petitorio conueniatur civiliter: ita quod omnes ecclesiæ, ac personæ ecclesiasticæ omni modo erunt liberæ, & etiam in nulla Regi, vel Principi subiacebunt.

Et quod nullas tallias, vel collectas imponemus ecclesiis, monasterijs, clericis, & viris ecclesiasticis, vel rebus eorum. Et quod in ecclesiis vacantibus nos, vel nostri in regno meo hæredes nulla habebimus regalia, nullosque fructus, redditus, & proventus, nullas etiam obventiones, ac nulla prorsus alia percipiemus ex iisdem, custodia earundem ecclesiarum interim libera remanente penes personas ecclesiasticas, iuxta canonicas sanctiones &c. Plura alia addit facienda in fauorem Romanæ Ecclesiæ, à qua regnū acceperat. Repetitæ sunt autem hæc in diplomate inuestituræ, factæ eidem Carolo ab eodem Clemente Pontifice, cuius est exordium: Constituti ab eo, per quem Reges regnant &c. In fine autē ipsius ista: Actum apud Lateranum in basilica sancti Saluatoris, quæ appellatur Constantiniana, ante sanctissimum altare ipsius basilicæ quarto Kalēdas Iulij, anno Domini MCCLXV. Pontificatus Clemētis Quarti anno primo.

Tenuit Carolus regnum Siciliae ultra Pharum vsque ad annum Redemptoris millesimum ducentesimum octogesium secundum, quo cæsis Francis,

eam occupauit Rex Aragonum Petrus, de quo inferius dicturi sumus: modo cœptam semel Andegauprum successionem suo ordine prosequemur, qui singulas à successoribus Romanis Pontificibus de vtraque Sicilia inuestituras sunt consecuti iisdem conditionibus, quibus à Clemente Quarto Carolus Primus acceperat, licet re ipsa possessor tantum essent Siciliæ citra Pharam.

Carolo Primo successit anno salutis Carolus II.
Profligator Mo-
narchiæ. millesimo ducentesimo octogesimo nono, decimoquarto Kal. Iulij, Carolus Secundus Rex Siciliæ, exhibens iuramentum fidelitatis Nicolao Papæ Quarto. Idemque inter alia, quæ breuitatis causa recensere omittimus, eadē seruanda promisit, quæ pollicitus fuerat Rex Carolus prædecessor Clemēti Papæ Quarto, iisdem capitibus, totidē verbis superius recitatis, atque ex eadē bulla descriptis, cum abrogatione omnium legum trium tyrannorum, cōtra libertatem ecclesiasticam sancitarum: quę omnia repetita habentur atque descripta in bulla eiusdem Nicolai Papæ. In fine autem ipsius Caroli promiss-

94 CÆS. BARONII TRACT.
sionis ista de eius tempore scripta legū-
tur. *Actum Reate in maiori palatio iuxta
cathedralem ecclesiam Reatinam decimo-
quarto Kal. Iulij, anno Domini millesimo
ducentesimo Octogesimo nono, Indictione
secunda, regni Sicilia anno quarto.*

A bonifa-
cio Pap.
destruitur
Monar-
chia.

Anno verò millesimo ducentesimo
nonagesimo quinto idem Carolus in-
uestituram accipiens à Bonifacio Papa
octauo, die decima septima mensis Fe-
bruarij, Indictionis octauæ, anno vnde-
cimo regni eius, parem in omnibus ei-
dem bullam auream fecit, in qua per
singula quæque verba, in ijs, quæ spe-
ctant ad libertatem ecclesiasticam sar-
tam rectam in omnibus custoditam, ea-
dem quæ superius sunt recitata in diplo-
mate Clementis Papæ Quarti, & aurea
bulla Caroli Regis, sunt repetita; itidē-
que abrogatio legum tyrannorum, cō-
tra ecclesiasticam libertatem sancita-
rum, æquè descripta totidem syllabis
reperitur. Quibus planè omnibus om-
nes Monarchiæ nerui succisi penitus
sunt, vt stare nullatenus possit. Extat
ipsū diploma in iisdem tribus codici-
bus superius nominatis, quod qui vo-

luerit, inspicere poterit.

Nepos verò Caroli Robertus Rex
vtriusque Siciliae regni inuestituram
accepit à Clemente Papa Quinto, salu-
tis anno millesimo trecentesimo nono,
Indictione septima, die vigesimo sexto
mensis Augusti, primo ipsius regni an-
no, vt in eius aurea bulla signatur, ead-
emque promissiones præstitit pro cō-
seruandis liberè iuribus ecclesiasticis,
ita vt ex Clementis Quarti inuestitura
per apices singulos esse descriptæ appa-
rent, cum eadem detestatione legum
trium tyrannorum contra ecclesiasti-
cam libertatem in Sicilia editarum, ita
vt sic per suos intonate desuper Sancto
de cœlo: *² Succidite arborem.* Vna omniū
tam Romanorum Pontificum, quam
Regum Siciliae, eademque fuisse conf-
piratio videatur destruendæ malè plan-
tatae ab initio Monarchiæ. Extat ipsa
bullæ aurea in iisdem citatis superius
libris.

Bullæ au-
rea Robe-
rti Reg. de-
struitur
Monat.
Sic.

² Daniel. 4.

Alia Bulla
aurea Ro-
berti eius-
dem Ar-
gumentum
ad Benedi-
ctum Pa-
pam xii.

Rursum verò idem Robertus Sici-
liæ Rex cum præstitisset iuramentum
fidelitatis Benedicto Duodecimo Ro-
mano Pontifici, bullam auream pariter

scribendam curauit de his, quæ ab eo obseruanda essent, cuius exordio tēpus ita exactè describitur, scilicet: *Anno Domini millesimo trecentesimo trigesimo quinto, Indictione tertia, die Vigesima quinta mensis Iunij, Pontificatus sanctissimi patris & Domini nostri domini Benedicti, diuina providentia Papæ Duodecimi, anno primo &c.* Vbi inferius inter alias obligationes, quas à se forè seruandas expressit, de libertate ecclesiastica, in regno Sicilia iugiter retinenda, eadem totidem verbis sunt expressa, quæ in regio diplomate aui sui Caroli Regis sunt superius recitata; specialisque pariter facta habetur abrogatio legum tyrannorum illorum Friderici, Conradi, atque Manfredi, qua videri possit conuulsa penitus Monarchia.

Quæ huic successit Ioanna, anno Redemptoris millesimo trecentesimo quadagesimo quarto, à Clemente Papa Sexto inuestituram accepit de vtraque Sicilia iisdem prorsus conditionibus de libertate Ecclesiastica conseruanda, quibus Carolus Primus atque alii successores superius nominati à Roma-

nis Pontificibus accepissent. Sed & anno millesimo trecentesimo septuagesimo secundo, nouo Pontifici Gregorio Vndecimo fidelitatis iuramentū exhibens, omnia quę supra, seruare promisit, quætum ipsa tum prædecessores promiserant de Ecclesiastica immunitate tuenda. Hęc Auenione anno secundo Pontificatus eius, die quarto Ianuarij. Extant de his tunc scripta diplomata. Hi omnes igitur Andegau Caroli Primi successores inuestituras iisdem supra narratis conditionibus pro Ecclesię libertate præscriptis à dictis Romanis Pontificibus accepere de vtraque Sicilia, quamuis Siciliam vltra Pharum minimè possiderēt, quam occuparant Aragonenses, Petrus Primus & successores.

Ita quidem Romani Pontifices, cū Petrus & successores non peterent (vt par erat) ab Ecclesia Romana inuestituras, damnatis illis, vt iniustis occupatoribus, iura vt sibi illęsa seruarent, quę à tempore Roberti Guiscardi Sedes Apostolica possedisset: perseuerarunt de eodem regno vltra Pharū, vt prius,

conferre petentibus Regibus Andegauenſibus more ſolito inueſtituras, iifdem, vt dictum eſt, conditionibus, quibus à tribus tyrannis Monarchia reſtituta atque collapſa reſtitui vltra non poſſet: quæ tamen ab Aragonenſibus in Sicilia vltra Pharum regnantibus interea pararetur tyrannica poteſtate, ita dixerim, prout contra eos lata sæpè ſententia à Romanis Pontificibus atque Conciliis comprobauit, ſcriptis de his publicis monumentis, quæ extant adhuc.

Reges A-
ragonum
Monar-
chiæ Siculæ
reſtituto
res.

Petrus enim Aragonum Rex, qui cæſis Francis Siciliam inſulam occupa-
uit, cum antiqua iura hætenus poſſeſſa
ab Eccleſia Romana ſuper ipſo regno
recognoscere nollet, nec ab ea vellet
inueſtituram accipere, ipſique cenſum
pendere, iuramētum fidelitatis præſta-
re, & homagium exhibere, à Martino
Papa Quatto excōmunicatur, ipſum-
que regnum interdicto ſubiicitur. Ex-
tant de his litteræ Apoſtolicæ apud E-
berardum in Chronico. Duxerat hic
Conſtantiam filiam Manfredi nothi
filii Friderici, in matrimonium, quo pu-
tauit coniugio ad ſe iure regnum Sici-

liæ pertinere. At quid? Non enim propterea solutus, qui non accipere deberet inuestituram ab Apostolica Sede: nam & Guillelmus quantumlibet Malus, accepit eam ab Hadriano, ipsaque Constantia maior Friderici mater, ipseque Fridericus, ac denique præter tyrannū Manfredum inuestituram omnes acceperunt.

Quantum autem fuerit iste à prædecessorum pietate degener, & ingratus in Apostolicam Sedem, ex eo poteris intelligere, quod ipse feudatarius antea esset Romanæ Ecclesiæ ratione regni Aragonum, regiumque titulum regni eius beneficio Sedis Apostolicæ possideret, cū auus eius pater Iacobi, cuius filius erat, itidem Petrus dictus, Aragonum Rex regnum Romanæ Ecclesiæ obtulisset. Quod apparet ex eiusdem primi Aragonum Regis diplomate, quod hic tibi (quod perbreue sit) describendum curauimus. Sic se habet.

Cū corde credam & ore confitear, quod Romanus Pontifex, qui est beati Petri successor Vicarius sit illius, per quem Reges regnant & Principes principantur, qui de-

minatur in regno hominum, & cui vult,
 dat illud: Ego Petrus Dei gratia Rex Ara-
 gonum, Comes Barchinonensis, & dominus
 Montis pessulani, cupiens principali post
 Deum beati Petri & Apostolicæ Sedis pro-
 tectione muniri: Tibi, reuerentissime pater
 & domine summe Pontifex Innocenti, &
 per te sacrosancta Romanæ Apostolicæ Se-
 di offero regnum meum, illudque tibi &
 successoribus tuis in perpetuum diuini amo-
 ris intuitu, & pro remedio animæ meæ &
 progenitorum meorum constituo censuale,
 Ut annuatim de Camera Regis ducetæ quin-
 quaginta massemutinæ Apostolicæ Sedi
 reddantur, & ego & successores mei specia-
 liter ei fideles & obnoxij teneamur. Hoc
 autem lege perpetua seruandum fore decer-
 no; quia spero firmiter & confido, quod tu
 & successores tui, me ac successores meos,
 & regnum prædictum Apostolica auctori-
 tate defendetis: præsertim cum ex multo de-
 uotionis affectu me ad Sedem Apostolicam
 accedentem tuis, quasi beati Petri manibus,
 in Regem solenniter coronandum voluisti.
 Ut autem hæc regalis concessio inuiolabilem
 obtineat firmitatem: de consilio procerum
 Curia meæ, præsentē Venerabili patre meo

Regnum
 Aragoniæ
 feudatariū
 Roman.
 ecclesiæ.

DE MONARC. SICILIAE. 107

Arelatenſi Archiepiſcopo, & Sancio patruo meo, & Hugone de Bancio, & Arnaldo de Fociano Baronibus meis, ſigilli mei feci munimine roborari. Actum Romæ apud ſanctum Petrum anno Incarnationis Dominicæ milleſimo ducentefimo quarto, quarto Idus Nouembris, anno regni mei octauo. Fuit idem annus Innocentij Papæ Tertij ſeptimus. Bernardus eius tēporis ſcriptor in Chronico, dum de his agit, elucidaſum ſummam polliciti cenſus, nempe fuiſſe ducentas quinquaginta vncias auri. Extat in codice priuilegiorum Romanæ Eccleſiæ.

Qui igitur feudatarius Romanæ Eccleſiæ erat, atque iuramentum fidelitatis præſtiterat eidem, inuadens regnum Siciliae feudatarium Romanæ Eccleſiæ, aduerſus eam rebellis extitit, & contumax aduerſarius, rurſum erigens Monarchatum: quam ob cauſam (vt audiſti) ſententia excommunicationis affectus, in ea dum vixit, perſeuerauit impœnitens, regnum relinquens Iacobo filio anno milleſimo ducetefimo octogefimo quarto, qui eadem cū patre eſt ſententia condemnatus, ipſo regno per

Petrus Aſ
ragoniz
Romanæ
rebellis
Eccleſiæ



annos septuaginta (vt Gregorius Vñ^{us} decimus Papa testatur) interdicti pœnâ subeunte. Dixerisne tu Lector, si bona fide rem agis, eos omnes, qui eotemporis spatio Reges Aragonum in Sicilia, qui inuita contradicente atque irrogante pœnas Sede Apostolica, regnauere, legitimos fuisse Reges, an potius iure censueris nominandos fuisse tyrannos? Dixerisne, si æquitatis es arbiter, ipsos Romanos Pontifices eodem tempore consulentes Romanæ Ecclesiæ iuribus in Sicilia collabentibus, non legitimè inuestisse de eodem Sicilia regno à tyrannis eo modo occupato atque detento Andegauenses, quouique Aragonenses in ea contumacia perstitere, & pulsando ostium Romanæ Ecclesiæ, ea aperiente ingredienti, legitimi facti sunt regni Sicilia possessores?

Fridericus
secundus
Aragon.
primus re-
cognouit
dominium
Apoſt.
Sedi.

Qui primi ostium pulsauerunt, fuerunt duo Friderici, Secundus & Tertius dicti, iidem Sicilia Reges, quorum prior fuit Petri filius, qui post Iacobum fratrem regnauit; posterior verò idemque Sextus numeratus Aragonensium Sicilia Rex Friderici prioris nepos, filius

verò Petri Secundi. Senior Fridericus inita concordia cum Andegauensibus Carolo Secundo & Roberto nepote Siciliae Regibus legitimis, qui inuestituram acceperant à Romano Pontifice, iunctóque fœdere nuptiarum inter eos cum Elionorâ Caroli filiam in cōiugem accepisset, sic pactus est cum illis, vt ipse dum viueret Fridericus, dominus Siciliae ultra Pharum esset, ita tamen, vt non Siciliae, sed Rex Trinacriæ diceretur, & post eius obitum regnum illud rediret ad Carolum siue hæredes eius: recognosceret verò Romanam Ecclesiam eiusdē Trinacriæ regni dominam, cui census more maiorū persolueret, & præscriptas condiciones impleret, & inter alias eas, quæ libertatem & immunitatem Ecclesiasticam in omnibus in statum pristinum reuocarent, atque plenissimè restituerent. Extat de his Bonifacij Papæ VII I. diploma, quod incipit: *Rex pacificus, cuius locus factus est in pace, &c.* Et paulò post hæc de Aragonensibus, qui regnum Siciliae occupassent, & hætenus tyrannicè possedissent: *Sanè post commotionis*

amara dissidium, & proteruæ rebellionis insultum in insula Sicilia ex fauore reprobæ præsumptionis exortam, ac subsequutam inuasionem & occupationem ipsius, per Petrum olim Regem Aragonum attentatas, eiusque posteros cum accessione virij continuatas, in culpam rebellionis ex eodem & inuasionis excessu, & illicita continuatione protracta, prout sana iudicia supponunt, &c. Datum habetur Anagninæ duodecimo Kalendas Iunii, anno nono eius Pontificatus, qui est Redemptoris millesimus trecentessimus secundus. Sicigitur Monarchia per Petrum restituta, eiusque filium primogenitum Iacobum successorem propagata, demum per Fridericum eius filium, huius fratrem est penitus fracta, libertas verò Ecclesiæ reuocata, cum se dictis conditionibus obligauit, quibus Romanam Ecclesiam, cui eo nomine censum solueret, dominam recognosceret, eamque potiri iuribus omnibus immunitatis in Sicilia, vt prius ex præscripto sacrorum canonum possedisset, promisit, atque iuramento firmavit. Quæ hæc omnia ad tempus vitæ suæ seruanda à Friderico Secundo

Monarchia renouata iterum recisa.

DE MONARC. SICILIÆ. 105
co Secundo promissa, Fridericus Tertius cumulatius præstitit, dum se suosque in perpetuum successores, ad ea cuncta implenda, quæ innouatam violentam Monarchiam destruerent, voluit quam firmissimè obligasse.

Porro Fridericus Secundus bellum cum Roberto aggreditur anno Redemptoris millesimo trecētesimo decimotertio, quod & prosecutus est Petrus Secundus & Ludouicus, per quos increbrescentibus præliis religio vbique coli neglecta est, & Monarchiæ aconitum in necem miserorum hominum Ecclesię perduellium creuit. Tandem verò cum post diuturna bella, quæ per septuaginta, eoque plures annos inter Andegauenses legitimos Siciliæ Reges, & Aragonios, Petri Regis, qui Insulam aduersus Carolum Primum occuparat, successores gesta fuerant, pax & concordia à Ioanna Regina, Caroli abnepte, cum Friderico Tertio, Petri eiusdem pronepote, his cōditionibus inita fuisset, vt Fridericus eiusq; hæredes Sicilię Insulam, seu regnum Trinacriæ (sic enim nuncupari placue-

Iterum
Monar-
chia in-
staurata.

H

rat) possiderent, ita tamen, ut eam à Regina eiusque posteris se tenere agnoscerent, ac pro ea fidelitatem & homagium illis iurarent, & quotannis in festo Apostolorum Petri & Pauli Regine eiusque successoribus auri unciarum tria millia Neapoli persoluerent; quæ congruentem Insulæ partem conficiebant octo millium, quæ à Siciliæ Regibus totius regni nomine quotannis Sedi Apostolicæ debebantur: cum his, inquam: aliisque de mutua inter utrosque confœderatione & auxilio legibus, sub Pontificis Ecclesiæq; Romanæ, ad quam directum eius regni dominium spectabat, beneplacito & assensu conuenissent; Gregorius Vndecimus, qui Ecclesiam tum regebat, et si animaduertebat diuisionem hanc regni à Clementis IV. constitutione, qui in Caroli primi inuestitura Siciliam à terra, quæ est citra pharum, seiungi vetuerat, alienam esse, permotus tamen tot stragium & depredationum, quæ ex bellis prodierant, consideratione, & quod propter interdictum, cui Sicilia per multos annos subiacerat, diui-

ni cultus ratio, populique pietas vsque
adè decreuerant, vt periclitari in ea
Fides Catholica videretur; exemplo
Bonifacij, de quo dictum, relaxandâ
hac ex parte prædictam cōstitutionem
(quam in ceteris, quæ huius concordie
articulis non continerentur, integram
atque intactam manere iubebat) quoad
regni partes iterum aliquando coales-
cerent, conuentionisque inter Ioannâ
& Fridericum tabulas approbandas cē-
fuit, nonnullis tamen adiectis & expli-
catis, quæ desiderari iudicarat, ac tribus
maximè capitulis, quæ vt in omnibus
olim Regū Siciliæ inuestituris propo-
ni consueuerant, ita in posterum à Regi-
bus Trinacriæ pari studio seruari oport-
eret.

Primùm quidem ad homagium, sa-
cramentumque fidelitatis pertinebat, Conditio-
nes præf-
criptæ
Prid. III. &
succ.
quod Romano pontifici præstare, suis-
que tēporibus renouare, ac regiis quo-
que literis testari iuebantur. Deinde
ad successores, vt descendentes dun-
taxat à Friderico, ijque legitimi in Tri-
nacriæ regno succederent. His autem
deficientibus, regnum ad Ioannæ hæ-

redes, si qui essent, aut his quoque sublati, ad Romanam Ecclesiam deuolueretur.

Alterum ad Ecclesiasticorum iura, eorumque conseruationem, de bonis scilicet ipsorum restituendis, omnibusque priuilegiis à iure concessis conseruandis: De tuendo electionum & nominationum iure ac libertate, sine vlla regij consensus necessitate: De causis clericorum per Ordinarios, aut pontificis delegatos terminandis; appellationibusque ad Sedem Apostolicam non inhibendis; De reuocandis statutis & legibus, si quæ à Friderico ipso, predecessoribusque editæ essent contra Ecclesiasticam libertatem; alijsque in posterum non sanciendis.

Tertium, ne regnum Trinacriæ cum Imperio Romano, vel regno Teutoniæ, seu dominio Lombardiæ, vel Tusciæ sine expressa pontificis voluntate coniungi vnquam posset: si secus fieret, regno exciderent reges; & ad Ecclesiam Romanam deuolutum censeretur.

His ergo adiectis cōditionibus Gre-

DE MONARC. SICILIÆ. 109
gorius, cum Ioannē & Friderici concordie capitula apud Villam nouam Auenionensis diœcesis oppidum VI. kalendas Septembris pontificatus sui anno secundo confirmasset: Ioanna eadē omnia postmodū cum Friderici Legatis regis sui nomine acceptantibus coram Ioanne Episcopo Sarlatensi, Sedis Apostolicæ Nuntio, in eam rem delegato, ratificauit Auerſe die vltima mēſis Martij decimę Indictionis, anno Domini M. C. LXXIII. Deinde Fridericus ipse in eiusdem Episcopi manibus homagiū pro Trinacriæ regno Pōtifici iurauit Messanæ anno M. C. LXXIV. die decima septima Ianuarii, Indictione vndecima, Pōtificatus Gregorii āno quarto, vt ex publicis instrumentis constat, quæ omnia in omnibus integerrima tum Vaticana bibliotheca, tum Apostolicæ Sedis archiua conseruant. porrò autem ex huius concordie auctoritate in regno Trinacrię successuri erant Friderici posterī.

Verūm is vnicā filiam reliquit, quæ
fine liberis defuncta, Aragonij Siciliam
occuparunt, non vt Friderici huius, sed

Reuocata
rursus ty-
rannis.

quod profitentur, vt petri primi tyranni hæredes. Et homagium, vt potè qui sine inuestitura regnabāt, nullum præstiterunt. Sicque ex consueta atque sæpè iterata tyrannide parta est violenta iterum Monarchia, profitentes successores se, vt Petri primi inuasoris hæredes, Siciliam possidere, vt potè quos necessariò fateri oporteat, se hæredes esse tyrannidis, inuasionis, cum in hæredes vitia transeant hæreditatis, quos sequatur & pœna excommunicationis, quæ petrum, cuius se iactant hæredes, affecerat; sicque in hoc vocati sint omnes, ijsdem non dico iuribus, sed iniurijs innitentes, vt maledictionem hæreditate possideant; quorum adeò fuit deplorata conditio, vt eos non à sacrilegijs his reuocauerit timor ille, qui tonitru summi Tonantis mortales concutit verbis illis: *Et quid prodest homini si vniuersum mūdum lucretur, animæ verò suæ detrimentum patiatur? Aut quam dabit homo commutationem pro anima sua?* &c.

¶ Matt. 16.

Quod autem religiosiores omnino existimemus esse recentiores Siciliæ

DE MONARC. SICILIÆ. iiii

Reges,procul abest,vt credere vel opinari velimus,eos in Siciliae vltra Pharū regni possessione inniti Petro, manifesta tyrannide iura Ecclesiæ inuadenti ac pessumdāti,ob idque ad interitum vsque execrationibus diris affecto : quin potius quod pietas & ratio persuadent, eorum se Siciliae Regū successores esse legitimos gloriantur,qui legitimè illud ab habente eius verum dominium, ab ipsa eius domina Sede Apostolica obtinuerunt, vt Friderici Tertij, de quo diximus,qui recēsitis superius pro immunitate ac libertate Ecclesiastica conditionibus obseruandis,illud ad successores omnes posteros voluit propagari. Cuius si qui dedignantur hæredes haberi; sed magis Petri successores voluerint nominari: planè (quod horresco dicere) cum illo dici tyranni,& iisdem cum illo infamari probrosis titulis in bullis à Romanis Pontificibus irrogatis,& eorum percelli sententijs anathematis velint. Quod Deus prorsus auertat. Cum præsertim eiusmodi professione,omni se penitus eius adipiscendi regni iure priuarent, cum nullus peni-

Hæredes
Petri quot
mala sequantur.

tus afferere legitimè possit, eum fuisse verè Sicilię dominum, quam non ab Ecclesia Romana, habente eius directũ dominium, accepisset. Nam esto quod Carolus eodem regno priuari valuerit: nunquid aliquam de ipso pati iacturam Romana Ecclesia potuit, & sic suis iuribus spoliari? quod nemo certè diuinarum & humanarum legum peritus vel somnians poterit affirmare.

De inue-
stitura ab
Eugenio
Pap. IV.
Alphon.
Regi.

Sed prosequamur posteriores Sici-
lię Reges, atque rerum euenta quam
breuiter perstringamus, acturi rursus
de singulis suo tempore, si Deus con-
cesserit, locupletius. Deficiente Ande-
gauensium stirpe in Ioanna Secunda,
cum Martinus V. anno Redemptoris
millesimo quadringentesimo vigesimo
eam abdicasset, Ludouicumque Ter-
tium Ducem Andegauensium eius lo-
co Regem designasset: illa Alphonsum
Regem Aragonum & Sicilię insulę,
deinde mutato consilio, Ludouicum
eundem, reiecto Alphonso, adoptauit
anno millesimo quadringentesimo vi-
gesimo tertio. Ceterum prælijs rem a-
gentibus, post varia bella victor Alpho-

sus, vt stabiliret sua, inuestituram Sicilia & terræ citra Pharum ab Eugenio Papa IV. tandem obtinuit, anno Christi millesimo quadringentesimo quadregesimo tertio, atque ita vtriusque Sicilię, siue Siciliae citra & vltra Pharū, partibus regni post tot annos coniunctis, factus est Rex. Ita dicto anno, concedente Eugenio, Id. Iulij. Cuius diplomate iuberetur vtraque Sicilia indiuisa ab inuicem semper in posterum permanere. Extat ratificatio eiusdem Alphonsi, facta post fermè biennium, nempe anno Salutis millesimo quadringentesimo quadregesimo quinto, die secunda mensis Iunii, qua & continetur homagiū ab ipso Romę præstitum istis verbis:

Ego Alphonsus Dei gratia Rex Siciliae Alphonsi
plenum homagium ligium & vassallagium iuramentū
faciens vobis domino meo Eugenio Papæ fidei exhi-
bitū Eug.
Quarto & Ecclesię Romanę pro RE- Pap.
GNO SICILIÆ ET TOTÆ
TERRÆ IPSIVS, quæ est citra Pharum
vsque ad confinium terrarum ipsius
Ecclesię, excepta ciuitate Beneuentana cū
toto territorio ac omnibus districtibus ac

114 CÆS. BARONII TRACT.

pertinentijs suis secundum antiquos fines territorij pertinentiarum, & districtus ciuitatis eiusdem, per Romanum Pontificem distinctos, vel in posterum distinguendos: ab hac hora in antea fidelis & obediens ero beato Petro, & vobis Domino meo Domino Eugenio Papæ IV. vestrisque successoribus Romanis Pontificibus canonicè intrantibus, sanctæque Apostolicæ Romanæ Ecclesiæ. Non ero in consilio, vel consensu, seu facto, vt vitam perdati seu perdant, aut mēbrum, siue capiamini, vel capiantur mala captione. Consilium quod mihi credituri estis per vos aut Nuntios vestros, vel per litteras, ad vestrum, vel eorum damnum scienter nemini pandam. Et si sciuerō fieri aut procurari, seu tractari aliquid, quod sit in vestrum, aut ipsorum damnum: illud pro posse impediam. Et si hoc impedire non possum, illud vobis vel eis significare curabo. Papatum Romanum, Regalia sancti Petri tam in REGNO SICILIÆ ET TERRA prædictis quam alibi consistentia adiutor vobis, & eis ero ad retinendum, defendendum & recuperandum, ac recuperata manu tenendum contra omnes homines.

Vniuersas & singulas conditiones scriptas & contentas in presentibus litteris Apostolicis, super IPSORVM REGNI ET TERRÆ concessione confectis, & omnia & singula quæ cōtinentur in eisdem litteris, plenariè adimplebo, & nullo vnquam tempore veniam contra illa: & maximè, quod ego nunquam per me, vel alium, seu alios quoquo modo procurabo vt eligar, vel nominer in Regem vel Imperatorem Romanorum, seu Regem Teutoniae, aut Dominũ Longobardiæ, vel Tusciæ, seu maioris partis earundem? & si electio de me celebrari contigerit: nullum huiusmodi electioni, seu nominationi assensũ præstabo, nec intromittam me modo aliquo de eorum, vel alicuius ipsorum regimine, neque etiam de ciuitate Beneuentana & suis pertinentiis, seu Campania, vel Maritima, Ducatu Spoletano, Marchia Anconitana, Patrimonio beati Petri in Tuscia, Massa Trebaria, Romandiola, alma Vrba, in ciuitatibus Perusina, Ciuitate Castelli, Bononiensi, Ferrariensi & Auenionensi, Comitatu Venassini, seu in alijs terris quibuscumque vestris & demanijs, seu feudis ipsius Ecclesiæ vbilibet constitutis ex successione vel lega-

to, aut venditione, seu donatione, seu alio quouis titulo, vel contractu: nihil vnquam mihi acquiram seu vendicabo, seu potero acquirere, vel quomodolibet vendicare; & nihil vnquam recipiam vel habebō, vel poterō recipere, habere vel retinere in illis; neque vllam potestariam, capitaniam, vel rectoriam, nullumque aliud officium recipiam, seu accipere poterō, habebō, vel retinebō, aut habere, seu retinere poterō in eisdem, aut ipsorum aliquo; nec etiam occupabo, aut occupare permittam, seu faciam præmissa, vel partem aliquam eorundem; nec illa offendam vel molestabo; nec etiam Romanam Ecclesiam quoquo modo sub censuris, pœnisque spiritualibus & temporalibus in supra scriptis conditionibus & in feudationibus contentis, quas hic haberi volo in singulis partibus alias pro specificè repetitis etiam & expressis.

Fuit iste
Antipapa
dictus Fe-
lix Quar-
tus.

Item perditionis alumno Amedeo hæretico & schismatico, à fide deuio, & ab ipsa Ecclesia præciso & sententialiter condemnato, eiusque sequacibus & dantibus ei auxilium, consilium vel fauorem non dabo quouis modo per me, seu alium, seu alios directè vel indirectè, publicè vel occultè au-

xilium, consilium, vel fauorem; nec ab aliis quantum in me fuerit, si impedire potero, dari permittam, sed eos iuxta posse meum, donec conuertantur, persequar & inuadam. Sic me Deus adiuuet, & hæc sancta Evangelia. Hactenus homagium & iuramentum intextum in ipsa Alphonsi ratificatione, vbi in fine: Datum Neapoli apud maiorem Ecclesiam per manus mei prædicti Regis Alphonsi, anno à Natiuitate Domini millesimo quadringentesimo quadragesimo quinto, die secunda mensis Iunii octauæ Indictionis, regnorum nostrorum anno trigesimo, huius verò Siciliae citra Pharum regni vndecimo. Hæc ibi.

Qui cauillantur, ex eo quod semel eius ratificationis exordio scriptum inuenitur, inuestituram Eugenii esse de regno Siciliae citra Pharum, non nisi pro eo ratificationem factam esse contendunt. Verùm cum ipsum ibi ab eo integrum Eugenij diploma recitetur verbatim, in quo centies reperitur, dari ab eo inuestituram de vtraque Sicilia, sicque formadum homagium & iuramentum, quod ibi cum Eugenij bulla recēfuerit atque descripserit in ipsa sua rati-

ficatione: quomodo ex ipsomet non conuincitur mendacium, ut amplius dubitandi locus reliquus esse nō possit, cum præsertim decreto Eugenij ibidē descripto iunctum sic fuerit ab eo utrūque regnum, ut non licuerit ipsa ab inuicem separari?

Reuocata
Ecclesiæ
iura.

Recitantur autem in ratificatione facta ab eodem Alphonso omnes conditiones ab Eugenio propositæ, à se autem acceptæ atque ratæ habitæ, iuratæ, atque subscriptæ, & ipsæ quidem, quib⁹ omnia Ecclesiæ iura collapsa, à Regibus usurpata reuocātur in pristinum vsum, quæ vendicarent ipsam Ecclesiā in pristinam libertatem; præcis vinculis omnibus tyrannicæ Monarchiæ, iisdem planè & amplioribus appositis conditionibus, quas superius recitatas legisti ex diplomate Clementis Papæ IV. de inuestitura facta Carolo Regi: ut non sit, quod possit desiderari ad perfectam extinctionem infaustæ Monarchiæ, & absolutissimam restitutionem Ecclesiasticæ libertatis.

Ut autem prosequamur de reliquis dicere. Ex nouo accidente, noua rur-

sus regni diuisio facta est. Sicilia enim insula cum regno Aragoniae ad Ioannem eius fratrem, quod Alphonsus legitima prole careret, transiit, cuius filius & successor fuit postea Rex Catholicus. Qui quidem Ioannes cum absq; inuestitura ab Apostolica Sede accepta regnaret, nec peteret: Pius Papa II. concessit inuestituram Ferdinãdo Alphonsi filio naturali de vtraque Sicilia, año millesimo quadringētesimo quinquagesimo octauo. Extat ipsum Pontificium diploma de inuestitura vtriusque Siciliae facta eidem Ferdinando, quod incipit: *Diuina disponente clementia, per quam Reges regnant & Principes imperāt, &c.*

In quo primùm mentio habetur de inuestitura, facta ab Eugenio Papa Quarto eius patri Alphonso expressissimè de regno vtriusque Siciliae, deque alia itidem de vtroque regno facta ab Eugenii successore Nicolao Papa Quinto eidem Ferdinando post obitum patris sui, quem habilitasset ad vtriusque regni successionem, simulque posteros omnes. In eodem pariter omnes & sin-

Ferdinãdũ
Alphon.
filii in ve-
stit,

gulæ recensitæ habētur inter alias multas conditiones illæ, quibus detestabilis Monarchia proscriberetur omninò, & sancta libertas Ecclesiæ in omnibus restitueretur, atque conseruaretur illæsa in suis ònibus iurib⁹ & priuilegiis, cum iisdem planè conditionibus & capitulis, quæ superius sūt recitata in Caroli Regis inuestitura per Clementem IV. facta. Nam in ea sigillatim sunt posita, ad verbumque repetita omnia illa, cum solita detestatione & prohibitione omnium legum, quæ à tribus illis tyrannis, siue à Ioanna Regina, siue ab aliis promulgatæ fuissent. Extat ipsum diploma vna cum subscriptione testiū; datum anno Domini millesimo quadringētesimo quinquagesimo octauo, quarto Idus Nou. Pontificatus Pii Secundi Papæ anno primo. Cui mox subiicitur ratificatio ipsius Ferdinandi, habita sæpius expressissima mentione de facta & ratificata inuestitura Sicilię vtriusque vltra & citra Pharum. Vt nihil penitus sit, quod in iis desiderari possit.

Sixti Pap.
ix. confir-
matio.

Sed & Sixtum Papam Quartum eādem inuestituram, à Pio Secundo factā
de

de Sicilia, & terra quoque citra Pharū, eidem Ferdinando iisdem conditionibus confirmasse: ex eius apparet diplomate, dato anno primo sui Pontificatus, Redemptoris verò anno millesimo quadringentesimo septuagesimo primo.

Ipse etiam Ferdinandus Rex proficiens in futurum, egit apud Innocē-
tium Papam Octauum, vt inuestiret
de regno Siciliæ, & terra citra Pharam
filium suum primo genitum Alphonsū,
tunc Ducem Calabriæ, nec non
eiusdem Alphonsi filium primo genitum
Ferdinandum tunc Capuæ Principem
itidem de regno Siciliæ & terra
citra Pharam, in qua solemniter facta
inuestitura omnes illæ positæ & descriptæ
fuerunt conditiones pro libertate
& immunitate Ecclesiastica, tam locorum,
quàm personarum, quas conscriptas
superius legisti inuestitura à Clemente
Papa Carolo Regi facta, continentes
libera iura appellandi ad Apostolicam
Sedem, & abrogationes legū Friderici,
siue aliorum quorumcunque contra
libertatem Ecclesiasticam edita-

De inue-
stitura fa-
cta Ferd.
filio, & ne-
poti ab In-
noc. Pap.
VIII.

rum: ita ut ne vel minimum quidpiam prætermisſum, vel diminutum à recitatis ſuperius iſdem conditionibus inueniatur.

Facta eſt eiufmodi inueſtitura, datūque diploma Romæ, anno Redemptoris milleſimo quadringenteſimo nonageſimo ſecundo, pridie Nonas Iunij, anno eiufdem Innocentij Pontificatus octauo. Cuius eſt exordium: *Romanus Pontifex inter curas multiplices, &c.* Habemus exemplaria eiufdem inueſtituræ in Vaticana bibliotheca; authentica verò originalia in archiuo in caſtello ſancti Angeli aſſeruantur.

De Iulij
Pap. II in-
ueſtitura
facta Fer-
dinando.
Cath. Reg.

Sed modo dicendum de alio Ferdinando, cognomēto, Catholico, qui de Sicilia citra Pharum à Iulio II. Papa inueſtituram accepit, cum tamen Siciliæ ultra Pharum regnum, quod ſuccedēs (ut dictum eſt) Ioanni patri acceperat, abſque inueſtitura aliqua poſſideret. Sed quæ ratio, ut Siciliæ citra Pharum peteret inueſtituram ab Apoſtolica Sede, Siciliæ verò ultra Pharum minimè? cum æque vtriufque Sicilię dominiū penes eandem Apoſtolicam Se-

dem esset, & sicut illius, ita & istius inuestituram conferre consueuerint Romani Pontifices à primis temporibus, cum ea, Sarracenis expulsis, sunt potiti Northmanni, & Robertus Guiscardus, qui primus inuasit, & frater eius Rogerius, qui plene possedit (vt pluribus de singulis dictum est superius suis locis) sicut & posterì, vsque ad tyrannos Cōradum, atque Manfredum, & Corradinum, de Sicilia vltra Pharum, sicut de Sicilia citra Pharum, quam vocant, æque ab Apostolica Sede acceperunt inuestituram.

Sed num quia non accepit Petrus, de quo superius dictum, bene factum probari potuit, cum quantumlibet iustè, vt sibi visum est, eam vendicasset à Carolo? nunquid ab ipsa Sede Apostolica potuit abstulisse dominium, quod & posteriores, iidemque prudentiores Reges sunt venerati, Fridericus Secundus, Tertius, & alij superius recensiti, qui ab ipsa Sede Apostolica non alterius, sed vtriusque Siciliæ inuestituram ab Apostolica Sede petierunt, & acceperunt? Sed nunquid Iulius, qui Sici-

liæ citra Pharum tantum inuestituram petenti tradidit Ferdinando, voluit Ecclesiæ Romanæ iuribus super Siciliam ultra Pharum aliquid derogatum contra omnia prædecessorum diplomata? vel eius successores Romani Põtifces, qui ad instar Iulij successoribus Regibus inuestituram concessere Siciliæ citra Pharum, demptum & abrogatum voluerunt dominium directum, quod semper habuit eadem Romana Ecclesia in regno Siciliæ ultra Pharum? minime gentium. Siquidem de ea re priuilegia per singulas inuestituras diuersis collatas vsu recepta, probata, confirmata, atque adeò stabilita fuere, vt ad abrogationem eorum, specialem mentionem requirerent, & causam magnam exposcerent. Cum igitur à nullo penitus Romanorum Pontificum ijsdẽ vel in minimo derogatum possit ostendi eadem Ecclesiæ Romanæ iura suo robore integra permanere quis est qui negare præsumat? Ceterum ipsi Romani Pontifices vt patres ista interdum toleranda, pro temporum ratione, & dissimulanda putarunt ad tempus, timen-

tes ad iracundiam prouocare filios suos.^a Sed nunquid dormiet vel dormitabit, qui custodit Israel, vt non sit de his exacturus rationem? non puto. An patietur ipse cuius sunt ista, Petrus,^b qui de suo ipsorum vendito agro exigens seuerus exactor à dominis rationem, eosdem partem pretij occultantes, obtegentes fraudem mendacio, interfecit spiritu oris sui? non certè.

Quod verò magnoperè admiramur illud est; quomodo in inuestitura, facta Ferdinando Catholico à Iulio Papa, vsurpata adeò reperitur inuersionominum, vt per Siciliam & terram citra Pharum, non vtraque Sicilia intelligatur, cum semper à maioribus, ex quo etiam facta est ante Carolum Primum inuestitura Henrico Anglorum Regi, & per eum eius filio Eadmundo, & sic in ceteris omnibus vsque ad hæc tempora Iulij, in omnibus inuestituris, & earum per Reges exhibitas ratihabitiones, in illis verbis frequenter adhiberi solitis, Sicilia cum terra vltra pharum, seu Sicilia, & terra vltra Pharú, semper, inquam, per hæc verba intelligi volue-

runt vtramque Siciliam, vltra Pharum videlicet, & citra Pharum? At in dicta Iulij inuestitura per eadem verba, Sicilia & terra citra Pharum, seu, Sicilia cū tota terra citra Pharum, nisi Siciliam citra Pharum intelligi debere, de qua facta legitur inuestitura contendunt, Ceterum si verba illa more maiorum sunt intelligēda, haud dubium de vtraque Sicilia Ferdinandum dixeris accepisse, dum sic ipse iurat:

*Ego Ferdinandus. Dei gratia Rex Siciliae citra Pharum, & Hierusalem, plenum homagium ligium & Vassallagium faciens vobis Domino nostro Domino Iulio Papæ Secundo & Ecclesiæ Romanæ pro regno Siciliae & Hierusalem, atque tota terra, quæ est citra Pharum, vsque ad confinium terrarum ipsius Ecclesiæ, excepta ciuitate Beneuentana, &c. Et inferius, ex parte hæredum & successorum: In proprio, inquit, iuramento fatebuntur, & recognoscent expressè, regnum Siciliae & Hierusalē ac totam terram eorum, quæ est citra Pharū vsque ad confinia, vt supra. Pergit: Et me-
ra liberalitate Sedis Apostolicæ, & nostra sibi suisque hæredibus & successoribus fuisse*

cōcessa, ipsosque recepisse & tenere regnum Siciliae & terram huiusmodi à nobis, & dicta Romana Ecclesia, &c. Quæ inquam verba, si posita sint eo sensu, quo poni vsque ad ea tempora consueuerunt in omnibus inuestituris: respiciè ac religiosè confecta est, vt facta dicatur inuestitura de vtraque Sicilia, etiam si de Sicilia citra Pharum tantum factam inuestituram, sit dictum superius: si vero alio sensu quam sonant sint posita, ecce in verbis captio, & deceptio. Ceterum Iulius Papa, qui rebellionem Alphonssi Ferrariæ Ducis, & aliorum magnoperè urgebatur, egebatque auxilio (vt ipse ibi testatur) eiusdem Ferdinandi contra rebelles, atque tyrannos: haud de inuestitura Siciliae vltra Pharum explicatius agendum existimauit; cum tamen nequidquam iura Apostolicæ Sedis super idem regnum Siciliae vltra Pharum dimisisse eo diplomate, vel alio, neque aliquis successorum, qui eadem verborum forma conceperit inuestituras à se factas siue Carolo Quinto, siue Philippis Regibus, dici possit, ita vt in omnibus penitus remaneant integra necesse

siti iura Apostolicæ Sedis in regno Sicilia ultra Pharum, sicut & citra Pharû, quæ possider.

Quibus à Nicolai Papæ II. tempore, per spacium quingentorum ferè annorum possessis per inuestituram ab eo factam Roberto Guiscardo, & per successores Romanorum Pontificum successoribus Northmannis Comitibus, Ducibus atque Regibus, & post eos Constantiæ & eius filio Friderico, inde Anglorum Regi, deinde Carolo & successoribus Andegauensibus, postea Fridericis, Secundo, & Tertio Aragonensibus, inde Alphonso, & eius filio Ferdinando notho atque nepotibus: & his omnibus exhibitis semper inuestituris cum cõditionibus omnibus, quibus sunt iura Ecclesiasticæ immunitatis semper conseruata in omnibus integra & illæsa, iisdemque à nemine Romanorum Pontificum reuocatis speciali aliqua, quæ exigebatur, abrogatione, derogatione, abrenuntiatione, & sic alteri facta expressa concessio ne: quomodo absque speciali facta inuestitura ab ipsa Apostolica Sede verè do mina, de regno

Siciliæ ultra Pharum, illud ab eis dici potest legitimè possideri, & non potius occupari, & præter omne ius fasq. violentia detineri? Cum ostendendum sit, quando vel quomodo semel ab eius directo dominio excidit Apostolica Sedes, ut absque inuestitura per eum facienda possit à quopiam illud regnum legitimè possideri. At hæc cursim modo, suis autem temporibus agendum pluribus.

Sed quod polliciti sumus ea etiam, licet breuiter, de his quæ spectant ad rerum usum, insinuare: de his acturi, incipiamus ab eo tempore, quo sub Innocentio Papa Tertio ipsa malè cœpta extincta est Monarchia, perueniamusque usque ad Carolum Quintum, quo restituta ponitur, per quæque secula, ætates omnes, in quibus ostendamus iugem continuatamque possessionem omnium iurium Romanæ Ecclesiæ in omnem Ecclesiam Siciliæ, etiā ultra Pharum. Ecce Innocentius ipse Visitatorem mittit illuc plenissima facultate, ea quæ opus essent agēdi, Cardinalem Episcopum Ostiensem. Extat

Vfus rerū
in posses-
sione iuriū.
Apost. Se-
dis.

adhuc datæ litteræ Apostolicæ ad Archiepiscopos, Episcopos, Abbates, & alios. Innoc. Registr. to. 1. lib. 1. epist. 415. Insuper misisse reperitur rursus Legatum presbyterum Cardinalem sancti Laurentii in Lucina, ut apparet in 2. & 3. ca. sub. tit. de offic. deleg. extr. Adhuc etiam constitui Legatum Syracusanam Episcopum, ut habet epist. 511. lib. 1. postea verò alia occasione misisse item Legatum à latere Gerardum diaconum Cardinalem sanctę Marię in Porticu, ut patet ex litteris ipsi datis pluribus eiusdem argumenti lib. eod. epist. 571. 572. 574. Rursus post hæc Legatos misit à latere Iulium presbyterum Cardinalem tituli sancti Stephani in monte Cælio, & Gerardum diaconum Cardinalem sancti Hadriani, ut apparet ex litteris illis datis. epist. 573. lib. 1. Causas insuper deferri solitas ad Sedem Apostolicam, & ab illa delegatas diuersis eiusdem Insulę Episcopis, docent aliæ eiusdem Pontificis litterę. epist. 180. 310. 576. lib. 1. & lib. 2. epist. 14. hæc quæ cursim legendò inuenimus in cuso primo tomo epi-

DE MONARC. SICILIÆ. 137
ftolarum eiusdem Innocentii Papæ
Tertii, cum alioquin nec omnes datæ ab
eo epistolę inueniantur, plurimas ex
eis excidisse conſtet: alię verò in aliis
voluminibus antiquitus ſcriptę in Va-
ticana bibliotheca aſſervantur, ex qui-
bus aliqua ad rem ſpectantia volumus
deprompiſſe; hicque non eas deſcrip-
ſiſſe, ſed indicaiſſe tantum, ſignaiſſeque
loca, ut ſi velit Lector, conſulere ipſas
poſſit.

Post alia namque habetur in iisdem,
quod idem Pontifex anno quinto ſui
Pontificatus miſit in Siciliam R. ſancti
Marcelli preſbyterum Cardinalem, &
cum eo conſobrinum ſuum Iacobum
Mareſchal cum ampliſſima facultate.
Extant de his litterę Apoſtolicę tomo
tertio epistolarum eiusdem Pontificis.
Incipiunt: *Opera testimonium perhibent
veritati, &c.* Rurſus anno ſeptimo ſui
Pontificatus miſiſſe reperitur Legatum
in Siciliam G. diaconum Cardinalem
ſancti Hadriani, cui ſuas vices tribuit
tam in ſpiritualibus, quàm temporalibus.
Datæ de his litterę incipiunt: *E-
greſſus ſatan, &c.* Extant libro ſeptimo.

Et ad Regem Siciliae Fridericum, ut eiusdem Legati monitis, & consiliis acquiescat. Incipit epistola: *Regia excellentiæ litteras, &c.* Et ad eundem Legatum litteræ de optimo statu regni instituendo.

Continuat
ta possessio
sub Hono-
rio Tertio.

Eius verò successor Honorius Papa Tertius, cuius epistolarum adhuc extant volumina, nihil magis curasse videtur, quam ut iura Romanæ Ecclesiæ in Sicilia integra seruarentur: sicque cum cōcedit priuilegia Archimandritæ Messanenſi, ſaluis Eccleſiæ Romanę iuribus id ſe facere conteſtatur, episto- la 43. libro primo, data Kalendis Nouembris, anno Domini milleſimo ducentefimo vigefimo ſexto, Pontificatus anno primo. Litteris quoque ſæpè redarguit Regem ipſum, quod ſe immiſceat electionibus, & aliis iuribus Eccleſiaſticis: cum ipſe Rex Fridericus ſe id nec cogitaſſe facere excuſet. Extant de his litteræ 527. libro tertio, & 531. Regis verò episto- la 572. ad eundem Honorium Papam, quibus excuſans, hæc inter alia ipſe Rex ait: *An fortè nos ignorare credi- tis, quia qui præſumunt offendere ſanctam*

matrem Ecclesiam, ipsi bibunt in calice Babylonis? &c. Cuius Friderici Regis tēpore quamuis idem Honorius Papa eū experiretur aduersum, nihilominus liberam in regno Siciliæ iurisdictionem exercuisse reperitur, nimirum indixisse collectā de persoluenda vigesima omnium Ecclesiasticorum reddituum, pro subsidio Terrę sanctæ. Cuius causa legationem instituit ad ipsum Siciliæ regnum. Extant de his litterę Apostolicę 104. 359. datę anno primo Pōtificatus. Rursus de alia collecta indicta pro Templariis epistola 131. libro tertio, data anno tertio sui Pontificatus. Insuper de appellationibus ad Sedem Apostolicā extat epistola eiusdem Honorij Papę sexcētesima, data anno secundo sui Pōtificatus ad Syracusanum Episcopum, cum tempore Innocentij Papę ad Sedem Apostolicam appellasset: cuius causę iuribus inspectis idem Honorius aduersariis perpetuum silentium indixit.

Sub Inno.
cētio Pap.
Quarto.

Successor Honorij post Gregorium & Cælestinū Innocentius Papa Quartus duos Legatos in Siciliam misisse

reperitur anno tertio sui Pontificatus, nempe S. presbyterum Cardinalem sanctæ Mariæ trans Tiberim, & R. sanctæ Mariæ in Cosmedin diaconum Cardinalem, amplissima concessa eisdem facultate. Extant de his eiusdem Pontificis litteræ ad Archiepiscopos, Episcopos, & Abbates, atque Barones eius regni. Est vndecima eius anni tertii epistolarum, quæ incipit: *Nostra ferventer in hoc aspirat affectio, &c.* Alia rursû ad eosdem Legatos, cum tribuit eis facultatem beneficia conferendi. Est 14. ordine incipit: *Si circumspector Dominus, &c.* Insuper idem Pontifex post hæc reperitur misisse Nuntios in Siciliam. Extant de his litteræ Apostolicæ, datæ Lugduni anno eius Pontificatus octavo, mense Februarii. Est earum exordium: *Latentur cali, &c.* Et ternæ aliæ quæ sequuntur, eiusdem sunt argumenti. Alię insuper, quibus continentur collationes beneficiorum eiusdem regni Siciliæ factæ diuersis.

Sed quod tædio putamus fore Lectori, si successorum singulorum Pontificum Romanorum hic nimia proli-

xitate describere velimus singula, siue de appellationibus ad Apostolicam Sedem ex eodem Sicilię regno delatis, siue de legationibus ab eadem Sede in Siciliam missis, aliisque iuribus liberè iugiter administratis: satis esse putam⁹, si missis ceteris; coniungamus postrema prioribus, quibus significetur, eadē ipsa, quæ actitata videmus, etiam vsque ad dicta tempora Caroli Quinti Imperatoris perseverasse, nec vnquam penitus desisse. Progredientes igitur ex Vaticanæ bibliothecę epistolarum voluminibus antiquorum Romanorum Pontificum, diuertamus aliquantisper ad Tabularium Camerale, ex cuius aliquibus scriptis libris, ista in exemplū perseverantis vsus adduxisse sufficiat.

In libro bullarum primo Bonifacij Papæ Noni, qui in dicto Tabulario, siue archiuo Camerali vsque hodie asseruatur, in primis bulla habetur, qua mandatur Nuntio Sedis Apostolicę in regno Sicilię restitutio rebellium. Data Romę quarto Kalendas Februarii anno primo Pontificatus. Hęc fol. CXV.

Alia bulla insuper, qua datur facul-

Nuntii pro
diuersis
negotiis
in Sicilia
soliti com-
morari.

136 CÆS. BARONII TRACT.
tas eidem Nuntio absoluendi excom-
municatos ob violētas manus iniectas
in clericos. Data Romę vt supra, fol.
CXVII. & fol. CXIX. habentur insu-
per litteræ Apostolicę, quibus datur fa-
cultas Nuntio Apostolico in regno Si-
cilię colligendi decimas. Data habentur
Romę tertio Kalen. Februarii anno
primo.

Nuntii ex-
actores.

Rursum alia bulla, qua datur facul-
tas eidem Nuntio in Sicilia consistenti,
exigendi charitativum subsidium ab
omnibus bona Ecclesiastica possiden-
tibus, pro supportandis Apostolicę Se-
dis oneribus. Data Romę tertio Kal.
Februrarii, anno itidem primo Pontifi-
catus eiusdem. ibi. fol. CXXV. Eidem
Nuntio facultas mittitur concedendi
commeatum octo nauibus Alexandria
soluentibus. ibid. fol. CXXIX. &
CXXXI. Facultas eidem Nuntio da-
tur dispensandi super defectum nata-
lium. fol. CXXXI.

Anno verò secundo ipsius missus re-
peritur in Siciliam ab eodem Pontifice
Nicolaus de Summa ripa ad componē-
das controuersias eiusdem Sicilię re-
gni.

DE MONARC. SICILIAE. 137
gni. Extat de his bulla data Romę quarto Nonas Iulii. fol. CXXXV. & sequenti fol. CXXXVI. facultas concessa componendi cum proceribus, de censibus non solutis Romanę Ecclesię debitis. Quo pariter anno deputatur ab eo dem ad regnum Sicilię Raymundus de Baucio de Vrsinis Confalonarius Papę. Est de his bulla data Idibus Augusti fol. CLXI.

Anno autem Pontificatus quarto alię datę habentur litterę Apostolicę quarto Kalendas Decembris ad Apostolicę Sedis Nuntium, cum ei tribuuntur pro expensis quotidianis decem floreni aurei à Clero eiusdem regni exigendis: Extant fol. CCXXII. libro secundo.

Libro verò tertio bullarum eiusdem Bonifacii Papę Noni est bulla de Commissario deputato in Siciliam contra occupantes bona Ecclesię Panormitanę. Data Romę Idibus Nouembris anno septimo, ibid. fol. X. qua die etiam habetur data alia bulla de simili commissione contra occupatores bonorū Sedis Apostolicę in Sicilia.

Nuntij de
fensores
rerum ec-
clesię.

Libro ultimo Clementis papæ Sexti diploma extat, quo Guillelmus Episcopus Nazarenus deputatur Nuntius Apostolicę Sedis; & Collector in regno Siciliae ultra Pharum loco Theobaldi Archiepiscopi Panormitani defuncti. Datum habetur Auenione tertio Kalendas Februarii anno primo. *ibid.* fol. DXXXII.

Exactores
spoliorum
constituti
in Sicilia.

In eodem Camerali Tabulario inter monimenta Innocentii Papę Sexti habetur bulla, qua committitur Apostolicę Sedis Nuntio in regno Siciliae cōmoranti exactio spoliorum defuncti Episcopi Agrigentini. Data vndecima Kalendas Februrarii anno quarto Pontificatus eius. *ibid.* fol. CXCII. & duodecimo Kalendas Martii. Eodem anno quarto Pōtificatus eius habetur data bulla, qua committitur Episcopo Catanensi exactio omnium spoliorum Siciliae.

Eiusdem verò Innocentii Papę Sexti tempore Nicolaus de Aragonia S. R. E. Cardinalis, commentarium scripsit de iurisdictione quadruplici demonstrata Romanę Ecclesię in regnum Si-

DE MONARC. SICILIÆ. 139
ciliæ. Extat volumen antiquitus scriptū
in Vaticana bibliotheca, vnā cum aliis
eiusdem auctoris commentariis.

Successor Innocentii Vrbanus V. re-
peritur misisse Nuntium & collectore
decimarum in Siciliam vltra Pharum
Dominicum de Saffonorio canonicū
Beneuentanum. Extant de his eius lit-
teræ datæ anno Domini millesimo tre-
centesimo sexagesimo octauo, Ponti-
ficatus eius anno sexto, die decima sex-
ta Maii.

Ex libro tertio Apostolicarum litte-
rarum Ioannis Papæ vigesimi tertii ex-
tant litteræ Apostolicę, quibus Arago
de Malaspina decernitur Reformator
in regno Siciliæ in rebus tēporalibus,
cui pro expensis persoluantur viginti-
quinque floreni à Clero Siciliæ quali-
bet die. Conceditur eidem facultas cō-
ferendi canonicatus & alia beneficia
Ecclesiastica. Datæ habentur litteræ
decima quinta Kalendas Nouembris,
anno secundo eius Pontificatus. fol.
CXVI.

Reforma-
tores missi
in Siciliā.

Insuper etiā consueuisse frequenter
Apostolicam Sedem in Siciliam Col-

Collectores missi
à Romanis
Pont in
Siciliam.

lectores mittere, cum vetera recensita, tum recentia sunt exempla. Extant enim in eodem Tabulario Camerali Martini V. litteræ Apostolicæ, quibus quidam Cypressus Balauerius deputatur in Sicilia Collector reddituum & fructuum quorumcunque Camera Apostolicę debitorum. Datæ habentur Constantię, decimo Kal. Octobris, anno primo Pontificatus eius. *ibid.* fol. II.

Nouissimè verò reperitur, quod Paulus Papa Tertius misit etiam speciatim in Siciliam Collectores Tobiam Palauicinum, & Lucam Iustinianum deputatos ad colligendum subsidium medietatis veri annui valoris (vt verbis vtar litterarum Apostolicarum) omniũ fructuum beneficiorũ ecclesiasticorũ. Missi sunt autem iidem idipsum præstare per vniuersam Italiam : adeò vt nihil minus iuris in Sicilia, quam in ceteris Italię prouincijs vsque ad nostra tempora sibi Pontifex vëdicaret. Quod quidem de his scriptum diploma extat in libro impositionum Camera Apostolicæ, datum in eadem Camera Apostolica, vltima Februarij, anno Domini

DE MONARC. SICILIÆ. 141
millesimo quingentesimo quadragesi-
motertio, pontificatus verò ipsius anno
nono. ibid. fol. CLIV. Ista sunt quæ spe-
ctant ad ipsum rerum usum, quæ cursim
rem agentilicuit reperisse.

Siautem Deus concesserit, ut in An-
naliaum prosecutione futura tempora
disquiramus, locupletiores de his tra-
ctationē pollicemur ex vberiori messe
colligendam, quibus appareat, quantā
scriptis omnibus reclamantibus, iuri-
bus omnibus contradicentibus, cœlo
terraque testantibus, Apostolica Sedes
in regno Siciliae patiatur iniuriam, &
sentiat suorum iurium detrimentum,
& inauditam hactenus inter Catholi-
cos ignominiam subire cogatur, rebus
ipsis (quod est grauius) in deterius pro-
labentibus. Nam quæ est in his graue
passa dispendium, & adhuc grauiori in
dies in eodem regno afficiatur oppro-
brium, iamque à tempore Caroli V. ex-
perta planè intolerabile in spiritualibus
& temporalibus damnum, cum in tem-
porali dominio domina ignoretur, &
in spirituali esse nesciatur, quod est,
Vniuersalis Ecclesia; cum in his quæ

Auctoris
iustæ que-
relæ pro-
mouendæ.

pua Ecclesiæ Romanæ iura inuenirentur esse disposita. Nam audi quæ masculula voce, energia virili, vigore sacerdotali in Henricum Imperatorem, istiusmodi iura Ecclesiastica inuadentem Desiderius, idemque Victor Papa Tertius, cum ei in faciem restitit, verba protulit: *b Sedes enim, inquit, Apostolica domina est nostra, non ancilla, nec alicui sub-* *b Chron. Cass. lib. 3. c. 49.*
dita, sed omnibus prælata; & ideo nulla omnino ratione sub iugum à quoquam mitti potest. Quod si à Nicolao Papa factum est: scilicet ut arbitrium expectaretur Imperatoris in electione Romani pontificis, quod ut dictum est, falsò prætendebatur: iniuste profectò & temerè præsumptum est: non tamen cuiusquam stultitia vel temeritate amittit Ecclesia dignitatem suâ.
 Hæc ipse. Quæ etiam eodem tempore Deus dedit Cardinalis tituli Eudoxiæ (de quo suo loco dictum) scripto insigni volumine ad eundem Victorem Tertium Papam, pluribus argumentis asseruit. Sed & S. Brunus Episcopus Signiæ, & cum eo plurimi alij Episcopi & Cardinales in Concilio Romano coegerunt paschalem papam reuocare,

quæ contra Romanę Ecclesię iura promississet Henrico Imperatori, vt suo loco inferius dicturi sumus.

Cum alioqui in confesso sit apud omnes, priuilegia ab Apostolica Sede collata, non debere contra eandem Ecclesiam militare. In quam sententiam Nicolaus Papa, idemque Sanctus, eius nominis Primus, in decretali epistola, quam scripsit ad Henricum Archiepiscopum Turonensem, quam superius suo loco reddidimus, vbi agit de priuilegio ab Apostolica Sede cōcesso Rhemenſi Ecclesię, quo eius Archiepiscopus Hincmarus contra ipsam abuteretur, hæc inter alia habet: *Sic Apostolica Sedes aliena iura custodit, vt sua non minuat; sic honorem debitum dat, vt suum non tribuat alienis. Nam & arma illi à nobis collata, ita volumus vt pro eo sint valida, vt potius pro nobis, vbi necesse est, non contra nos firmitatem obtineant.* Hęc ipse, qui de priuilegio Apostolicę Sedis agēs, quod ipsa præſideat Ecclesijs omnibus, & ab omnibus exigat obedientiam, hæc habet, scribens ad Carolum Francorum Regem: *Quæ tanta Sedis Apostolicę pri-*

uilegia vsque ad mortem, ope freti diuina, prædecessorum meorum vestigia sequendo, cassari taliter minimè patiemur. Et quod ad eam omnes appellandi, nullius obice priuilegij, habeant facultatem, subiicit ista: *Priuilegia namque Romanæ Ecclesiæ, totius sunt Christi (vt ita dicamus) remedia Ecclesiæ Catholicæ: priuilegia, inquam, Petri arma sunt contra omnes impetus prauitatum, & munimenta & documenta domini sacerdotum, & omnium prorsus qui in sublimitate consistunt, immò cunctorum qui ab iisdem potestatibus diuersis afficiuntur incommodis.* At tanta ista Deo accepta, qui eorum est auctor, Angelis & hominibus reuerenda, qui in eorum semper custodiam vigilarunt, ab ipso exordio nascentis Ecclesiæ vsu recepta atque probata, vnius, sed mutilati, nihilque huiusmodi concedentis, diplomatis occasione adducenda sunt in discrimē, exponēda ludibrio, atque penitus abolenda? At aboleri non possunt quæ viuunt in radice sua; sed qui præciditur ex eis ramus arescit.

Quæ rursum ratio postulat, vt cōtra tot Romanorum Pontificum antea &

postea data diplomata vnum proponatur, deprauatum, omninò concisum, nunquam à successorum aliquo confirmatum diploma Urbani papæ, idemque etiam si germanum, legitimumq. fuisset, iam in Rogerij heredibus desinens, nullius alterius Romanorum pontificum confirmatione roboratum, immò contrariis penitus cōstitutionibus rescissum & abolitum, post tot secula obliuione sepultum, à nemine Regum, qui contra Sedem Apostolicam pugnaverunt, nec nomine tenus cognitum, nedum exhibitum vel citatum: hoc ipsum, inquam, hoc seculo nostro sub Carolo Quinto, ad erigendam contra Romanam Ecclesiam Monarchiam emerferit rediuuium? Cuius occasione flamma semel incensa in dies magis magisque maioribus incrementis Siculam depascat Ecclesiam, de qua illud propheticum iure occini possit: ^a *Oliuā vberem, pulchram, fructiferam, speciosam vocauit Dominus nomen tuum: ad vocem loquelæ grandis exarsit ignis in ea, & combusta sunt fruteta eius. At quæ loquela grandis? utique malè usurpatum Mo-*

^a *Jerem. II.*

narchiæ infaustum nomen, quo eadem infelix Ecclesia veluti igne consumpta, redacta suspiret in cinerem. Vnica nobis reliqua spes in nostro Zorobabel, in philippo Tertio, qui incensum restituat templum, & efficiat, vt ^b maior sit gloria domus huius nouissimæ quam prioris, qui ^c & exæquet magnum superbiæ montem in planum. ^b Agg. 2. ^c Zach. 4.

Quod vtique æquum est me sentire de tanto Catholico Rege, pietate insigni, virtutum omnium corona fulgente. Cui in his explendis faueat, rogemus iugiter, Spiritus sanctus. Hęc nobis occasione Vrbani Papæ diplomatis dicta sunt simpliciter stylo, candore animi, ex ^d corde puro (Deum testem inuoco) ^d 1. Tim. 1. conscientia bona, & fide non ficta. Ceterum sciat Lector, nos ista hîc obiter occasione Vrbani papæ diplomatis pertractasse: verum de his quæ ad inuestituras Romanorum Pontificum de regno Siciliae vltra citraque Pharum posita spectant, prolixior atque lucubrior tractatio erit, cum ad ipsa earum tempora, quibus datæ noscuntur, peruenimus, simulque reliqua omnia,

quæ siue per Legatos vel Nuntios, aut per epistolas cum Regibus, vel Episcopis, Abbatibus aliisue religiosis personis vel laicis ab ipsis Romanis Pontificibus sunt transacta, maiori otio, opportuniorique occasione, reddentes cuncta temporibus suis, ex instituto, omni fide constantia in medium afferemus. Iam verò canentes receptui, quæ post Urbani Papæ datum diploma Salerni sunt secuta, narremus.

ASCANII CAR- DINALIS COLUMNÆ, EORVM.

*QVÆ CÆSAR CARDI-
nalis Baronius de Monarchia Si-
ciliæ scripsit iudicium.*

Obtulisti mihi, ex Hispania re-
deunti, XI. ac postremum typis
impressum Historiarum tuarum To-
mum. Plurimis rogasti precibus, vt
quæ de Siciliæ Monarchia scripseras,
excurrerem attentius, & quæ mea de
illis esset sententia, liberè declararem.
Statim, vt id aggredieretur, cupidus
hinc me meus tibi gratificandi animus
impellebat: hinc verò, vt ab incepto
desisterem, suadebat imbecilla totius
corporis, præcipuè oculorum valetu-
do, defatigatio immenso mihi itinere
parta, domesticarum, & externarum
occupationū innumera multitudo.

Hoc tu verò, quo tempore, diurnis curis vacuus aliquid præstare possem, crurium & brachiorum dolor nocturna fluxione ortus, sic me torquet, ut omnem planè mihi, & legendi & scribendi vltim adimat. Accessit Marci Antonij Columnensis familiæ Principis pronepotis mei, diuturnus, ac pene mortalis morbus, quo illi grauior, & periculosior, eo mihi molestior, & ad ferendum durior. Verum ad hæc studiadiſtante natura, prima ab infantia conformatus & cum non cōmittam, ut huiusmodi officia desiderare à me quisquam possit, sic velim existimes, mea in hoc genere opera, nec tibi defuisse, nec vnquam esse, in re qualibet defuturum. Quod enim in ipsa iuuetute Carolo Sigonio, Marco Antonio Mureto, Iacobo Cuiacio adulta, ætate Francisco Bencio, Iusto Lipsio, Arię Montano, & Aloyſio Legionensi, ac demum Augustino Valerio, & Gabrieli Paleotto, amplissimis Cardinalibus petentibus impertiui, cur tibi roganti negarem, & eruditione dicendique laude illis

quam fimillimo, & virtute præclaro, & mihi eorundem studiorum vſu, atque eiſdem dignitatis ſplendore cõ-iunctiſſimo? Itaque dicam quid ſentiam ingenuè pro mea conſuetudine, libenter, pro ſingulari in temea obſervantia: certiffime ſperans forè, vt quidquid dixerim, cum maximo ab amore in te meo proficiſcatur, pro tua Chriſtiana prudentia, & gratum tibi & ratum putes. Materiam quidem cæpiſti rei Chriſtianæ perutilem, nobile, & præclaram, ſed vt ea pretioſior & iucundior ſit ingenii eruditione, eloquentiæ tuæ præſtantia conſequeris. In cæteris Hiſtoriarum partibus immenſis ac plane infinitis, tui nunquã non ſimilis, eruditus, grauis, & eloquens, in hac vero tantus es, vt in illis certare cum aliis antiquitatis ſcripto-ribus, in hac te ipſum vincere voluiſſe videaris. Quodcunque multorum annorum ſpatio tot abhinc ſeculis geſtum eſt, geſtum dico? Quodcunque à quouis priuato homine ſcriptũ, cogitatum, ductum, tui beneficio in noſtram memoriam reuocatur, idque

abs te miro suo quidque ordine comprehensum, & tanquam in conspectu nostro positum agnoscimus. Vtinam quod te eruditio, duro, ac nimis acri stylo, vt hæc scriberes, impulerat, siue id fuerit tua in Ecclesiæ bonū caritas, siue suprema, id tibi imperandi potestas, siue spectatissimus tuæ dignitatis gradus, vrbanus omnia dicere suassisset! Et satis veritati fecisses, & Ecclesiæ fortassè magis consulisses, & quæ multi nunc improbant, volentes, nolentesque sibi probata susciperent. Magni sanè refert, quo quidque modo dicatur, & fiat, & ad omnes res non paruum habere momentum solet ratio quædam & methodus. Vt enim in pictura, certo modo lineamenta oris expressa delectant, iisdemque alia ratione depictis, non item eorum qui spectant tenentur oculi; & vt in musica, cum suo quæque modo vox flexa suauiter exprimitur, iucundâ audientium aures armonia complentur, eademque grauitè offenduntur, si modus ille, aut contentione vocis aut alteratione mutetur, & motus corporis

ris incompositus irridetur, qui moderatione sibi debita temperatus omnium in se ora oculosque conuertit. Demum, vt ingenium, non quia ipsius motus, ad cogitandum acuti, vberes ad explicandum, ad memoriã firmi, magnum propterea arguitur, sed suaui ac modesta eorum, quæ inuenerit, explicatione & ipsius magnitudo ostenditur, & scientia declaratur: sic ea quæ dicimus, mirum est, quantum dicendi modo commendentur, vt interdum plus in modo, quam in ipsa re dicta, positum esse videatur. Eoque magis cauendum est, cū duæ occurrunt opiniones, sibi inuicem aduersantes, quarum vnaquæque suis serationibus tueatur, grauissimorum hominum consensu probata, temporis diuturnitate recepta, ac demum tot summorum Pontificum permissu, regia potestate vallata, tum enim qui vnâ probarit alteri omni verborum asperitate deposita veris argumentis & rationibus obsistat. Ita nec irritantur aduersarii: quinimo accidit interdum, vt comitate differentis, à suæ mentis opinio-

ne dimoti quod illis proponitur, tanquam veritabilius amplectatur. Nā quēadmodū equi aduersus penū cōtumaces, interdum sessore habenas remittente consistunt, sic quos orationis asperitas frangere non potest, sapē clementia inflectit, & qui terrore & seueritate domari non possunt, indulgentia, & facilitate mitescunt. Hinc sanctissimi patres, cum hæreticis congressi, id vnum propositum habebant, vt quē illi, summa petulantia, ac procacitate verborū diffidebant omni ipsi modestia, atque iræ remissione improbant, Christianæ fidei veritatem tuerentur. Hosque, vt idem agamus, etiam atque etiam hortantur. Gregorius quidem Nazianzenus Christianos asserit, nec nimis feruidos, nec nimis segnes esse debere. Hac enim, inquit ratione fiet, vt nec ob defectum steriles & infrugiferi simus, nec ob excessum periclitemur. Æquē namque inutiles sunt iners, ac supina segnities, & imperitus feruor: Illa ad bonum minimè accedēs, hic autem vltèrius cadens. At Basilius seruus domini, inquit, non oportet

litigare, sed mansuetum esse, erga omnes, aptum ad docendum, cum modestia corrigentē eos, qui resistunt. Quod Hilarius egregie docet, quænam ex illo modo oriantur incommoda. Non est ambiguum (inquit) omnem humani eloquij sermonem contradictioni obnoxium semper fuisse, quia dissentientibus voluntatum motibus dissentiens fit quoque sensus animorum. Quod si quain re seruandum est, in ijs præcipuè sermonibus, qui maximos in Reges instituuntur.

Innumerabilis enim copia suppetit eorum qui ad illos tuendos exquisitissimis rationibus excitentur. Sed quid sanctos commemoro? ipsi prophani authores, quibus nondum vllus Christianæ veritatis splendor illuxerat, hanc modestiam in omni sermone, obseruandam esse præcipiunt. Audi Tulliū. Sed quoniā, inquit, in omni vita rectissime præcipitur, vt perturbationes fugiamus, id est motus animi nimios rationi non obtemperantes, sic eiusmodi motibus, sermo debet vacare, ne aut ira existat, aut cupiditas aliqua aut pigritia

aut ignauia, aut quid tale appareat: maximeque curandum est, vt eos, quibus cum sermonem conferemus, & vereri & diligere videamur. Pressius & clarius alibi. Omnis igitur (inquit) hac in re habenda ratio & diligentia est; primum vt monitio acerbitate, deinde vt obiurgatio contumelia careat. De oratore vero in iaciendo ridiculo, ait, parcendum esse dignitatibus. Quod si in ridiculo, quid in re graui? Tacitus vero Agricolam cum multis, tum hoc vno maximū virū prædicat, quia esset cultu modicus, sermone facilis, idque alibi à quouis summo viro expetit, sit, inquit comis sermo. Mitto Sallustium, qui malam opinionem mortalium mentibus infidentem radicitus euelli, docendo magis, inquit, quam iubendo, monendo, quàm minando.

Nam quid de Seneca dicam? Quo magis Seuera oratio, eo minus oratori fatetur fidem haberi, & in dicendo, & quauis in re, amittit inquit assiduitate seueritas auctoritatem. Demum alijs amissis, vnam eiusdem Sallustij sententiam proferam. In maxima inquit di-

gnitate, minima licentia, neque studere
 neque odisse, sed minimè irasci decet,
 qui apud alios zelus seu iracundia dici-
 tur, in imperio superbia appellatur.
 Quod si cuiquam observandum, nobis
 certe, in hac maxima & Ecclesiastica di-
 gnitate summæ proxima constitutis.
 Non me fugit interdum sanctos patres,
 cum de re fidei ageretur, in hæreticos
 acerrimè, nullius habita ratione disse-
 ruisse, quos & rectè fecisse & ita facere
 decuisse fatemur omnes. At hic nec de
 fide agitur, nec de bono ab Ecclesia v-
 surpato, sed ex gravissimorum hominū
 opinione permissio. In Regem vero
 differitur, à maioribus sanctissimis &
 maximè Catholicis ortum, religiosissi-
 me educatum, summa in Deum pietate,
 singulari morum probitate; egregia a-
 nimi moderatione præditum, Obedi-
 tia verò, & in hanc sanctam Romanam
 sedem observantia tanta, quanta in pri-
 uato homine, in religioso viro, ne dum
 in Principe potentissimo posset optari.
 Sed dices, quænam sunt ista quæ me acri-
 „ ter nimis dixisse putas? Primo quidẽ
 „ pag. 680, sub vocabulo, inquis Mo-

„ narchie , præter Monarcham vnum,
 „ quod vnum caput visibile in Ecclesia
 „ est cognitum, aliud in Monarchia Si-
 „ ciliae obortum, pro monstro & osten-
 „ to caput Ecclesiæ. Dura nimis & acer-
 „ ba videntur, vt cuius in vna potentia,
 „ & maxima in Deum pietate Ecclesia
 „ vniuersa innixa tuto conquiescit, istan-
 „ dem Ecclesiæ monstrum dicatur & o-
 „ stentum. Nec eorum dissimilia quæ nõ
 „ multo post sequuntur. Quod nec à
 „ Tyrānis ipsis, Ecclesiæ Romanæ per-
 „ duellibus; neque ipsis acerbissimis
 „ Romanæ Ecclesiæ persecutoribus
 „ Monarchiæ nomen vsurpatum. Quo
 „ fit vt Rex Hispaniæ Tyrānus & Eccle-
 „ siæ hostibus deterior sit, qui vnus eò
 „ Regnorum suorum neruos, eò sensus
 „ omnes suos cogitationesq. conuertit,
 „ vt barbaros omnes Christiani nominis
 „ hostes opprimeret, ceteros vero Chri-
 „ stianos reges suo in officio contineret.
 „ Pag. vero 662. Absit longè vt Mo-
 „ narchiæ illius dicatur Urbanus Ere-
 „ stor, in contumeliam Dei, & oppro-
 „ brium Apostolicæ sedis. Nec qui
 „ Monarchiam hanc Apostolicæ sedi sub-

DE MONARC. SICILIÆ. 159
ordinatam tuentur, nec qui de illa scrip-
fere, Deum aut Apostolicam sedem ali-
qua vel leuissima contumelia afficere
voluisse putem. Nam Rex qui ea nunc
potitur & fruitur, tantum abest, vt id
aliquādo cogitaret, vt omnia sua regna
ruere mallet, quam aliqua aut Deo, aut
huic sacro sanctæ fedi, ipso annuente infer-
retur iniuriæ nota. Mitto illa pag. 683. I-
sta sunt quæ manus audax ad sacrilegiū
prompta abstulit à recitato Papæ diplo-
mate. Taceo exclamationem Pag. 684.
„ O fraudem solennem Cornelia lege
„ plectendam! Quid tibi Ecclesiastico
viro Principem corrigenti cum Corne-
lia lege commune? Hæc ne præcepta
historiæ? Hæc tibi debite signa beneuo-
lentia? Hæc sacrosanctæ sedis mode-
stiam, & Ecclesiastici Imperij vrbani-
tatem decent? Equidem id omne, & ab
Historico & à viro tui simili, qui ad hunc
honoris gradum euectus, præcæteris se
Christianum Antistitem, piū, reli-
giosum debeat profiteri, quam maximè
alienum puto. Tandem illa pag. 695.
admiratione dignum videtur, vnde e-
merferit, vt falce Apostolica succisi in-

felices palmites iisdem : & quæ sequuntur, & pag. 696. Imitantur plane atque sectantur, qui iisdem, quibus illi legibus Siculam reuocant atque renouant Monarchiam, vide quam longe absint ab illorum imitatione. Monarchiam illi, sede Apostolica obnitente, si multorū annorum, ac sæculorum spatio, Pontifice permittente, tuentur, illi dum se Monarchas crearent, Romanum Pontificem, nullius potestatis esse afferebāt; at Rex Hispaniæ, ceterique qui illum Monarcham Siciliæ esse prædicant, & Monarchiam à summo Pontifice diplomate acceptam, & ipsum Romanū Pontificem Christi vicarium, omniū, Dominum esse fatentur, & quauis in re, & obsequuntur & parent. Præterea hæc nec quidquam historiæ profunt, & vix credi potest, quantum & ceteri quibus contraria probatur opinio, & regius ipse animus irritetur. Quæ quidem omnia quicumque perlegerit, asseret potius in Monarchiam te esse, & illius aclassacerrimè inuestum, quam huius rei historiam scribendam suscepisse. Forsan respondes, te non contra Regē,

sed contra Monarchiam, & illius affectus hæc dicere instituisse, Quod in ipso historiæ huius profiteris ingressu. Verû quis maior affectus, quam ipse Rex? Qui non ignarus Monarchiæ personam, à maioribus suis, hæreditario iure acceptam, tot Pontificum auctoritate permissam, grauissimo doctissimorum hominum iudicio probatam, sustinet, tuetur, & regit. Hæc ipse affero, meo ingenio parata, aliorum plurimorum auctoritatibus dedita opera omittis, ne tecum agerem contendendo, sed potius tibi obsequendo, id à me scriptum agnosceres. Neque enim minora possent, aut pauciora contra te, pari stylo atque orationis libertate referri. Præsertim cum me magis deceret, plurima & grauissima quæque, in vnum congesta proferre, quibus contra hanc tam vberiore dicendi licentiam Regem Catholicû pro viribus tuerer, quàm te tam multa contra Augustissimam illius maiestatem inuenisse, quæ diceres, ea abs te rogatus, tibi offero, spero quæ forè, vt quæ ego amore, ac Christiana pietate & legi & scripsi, eadem tu, & oblata excipias, & legas excepta.



CARDINALIS
BARONII RESPON-
SIO APOLOGETICA AD-
uersus Cardinalis Columnæ iudiciū
de Sicilia Monarchia in XI. An-
nali. tomo.

L Vbrica res est concordia fratrum.
Hoc sentiens magnus ille Patriar-
cha Iacob filios suos in Ægyptum pe-
regrinantes admonuit, dicens: ^a *Ne i-*
^a *raſcamini in via.* Et quia res est magni
momenti, hinc ait Ecclesiasticus: ^b *In*
^b *tribus placitum eſt ſpiritui meo, quæ ſunt*
probata coram Deo & hominibus, concor-
dia fratrum, &c. Hanc ipſam ſartam re-
ctam inter nos cupiens, in mentem re-
uoco illud Iacobi Apoſtoli, ne ſit inter
nos zelus amarus & contentio; ^c *Vbi*
^c *enim (inquit) zelus & contentio, ibi in-*
conſtantia & omne opus prauum. Vincat
inter nos veritas, ſuperet charitas, & ſic

^a *Genſ. c. 45*

^b *ec. 25.*

^c *cc. 3.*

erimus ambo, nō victi sed victores, hac
 sãcta triumphantes biga salutis. Quod
 enim permolestus esse soleat auribus
 audientium eiusmodi horrifonius car-
 dinum stridor, inuitus trahor (Deus
 scit) nolens adducor, obtorto, vt dici-
 tur, collo ad defensionem iustissimam
 scriptorum meorum, quæ pro conser-
 uatione Ecclesiasticæ libertatis, tuen-
 disque Romanæ Ecclesiæ iuribus, pu-
 blicè scripsi, iubente Pontifice summo,
 & promulgavi. Si enim ea indefensa
 relinquerem, idem penè esset ac si dā-
 narem, præuicatoris nomine dignus,
 dicente Apostolo: *d Si enim quæ destru-* ^{d Gal.}
xi iterum hæc ædifico, præuicatore me
constituo. Cæterum, & quod in eo sta-
 tu sum positus, vt neque si ipse magno-
 pere velim, existimationem meã pro-
 digere possim, cum id conuerterem in
 dispendium alienum: ne molestè ac-
 cipias, si per immensas illas tuis scriptis
 sparsas in me calumnias, non aliunde,
 quam ex iisdem editis à me scriptis, ex
 quibus sunt abs te petiti, refellam quã
 modestissimè licet. Rem igitur aggres-
 surus, libenter te, Domine Frater ver-

e Philip. c. 4

bis illis Apostoli interpello, ^c *Vt pax Dei quæ exuperat omnem sensum, custodiat corda nostra, & intelligentias nostras in Christo IESU Domino nostro.*

I

Iam verò, in quibus nostra scripta reprehendis, suo ordine proferamus in medium. Post multa autem ad excusationem præfatus, hæc habes: **VTI-
NAM QVOD TE ERVDITIO, &c. vsque
SVASISSET.** Certe quidem^f *Charitas* (ni fallor) *de corde puro, conscientia bona, & fide non ficta*, id præstare suavit: & *Charitas, quæ congaudet veritati ad ista nos impulit*; Ipsaque zeli nomen accipiens cum potentius vrget & vehementius dominatur, fomenta maioris ardoris fumens ex Ecclesiæ bonis pessundatis, ex eiusdem in primis libertate iamdiu exule, iuribusque eius ceteris vndique profligatis, meis exæstuans in præcordiis, ad ea cuncta scribenda ex officio debito requisivit, importunè exegit, compulitque potenter, ex debito, inquam officio, quod non nisi iuratus, ista tueri, amplissimæ dignitatis sum insignia cōsecutus. Ita plane ignis deuorans intima cordis, in amaritudine ani-

f 1. *Timoth.*
c. 1.

g 1. *Corint.*
c. 13.

DE MONARC. SICILIÆ. 16;
 me meæ ita loqui, clamare interdum,
 & exclamare aliquando, violenter ex-
 torfit. Etenim summa est & insuperabi-
 lis zeli tyrannis, quæ rapiat quem pos-
 sident, atque consummet. Audi quere-
 las ab eo correpti Prophetæ: ^a *Tabesce-* ^a *Psal. 118.*
re me fecit zelus meus. Sed desinet mira-
 ri hæc, qui eius summam potentiam
 nouerit, quam sibi vindicet contra
 Omnipotentem. Habetur de his con-
 stans exemplum apud ^b Euangelistam, ^b *Ioan. c. 3.*
 cum Dominum nostrum IESVM CHRI-
 STVM, mansuetum & humilē coe-
 gerit, rabido morfu, cor exedente ze-
 lo, post redargutionis verba, verbera
 quoque infligere delinquentibus, cum
 & qui aderant recordati sunt discipuli
 eius, quia scriptum est: ^c *Zelus domus* ^c *Psal. 68.*
tua comedit me. Nescit zelus imperiosus
 parcere saltem Deo; nescit zelus istius-
 modi agere ea temperatione, quam tu
 dicis vrbauitatem, sed à se possessam
 piè, sancteque irasci, & clamare com-
 pellit: nam ex Isaia audi, quid sit ope-
 ratus in ipso Deo, cum zelum assump-
 sit: ^d *Tacui semper* (inquit) *filii patiens* ^d *Isa. c. 4. 2.*
fui: accedente autem zelo, mox addit:

Sicut parturiens loquar, dissipabo & absorbebo simul! Et quæ sequuntur auditu horrenda. Si tanta vis zeli, ut sic effari impellat omnipotentem, silere ne poterit homuncio vel urbane dicere, ut nō exclamet, cum ipse zelus impetuosus, sicut & imperiosus accesserit? quo nomine certe & apud te & alios omnes me oportuit redditum excusatum, immo & laudatum, si ita aliquando imperio celsi ipsius zeli, ex diuinæ scripturæ

e. *Genesc.* 33. verbis illis argumento deducto cōtra Deum præualuit, quomodo non magis contra homines præualebit? præter zelū autem, ut probe subijcis, ad scribendum impulit iussio Pontificia, & ad hoc ipsum præstandum iuramento deuincta dignitas Cardinalatus, quæ hæc omnia, zelo dominanti debitum oportuit exoluisse tributum. Diximus dominantem haud improprie. Testor enim omnipotentem Deum, me animo statuisse rem tantam agere quam suauissime & paccatissime; Sed quod rei argumentum exigeret, & æternus morbus a credinē potius exposceret sinapismi; non quod proposui, sed quod zelus scientia po-

tens violento dominio imperavit, numine impellente, præter sententiam, quomodo, Deus scit, sum coactus implere: sicque eam, quam aperuit viam zelus secundum scientiam, sumus ingressi: cum quæcunque à nobis dicta sunt, in omnibus sint consentientia veritati certis testificationibus demonstrata. Pergis autem.

II.

ET SATIS VERITATI FECISSES. Si videlicet vrbanitatem, quam dicis, dicendo sectatus essem. Dicam liberè, & ostendam exemplo, nequaquam satisfieri veritati, si cum iustus zelus reprehensionis acedinem exigit, vrbalitas illam dulcedine temperat, nullius vigoris efficiens, quod efficax esse poterat purgare delictum. Accipe de hoc ex diuinis scripturis exemplum? Non ob
 f. c. 1. Reg.
 c. 23.
 aliam causam Heli sacerdos summus infelicissime periclitatus est, nisi quod filiorum immaniter delinquentiù correctionem, quæ esse debuisset acerrima, temperavit vrbanitate, quæ perdidit penitus omnem vigorem eius, adèò vt per eam magis aggrauatum fuerit delictum, quam sublatum, dicente diuina

scriptura: *Propter iniquitatem, eo quod no-
uerat indigne agere filios suos, & non cor-
ripuerit eos, idcirco iurauit domui Heli,
quod non expietur iniquitas domus eius vi-
ctimis & muneribus vsque in sempiternū.*
Hæc omnia ac tanta mala, quod (vt au-
disti) non corripuerit ipsos, sed tantum
urbane reprehenderit, licet nec aculeo
penitus caruerit illa reprehensio, qua
Ibidem. dixit: *Quare res facitis huiusmodi, quas
ego audio, res pessimas? Aspera sane ista
reprehensio, quam & magis reddidit
aculeatam, cum sic eam cote acumina-
uerit disciplinæ, subdens: Si peccauerit
vir in virum, placari ei potest Deus: si autē
in Deum peccauerit vir, quis orabit pro eo?*
Et tamen non est habita reprehensio
efficax, quia non zelo solum honoris
Dei, vt par erat, sed paulo mitius res est
tanta transacta inopportuna urbanita-
te. Sicigitur non semper ex urbanitate
satis fit veritati. Addis mox ista in eadē
perstans sententia.

III. ET ECCLESIAE FORTASSE MAGIS
CONSVLVISSES. Si videlicet rem egissem
urbanitate; Aetum plus satis urbanita-
te, precibus, beneficiis, obsequijs. mille
modis

modis, nihilque penitus relictum intētatum, sed officia istiusmodi ne quid minimum profuerunt, obfuerunt potius, sicuti cum res est acta precibus à filijs a Israel, sub duræ seruitutis fasce gementibus, qui tantum abest quod leuamen aliquod fuerint consecuti, ut duplici onere sint oppressi: vera ne sint ista; plus satis quæ quotidie vndiq. perlatæ audiuntur querelæ gementium oppressorum insinuant, ut ea audientiū & compatiētiū fratrum ex imo petētoe ducta suspiria manifestant: atque ipsorum Pontificum animi æstus quos patiuntur, & fluctus mentis quibus exagitantur significant. At neque tanta poteris polliceri, ut urbanitate quam requiris bene consultum fore dicas Ecclesiæ. O utinam plaga tanta oleo curaretur! Hoc namque ego tibi sponte liberaliter obtulit, si memoria retines. Etenim cum mecum de his plane iisdem querelis ageres, quod videlicet nostra oratio esset aculeata; bene nosti, quid tunc ego responderim, nimirum quod cū nostra accurate perlegisses, & quod tibi displiceret inuenisses: vna confide-

tesambo, eadem simul accuratissime
 disquireremus: Etsi quæ essent inuenta;
 quæ ex acredine scriptionis potuissent
 tibi displicere, paratus essem dūmodo
 absque iniuria atque dispendio verita-
 tis fieri potuisset, cui inprimis consultū
 in omnibus velim, calami ego ipse litu-
 ra delere, & expungere omne quod
 pungeret, maximi loco ducens emolu-
 menti, si adeo leui iactura veritas ipsa,
 hætenus coacta seruire, vindicaretur
 in auream libertatem exemplo & suasu
 diuinę scripturę, ^b qua significatur ex
 præscripto sacrę legis ancillam seruiē-
 tem Hebræo sic transituram in liberta-
 tem, & inhæsuram ipsi petenti coniu-
 gē, si circūcisa fuerit vnguibus & abra-
 sa cæsarie capitis: Circuncidatur ergo
 pro animi vestri sententia vnguibus ve-
 ritas dummodo sit secura; quod ita sit
 in libertatem pristinam reuocanda, &
 honore coniugij honestanda: alioquin
 si hoc negetur, sua gradiatur ipsa orna-
 ta coma, armataque vnguibus quibus
 pungat. Innati sunt namque ipsi tan-
 quam vngues stimuli, quibus vrgens
 crosa redditur & inuisa. Hinc illud A-

bDint. 21.

DE MONARC. SICILIÆ. 171
 postoli ad Galatas, 4. (quod & mihi o-
 portune contigit dicere) ego inimicus
 vobis factus sum verum dicens vobis, sed
 sed non curo, eo quod Deum ipsum
 habeam pro tuenda ipsa veritate spon-
 sorem cum dicat: *Veritas liberabit vos.* Ioan. 8.
 Et per Ecclesiasticum, *Ne confundaris*
dicere verum, & usque ad mortem pro iu- Eccl. 4.
stitia certa, & Deus expugnabit pro te ini-
micos tuos.

Sed adiicis. ET QUÆ MVLTIVNC IIII.
 IMPROBANT, VOLENTES, NOLENTESQUE
 SIBI PROBATA SVSCIPERENT. Non ho-
 rum gustum sequar, neque tales cupio
 habere magistros: habeo quem magi-
 strum imiter Dominū nostrum Iesum
 Christum, de cuius dicendi modo hæc
 habet Euangelista: *Erat docens tanquam* Marc. 1.
potestatem habens, non tanquam scribæ;
 nempe quod Christus esset magna li-
 bertate (vt omnes docent interpretes)
 in veritate prædicanda; Scribæ autem
 Herodi regi adulantes, omnia pararent
 ad gustum ipsius. Absit, absit (dico ve-
 rum) vt sicut scribæ scribam, & non si-
 cut Christus annunciem libere verita-
 tem. Habeo post Christū sanctissimos

patres, quorum in scribendo sequar exemplum, qui infracta animi constantia, pro tuenda veritate aduersus eam pugnantes, non humili, eneruato, mollique stilo sunt vsi, sed grandi, fortique, miscentes etiam reprehensionum acrimoniam, in eos sententias aculeatas instar fulminis intorserunt. Sunt innumera horum exempla; annis ferme singulis in ipsis Annalibus Ecclesiasticis recensita: quorum ex vsu dum lego, frequenter atque describo, idem mihi dicendi genus inhæsit, quod haud despicendum putaui, probe sciens illud dono spiritus, potius quam humana industria comparatum, sicque ea mensura discretionis adhibita, tunc sum vsus eo scribendi genere, cum siue aduersus no- uantes hæreticos schismaticosque agendum fuit, aut in principes iura Ecclesiæ labefactantes, in seruitutem eandem Ecclesiam redigentes, vel cum dicendum aduersus disciplinæ Ecclesiasticæ corruptores, tuba cælesti auribus meis importune nimis propheticum illud personante: *Clama, ne cesses, & quasi tuba exalta vocem tuam, annuncia populo meo*

scelera eorum. Ad hanc nempe formam compositos esse debere, qui sunt eligendi S.R.E. Cardinales, S. Bern. Eugeniū Rom. Pontif. monet, nempe, vt tales sint qui regibus inquit Ioannem exhibeant, Ægyptiis Moysen, fornicatibus Phinees, Heliam idololatris, Elyseum auaris, Petrum mentientibus, Paulum blasphemantibus, negociantibus Christum: nimirum vt zelo semper in delinquentes armati, perdant vbiq. & quoscunque operantes iniquitatem. Hæc est forma nostra; spiritus sancti penicillo delineata; vt qui huiusmodi non sumus, deformes penitus conuincamur.

Et post multa in eandem sententiam allata sunt ista: EOQUE MAGIS CAUENDUM EST, &c. vsque AD VALLATA. Hæc tu ipse. Magni interest quo animi affectu quæque legantur. Hinc Dominus ad legisperitū: ^a *In lege quid scriptum est.* ^{a Luc. 10:} *Quomodo legis?* S. Hilarius, qualis lector debeat esse sic monet: *Optimus*, inquit, ^{Hilar. lib. i. de Trinit.} *lector est qui dictorum intelligentiam expectet ex dictis, potius quam imponat, & retulerit, magis quam attulerit, neque cogat di videri dictis contineri, quod ante lectio-*

nem præsumpserit intelligendum. Hæc dixerim quod existimassem, post lectionē eius tractationis de Monarchia, te ad tuenda sanctæ Ecclesiæ iura in honestissimo bello nobis omnibus inhæsurum fortissimum commilitonem, imò quē sequeremur antesignanum & ducem, militari auctoratum iamdiu antea Sacramento: sed spes evanuit cum euenta noscantur celsisse opinioni nostrę contraria, dum absque quod nostrorum scriptorum, vel vna quęvis assertio abs te arguatur erroris iam tua sententia in æquilibrio, vtramque tua lance suspendis opinionem, imo & superexaltas contrariam Ecclesiæ iuribus, dum dicis de ipsa quod permissu Rom. Pontif. temporis sit diuturnitate recepta: protectorem & defensorem magnum agens, imo & iudicem pro Sicula Monarchia, quod fratres omnes. S. R. E. Cardinales malè accipiunt, & ipse redarguit iustissime summus Pontifex. Quam autem erraueris insigniter hæc affirmando, imprimis prouoco quemcunque veritatis amantē ad accuratā tractationē nostrę de Monarchia Sicula tractationis,

in qua citantur innumera sacra diplomata Rom. Pótificum suo robore permanentia, tãquam si hodie statuta fuissent. Nam decernente sacrosancto Lateranensi Concilio, sub Leone x. Rom. Pontif. istis verbis: Contra Reges & Imperatores, & alios Principes seculares, supradictis pœnis & alijs cõtra violatores & oppressores libertatis Ecclesiasticæ, etiã per extrauagantes, & alias eiusmodi constitutiones incognitas, & forsitan in vsu non existẽtes, impositis. Quorum omnium tenores pro expressis & insertis habentes innouamus, ac perpetuum firmitatis robur habere decernimus, & declaramus: ac secundum eas per quoscunque iudices S. R. E. Cardinales sublata & adempta eis aliter iudicandi declarandique potestate, sententiari, iudicare & interpretari debere volumus & mandamus, & quę sequuntur, quibus quidem eadem Monarchia centies aboletur, dissoluitur, irritatur. Certo certius scito, assertionem istam tuam quam adeo frequenter inculcas, eiusmodi esse, vt ex nulla penitus parte subsistat, confutetur verò apertissimis

176 CÆS. BARONII TRACT.
argumentis demōstrationibus quibus,
libet certioribus.

VI.

Quoniam vero totius rei sic cardo
versetur, vt si abs te asserta non possit
vllō pacto subsistere, sint inuenta, exci-
das tota causa: serius nobis agendum,
firmissimisque testificationibus com-
probandum nullo vnquam prętextu,
nullo modo penitus dici posse, Siculam
Monarchiam Pontif. Romanorū per-
missione fulciri, neque vllō pacto asseri,
eandem temporis esse diuturnitate re-
ceptam, quæ quamuis falsissima, tu ta-
men sæpe ingeris pro certis & explora-
tis. Miratus sum vehementer, quomo-
dosi ipsam tractationē, de Monarchia
legisti, & summorum Pontificum eidē
repugnantia scripta citata in ea vsque
ad præsens sæculum; eandemque de-
struentia. Monarchiam peruidisti, ea
dicere potuisti? Præxim ipsam Romanę
curiæ tribunalium attendisti, in quibus
contradicitur quotidie Monarchiæ, at-
que in ipsā pronūciationē sententiæ, siue
ab Apostolicæ Camere auditore, siue ab
auditoribus sacre rotæ. Et cū euidentio-
ra de his extent adhuc monumēta ob-

stupuimus valde, quomodo sic dixeris, MONARCHIAM SICVLAM GRAVISSIMORVM HOMINVM CONSENSV PROBAM, TEMPORIS DIVTVRNITATE RECEPTAM SVMMORVM PONTIFICVM PERMISSV? (Sunt enim ista totidem verba tua.) Num te vnum præteriisse potuit celeberrimum de his documentum, publicæ litteræ Apostolicæ, processus Pontificij dicti vulgo Bulla in Cœna Domini, eo quod annis singulis die Cœnæ Domini ab vltimo Cardinaliũ Dyaconorum publicè recitari solita è sublimiori loco coram ipso summo Pontifice, & sacro nostro Collegio, spectante populo totius vrbis & orbis. In qua sex saltem capita numerantur, quibus male præsumpta iura abolentur penitus Siculæ Monarchiæ, & speciali mentione asseritur ipsum Siciliæ regnum esse Rom. Eccl. idque primo loco poni post dominium vrbis, verbis istis: Itē excommunicamus & anathematizamus omnes illos qui per se seu per alios, directe vel indirecte, sub quocumque titulo vel colore, inuadere, destruere, occupare, & detinere præsumpserint

178 CÆS. BARONII TRACT.
in totum vel partem aliam urbem,
Regnum Sicilię, & quę sequuntur. Po-
testne locus esse Monarchiæ Siculę cō-
tra. Apost. sedem si regnum ipsum in-
tegrum anathemate vindicatum (vt au-
disti) eo modo, vt licet retinetur ab A-
postolica sede? Potestne dici quod tu
dicis IPSAM MONARCHIAM PERMISSV
ROMANORVM PONTIFICVM RETINERI,
vel quod asseris TEMPORIS DIVTVRNI-
TATE RECEPTAM? Quam autem poten-
tissime ijs eadem litterę in omnibus re-
fragentur ex inferius scripto capite istis
verbis accipe. At quoad eos qui contra
Ecclesiasticam libertatem, vt præmitti-
tur, statuta fecerint, nisi prius statuta,
ordinationes, constitutiones pragma-
ticas & decreta huiusmodi reuocave-
rint, & de Archiuijs seu capitularibus
locis, aut libris, in quibus adnotata re-
periuntur deleri & cassari: ac nos de re-
uocatione huiusmodi certiores fece-
rint, eos non comprehendere absolu-
tionem illam scilicet. Quin etiam per
huiusmodi absolutionem aut quoscū-
que actus cōtrarios, tacitos vel expres-
sos, ac etiam per patientiam & tolerā-

tiam nostram, vel successorum nostrorum quantocunque tempore cōtinuatam, in præmissis omnibus & singulis à quibuscunque iuribus sedis Apostolicæ ac S. R. E. vndecumque & quandocumque quæsitis, vel quærendis, vllatenus præiudicare posse aut debere. Hęc ibi. At post hæc tanta, tanto præcone promulgata, tantaque autoritate formata: tu Domine frater, potuisti illa ingessisse de PERMISSIONE ROM. PONTIFICVM, ET TEMPORIS DIVTVRNITATE, ET GRAVISSIMORVM CONSENSV HOMINVM? Adijciã quoque alia vulgatiores Quis insuper ignorat solēnissimam, & celeberrimam illam actionem anniuersario die iterari solitam, qua etiam penitus penitusque abrogatur omnis asserta prætensio permissionis Romanorū Pontificum, cum videlicet solemniissima die natali sanctorum Apostolorum Petri & Pauli, in ipsa basilica Vaticana, spectante orbe, frequentiori cœtu; omnibus sese intra eandem Basilicam obtrudentibus, præsentē summo hierarcha, Rom. Pontif. vnà cum sacro collegio S. R. E. Cardinalium, spectante

clero, ijs populoque Romano, simulq.
magistratibus, legatus Regis Catholici
solenni pompa offerret annum censū
ipsi Pontifici pro regno Neapolitano:
Ex improviso Aduocatus fiscalis Apo-
stolicæ sedis terrificæ voce perstrepsēs,
instat tonitrus. Nā ex antiqua formu-
la totidem syllabis intonat verba solē-
nia: Et ego N. sanctitatis vestræ & Ca-
meræ Apostolicæ procurator fiscalis,
protestor hunc cēsum non recipi, quin
imo rejici attempta cadūcite, seu deuo-
lutione vtriusque regni, tam vltra quā
citra Pharum, & quatenus recipiatur
non recipi sine preiudicio, tam sanctita-
tis vestræ quam sanctæ sedis & Cameræ
Apostolicæ, & non alias, aliter, nec alio
modo. Hactenus ipse. Qui postea, vt
omnia ista à clericis cameralibus in acta
publica solemnī forma, ritu consueto
inserantur, instantius agit: & ne quicquā
de suo officio, quod ab eis est factū po-
stea accurate cognoscit. Fiunt ista, vt
diximus, annis singulis, à superioribus
sæculis in præsentem vsque diem. Quis
ergo dicendi locus vel fingendi saltem
vllatenus esse potest, possidere ipsum

Regem, Regnū Siciliae, & Monarchiā
 permissione Rom. Pontificum, iisdē
 adeo publico tantarum solemnitatum
 obicibus oppositis in contrarium, tā-
 to nisu atque conatu, tam iugi perse-
 uerantia, reclamantibus & contra-
 dicentibus, & penitus aduersantibus?

VII.

Post vero male assertam permissio-
 nem Rom. Pontificum addis ad eiu-
 dem Monarchiæ defensionem verba
 ista : REGIA POTESTATE VALLATAM.
 Ipsam videlicet Monarchiam. At nos
 quid iuris non quid sit potestatis no-
 stra illa tractatione differuimus, vt mi-
 nime ad rem spectare noscatur, quod
 excipis de potestate in potentissimo
 rege. De quo illud nobis verè, & non
 aliter existimandum, rem ipsam agere
 bona fide, & quod iure potius quam
 potestate sic retinere putet, quod pos-
 sidet ex hæreditate paterna, paratus
 (haud dubium) audire omnes, doceri
 monerique de iustitia ac veritate si sit
 qui ista (prout sunt) in maiestatis re-
 giæ inserataures, quod meis ipse scri-
 ptis pro officio Regibus debito faciē-
 dum putavi; hacque ratione de ea-

dem Maieſtate benefanctæque mereri non dubitans. Non igitur bene conſulitur regiæ conſcientiæ, ſi tantû potestate & non iure, Rex Eccleſiaſtica iura poſſideat, ſed iure hereditario bonę fidei poſſeſſor exiſtens, ad omnia corrigenda quæ iure careant, debet componere animum prout ad hæc præſtanda, ſi quis ingerat, bene compoſitum eſſe non dubitamus.

VIII. Post hæc vero ad eandem ſuggillandam MEAM DICENDI quam arguis LIBERTATEM, æque male interpretaris ACERBITATEM, *Sanctorum Patrum in me conuertis exempla dicens.* HINC SANCTISSIMI Patres vſque. ETIAM ATQUE ETIAM HORTANTVR. Hæc tu ipſe, qui tamen inferius tibi ipſi contrarius iſta ſic deſtruis. NON ME FVGIT INTERDVM &c. vſque FATEMV R OMNES. Hæc tu & bene & plane corrigens quæ hic dixeras haud bene ſiquidem ipſi ſanctorum patrum magiſtri Apoſtoli Eccleſiæ Chriſti, acrioribus inuectiuis, vſque etiã ad conuitia exagitarunt hereticos. Nam Paulus in huiuſmodi *Inſenſati Galatæ quis vos fascinavit nō*

obedire veritati, & in Iudæam magnum
 Pseudopphetam ^b plene omni dolo, & ^b AA. 3.
 omni fallacia, fili diaboli, inimice omnis iu-
 stitiæ. Et quæ sequuntur. Accipietur ^c AA. 8.
 quam inuectiua exagitaui primum
 heresiarcham Simonem Magum, & im-
 precatus est mala; Et posteriori Epi-
 stola 2. Cap. nil magis agit quam in e-
 iusmodi stylum exercere, exaggerare,
 corripere, non parcere contumeliis.
 Ioannes Apostolus nonne in Che-
 rinthum inuectus ipsum primogenitum
 Sathanæ nominavit, & scriptis suis e-
 iusmodi nominat Antichristos. ^d Hi ^d Ioan. 2. 3.
 sunt inquam magistri sanctorum pa-
 trum, qui insistentes eorum vestigiis
 imbribus fulminum omnes exagita-
 runt hereticos, pepercerunt tunc ta-
 tum, cum spes aliqua conversionis eo-
 rum existeret.

Citas post hæc sententiam Grego-
 rij Nazianzeni, dicens. GREGORIUS
 QUIDEM NAZIANZENSIS &c. vsque.
 ULTERIUS CADENS. Hæc ex eo, & qui-
 dem omni acceptatione dignissima.
 At per ista minime prohibuisse intelli-
 gendus est sacerdotes inuehi in Prin-

cipes, cum inuadunt Ecclesiæ iura, & non subesse, sed præesse cupiã sacerdotibus: non enim potuit vetuisse quod ipse se penumero noscitur præstitisse: accipe vnum vel alterum de his exemplum eiusdem præstantissimi Doctoris Ecclesiæ, quibus plane antequam nasceretur, malus iste frutex, destruit Monarchiam; potestatem illam dico, quam præter fas iusque sibi Principes seculares vindicant in personas Ecclesiasticas, siue bona ipsorũ. Ait enim sic compellans principes & magistratus. An me libere loquentẽ æquo animo feretis? Nam vos quoque potestati meę, meisque subselliis lex Christi subiicit. Imperiũ ipsi quoque gerimus, addo etiam præstantius & perfectius; nisi vero æquum est spiritum carni fasces submittere, & celestia terrenis cedere. Sed non dubito quin hanc dicendi libertatem in optimam partẽ accepturussis, vt pote sacra mei gregis ouis, magnique pastoris columna, & quæ sequuntur. Rursum ipse securim ad radicẽ inferens arboris inelicit istius super cedros de

ra-

*Greg. Nazian. erat
ad caus.
Nazianz.*

ramos suos superbissime extollentis, hæc ad Iulianum tributorū exæquatorem: Oues ne pastores ipsos pascatis, neque vltra fines vestros efferamini. Satis vobis superque est, si rectè pascamini, ne iudices ipsos iudicetis, neque legillatoribus leges præscribatis. Deus enim dissensionis & confusionis non est Deus, sed pacis & ordinis. Ne quis igitur caput sit, qui vix aut manus aut pedis, aut cuiuspiam alius vilioris membri nomen sustinet, & quæ sequuntur, quibus laici sui mensura contineantur officij. En vides quam egregiè, quem in nos testem adduxisti Gregorium, ipse pro nobis militet verbis pariter & exēplis, & destruat Monarchiam, omnique libertate aduersus principes pro Ecclesię vera Monarchia illibata seruanda; non leues aculeos, sed spicula orationis intorqueat.

*Magistrat.
nomen.*

Pergis vero. AT BASILIUS SERVVM DOMINI &c. vsque RESISTVNT. Hæc ex Basilio, cuius in certamine Ecclesiastico quas ipse partes suscepit audi ex Greg. Nazianz.^a Cum inquit temporis angustiiis premeremur, hanc ipse

X.

*a Nazianz.
orat. in laud.
dom. Basilij*



neminibat, vt sibi quidem verbi dispensationem, nobis autem quod ob nominis obscuritatem nemo accusaturus, patriaque eiekturus esset loquendi libertatem committebat, atque ita Euangelium nostrum & validum erat vtriusq. auxilio suffultum. Audisti partitam inter se sacri ministerij dispensationem? Ineamus & nos hanc pariter rationem, vt tu magnus magnum Basilium imiteris, ego autem pusillus libere dicentem Gregorium Nazianzenum sequar. Cæterum hæc illi ad tempus tantum: nam neque ita hisce se compedibus Basilus est passus adstringi, quin cum causa & tempus exposceret profilierit in principes magna libertate dicendo. Quod cum in eum obiiceret præfektus Imperatoris dicens. Nemo me ad hanc vsque diem ita est allocutus, nec pari verborum libertate, neque enim (respondit Basilus) fortassis in Episcopum incidisti. Quin insuper vsque adeo susceptam semel dicendi libertatem nunquam vsu remisit, vt ea iam ipsi (quod idem testatur^b Greg. Nazianz.) vitio verteretur, quod homo esset elatus, qui attolleret

^b Orat. in
laud. Basil.

DE MONARC. SICILIÆ. 187
supercilium, fastuque plenus : sed his
eum criminationibus idem Gregorius
facile purgat.

XI.

Sed iam ad eum quem tertio loco ci-
tas Hilarium veniamus. QVOD HILA-
RIVS (inquis) egregiè docet &c. vsque
ad SENSVS ANIMORVM. Huc vsque sunt
verba Hilarij ipso exordio lib. 10. de
Trinitate, ex quibus nescio quo modo,
quæ mox ita subijcis inferantur; ais e-
nim: QVOD SI QVA IN RE SERVANDVM
&c. vsque ad EXCITENTVR. Hæc ex
Hilario infer: fateor, nescio quid dice-
re velis, & quomodo ex eo deducas ista,
cum nec antea, nec postea quicquam
Hilarius habeat quod ad hæc spectet.
Cæterum ne hic ociose citatum se ipse
queratur, quid de his ipse sentiat per-
contemur. Certè quidem sanctissimus
atque doctissimus pater, magnus arbi-
ter temporis discretionis (*Quod omnia c. Eccles. 3.
tempus habeant, & sit tempus pacis & tē-
pus belli*) pro ratione temporis diuerso
scribendi genere vitur ad Constantinū
Imp. aliquando vero sublimi te eriget
stilo: quorum verba tot dixeris fulmina
ore explosa tonantis, præstringentis
N ii

Imperatorem multiplici genere cōtumeliarum. Quin etiam ipse contra istiusmodi laicam Monarchiam stilum exerens, redarguit ministros regios aduersus clericos sibi ius vindicantes: sunt enim hæc verba eius in libello oblato Constantio Impetatori. Prouideat & decernat Clementia tua, vt omnes & vbique iudices quibus Prouinciæ administrationes creditæ sunt, ad quos sola cura & sollicitudo publicorum negotiorum pertinere debet, à religiosa se obseruantia abstineant, neque posthac præsumant aut vsurpent, vt putent se causas posse cognoscere clericorum, & innocentes homines, varijs afflictionibus, minis, violentia, terroribus frangere & vexare &c. Sic aduersus iacentes semina laicæ Monarchiæ declamans, quibus videas & Hilarium quem iunxeras tibi ipsi, stare pro nobis, in castra nostra transisse, dimicare aduersum te, qui inuitum & contradicentem coegeras contra nos pro Monarchia merere stipendia, qui aduersus eam iam arma conuerterit, dissipans penitus eam. Cuius inhærens ego ipse vestigijs, antea

DE MONARC. SICILIÆ. 189
spiritus meus mea membra relinquet,
quam deferam ipsum, & alios præeun-
tes gloriosos libertatis Ecclesiæ defen-
sores.

Post hæc autem ad prophanos te cō-
uertis authores, vt eosdem immittas in
nos dicens: SED QUID SANCTOS COM-
MEMORO? &c. vsque ad: ET DILIGERE
VIDEAMVR. Hęc tu ex Cicerone ^a tan-
quam contra nos dicta. Sed cur adhuc
loquentis os cohibes manu premens ^a *de offic.*
ne audiatur totum quod dicitur? Non-
ne post hæc abs te recitata mox ista ver-
ba sequuntur. Caute quidem (ne dicā
astute) penitus prætermissa; Obiurga-
tiones inquit etiam nonnunquam inci-
dunt necessariae, in quibus vtendum est
fortasse & vocis contentione maiore,
& verborum veritate acriore, hæc plane
pro nobis contra te ipsum Cicero per-
gens sententiam cœptam sic absoluit.

Subiicies deinde ex eodem ista: XIII.
PRESSIVS ET CLARIUS ALIBI &c. vsque
ad CONTVMELIA CAREAT. Sed cur &
quod subditur, in quo totius rei summa
est præteriisti? Ex Platone enim senten-
tiam auctore dignam subuertis dicens:

Multo melius acerbos inimicos mereri quam eos amicos qui dulces videantur, illos vera sæpe dicere, hos nunquam. Ideo infero ex his ego: Reges adulato-ribus semper obfessi felicius audiant sacerdotes vera insinuantes, qui inimicos iubentur eius audire calumniantes, non ministros adulantes. Ad hæc spectat quod sanctus Ambrosius ait de Theodosio imperat. ^b Dilexi virum qui magis arguentem quam adulantem probaret. Sicigitur pro me & hic & contra te Cicero loquitur, & quidem valde proficua regibus.

^b In funere
Theodos.

XIII.

Pergis vero. DE ORATORE VERO IN &c. vsque ad QUID IN RE GRAVI? Sed in re graui non parcendum, cum id imprimis ex præscripto sacrarum legum perficitur, & à persona graui, nempe sacerdote, cum id muneris sit diuinitus imperatum, vt cum hæc Dominus ad Hieremiam. ^c Constitui te super gentes & super regna, & paulo post Dedit hodie in ciuitatem munitam, in columnam ferream, in murum æneum super omnem terram. Regibus Iuda, Principibus, sacerdotibus & populo terræ &c. At ista maiori argumē-

^c Hier. i.

to propagata esse in sacerdotes noui testamenti Apostolus docet, scribens ad Corinthios; ^a Si exemplo res agitur, ^{al. C.} nemo sanctorum antiquæ vel nouæ legis, cui uerbi annunciandi commissum est ministerium, Regibus legitur pepercisse. Diximus de Hieremia. Dicendū hoc ipsum de Ioanne Baptista qui arguebat Herodem, de Christo Redemptore nostro, eundem regem vulpem appellante. *Dic* (inquit) ^b *vulpi illi.* Sic ^b *Lucij;* itaque ridiculum de ridiculo sumptum in re adeo graui redditur argumentum.

XV.

Addis insuper. TACITVS VERO AGRICOLAM &c. vsque ad COMIS SERMO. Ista ex Tacito de Agricola. At non reliqua ex eodem authore de eodem perlegisti. De ipso enim idem hæc Tacitus. Apud quosdam acerbior in conuiitiis narrabatur, vt bonis comis, ita aduersus malos iniucundus: cæterum ex iracundia nihil supererat secretum, & silentium eius non timeres, honestius putabat offendere quam odisse. Sic vides ex Agricola Tacitum nobis suppeditare contra te ipsum potius non con-

N iij

192 CÆS. BARONII TRACT.
tranos argumentum. De Salustio quod
mittis & ego dimitto, dicturus paulo
post vna tecum de ipso. Addis vero.

XVI. QUID DE SENECA DICAM? &c. vsque
ad SEVERITAS AVTHORITATEM. Non
repugno, sed quid contra nos? Pro tem-
poris rerum quæ ratione seueritate uti-
mur parcius quam medici utantur hel-
leboro, licet stultorum infinitus sit nu-
merus, sed dictum tunc Senecæ oppor-
tunum: nam ad clementiam Neronem
truculentum instituit: alijs vero utitur
regulis, & ab his diuersis, cum Lucil-
lium animo roborans instruit, quem &
omni timore liberans fortē reddit, ad-
uersus quoscūque principes aduersantes.

XVII. DEMYM VERO INQUIS ALIIS OMISSIS
&c. vsq. ad CRVDELITAS APPELLATVR.
QVOD SI CVIQUE OBSERVANDVM, NO-
BIS CERTE IN HAC MAXIMA ET ECCLE-
SIASTICA DIGNITATE SVMMÆ PRO-
XIMA CONSTITVTIS. Sed ista quæ
ex Cæsaris oratione Sallustius ait, Cato
dicendo penitus confutauit, alij & se-
natus in Catonis sententiam, seuerita-
tem præponendo clementiæ, cui & ipse
historicus magis fauit. Verum ista pro

causa nostra dicta, factaque non curo,
 quamuis libratum sit æquissima lance
 iudicium. De iracundia autem peni-
 tus propulsanda quod ex Sallustio as-
 seris & antea ex Cicerone. Num hoc
 contendis, ut iracundia sit à nobis pe-
 nitus proscribenda? id totum conatur
 suadere cum Cicerone Sallustius. At
 faciant nos cautos aliena pericula,
 Origenes qui indolentiam ex Stoicis
 conatus est inferre in Ecclesiam, exu-
 lauit ipse ab Ecclesia, & apertum reli-
 quit ostium hæresi Pelagianæ. Absit
 Christiano homini, ut sicut Stoicus o-
 mnem iram malam esse contendat, at-
 que condemnet: quin potius Eccle-
 siasten monentem audiat ^a *Melior est* ^{a c. 7.}
ira risu, atque Esayam dicentem. ^b *In-* ^{b c. 63.}
dignatio mea auxiliata est mihi. Nec non
 id ipsum præcipientem Psalmistam ^c *Psal. 4.*
Iraſcimini, & nolite peccare, quod uti
 præclare dictum intulit Paulus in Ec-
 clesiam Christi, eadem verba Davidis
 repetens, dum docet Ephesios dicens:
^d *Iraſcimini, & nolite peccare, Sol non occi-*
dat super iracundiam vestram. Inſita est à ^d *Ephes. 4.*
 natura, ipso namque Deo, homini pas-

c Proverb.
20.

f Math. 5.

fio ista, ad propulsanda quæque obuiã-
tia mala, proficua admodum, cū mala
vndique ingruant. Hinc illud Prouer-
biorum. *c Rex qui sedet in solio iudicij dis-*
sipat omne malum intuitu suo, ad iracundiã
cōparato, vetus addit interpret. Quod
“ autem illud quod est natura bene
“ infitum, malo vsu sæpe corrūpitur,
“ nimirum cum admiscetur venenum
“ antidoto, odium iræ. Hinc iure do-
minus noster reuocat ad iudicium ho-
minem Christianum qui irascitur fra-
tri suo, non quidem absolute irasci,
sed male irasci, addens iræ pecca-
tum. Hæc est doctrina quæ do-
cetur & discitur in schola Christi: ex
qua piè sancteque irascantur præsules
Ecclesiarum cum laicorum potentia
percelluntur, suisque iuribus exuun-
tur, atque bonis cum libertate priuan-
tur; pro quibus defendendis piè san-
cteque sanguinem fundant, vitamque
profundant. QVOD SI CUIQVAM OB-
SERVANDVM (reciproco verba tua)
NOBIS CERTE IN HAC MAXIMA ECCLE-
SIASTICA DIGNITATE, SVMMÆ PRO-
XIMA CONSTITVTIS. Sed quæ his sub-

DE MONARC. SICILIÆ. 195
iicis videamus.

NON ME INQUIS FVGIT INTERDVM XVIII.
&c. vsque ad OPINIONE PERMISSO.
Hæc tu. Sed iam in longa hac confi-
tatione respiro, cum tua hac vna sen-
tentia cuncta superius contra me co-
agmentata destruis, dissipas, penitusq.
disperdis, dum non negas, pro bono
Ecclesiæ iniuste substracto, iuste quæ-
piam succensere, & quidem hæc tu ex
Catholicæ fidei regulis ab Ecclesia
sancta repertis, quæ piè sancteque co-
lit S. Thomam Cantuariensem Ar-
chiepiscopum eadem causa martyrio
coronatum. Verum quod excusas &
excludis me ab istiusmodi glorioso
genere pugnæ, atq. corona, eo quod,
etsi agatur à nobis, pro vindicandis
Ecclesiæ bonis, illa tamen possideri
iterum dicis à Rege, PERMITTENTE EO,
CVIVS INTEREST, ROMANO PONTIFICE:
cum iam eiusmodi exceptio tua vana
prorsus sit superius demonstrata, atq.
penitus falsa testificatione plusquam
mille testium declarata: necessariò ex
proposita abs te verissima assumptio-
ne est deducendum, nos pro iuribus

sanctæ Ecclesiæ vindicandis exemplo
sanctorum gloriosissimè eo dicendi
genere sicut iustissime laborasse.

Pergis vero.

XIX.

IN REGEM DISSERITVR A MAIORIBVS
SANCTISSIMIS ET QVAM MAXIME CA-
THOLICIS ORTVM, & quæ sequuntur
abs te iustissime sicut locupletissime
prædicata: sed finite & parcite loquēti
libere. Quid in regem differi, quasi
immensum piaculum damnas? impec-
cabilis sit Rex, fac eum Angelum, cō-
stitue (si licet dicere) & ipsum Deum:
non tamen iure efficere poteris, quin
iustæ redargutioni seipsum subijcere
debeat, dicente ipso Deo, & prouo-
cante ad hoc ipsum populum, cum iu-
stitiam fecerit: *a Venite & arguite me.*
Licet Ieremias iustæ causæ suscipiens
patrocinium Deum ipsum iudicio in-
terpellare non timuit dicens. *b Iustus*
es Domine, veruntamen iusta loquar ad te,
& quæ sequuntur. Hæc quidem cum
velimus regem esse sanctissimum. At
quid si quilibet Rex (quod fert hu-
mana conditio) publicè peccet? Nū-
quid adeo grande malum erit (quod

a Esa. 1.

b. Ier. 2

N ij

tu æstimare videris) si per sacerdotem differatur in Regem? An nescis sententia Domini maximè omnium infamari peccantem regem silentio sacerdotum ita dicente ad Ezechielem? *Linguam tuā adherere faciam palato tuo, & eris mutus, nec quasi vir obiurgans, sed quasi exasperās &c.* Ut plane Deum exasperans, Deoque esse rebellis in profundum lapsus iniquitatum infelix ille quisquis fuerit rex conuincatur esse, qui obiurgantem habere non meruerit. Quid igitur iactas: IN REGEM DISSERITVR? At his tu mihi inuidiam facis, concitans in me regem quem impellere posses, nisi eum solidiorem, nec facile mobilem redderet constantiæ virtus, firmaret pedibus ne labatur insitus animo iustitię cultus, & super omnia timor Dei, qui solus, qui dominanti imperat imperiosissime cohiberet. At nihil profuit ipso disputationis ingressu; contestatum esse verbis Ambrosij ad Theodos. me non contra regem, sed pro Rege rem tantam aggređi, sicuti res vera, causam Regum agere, pro Regibus laborare, Reges tueri, certum est sacerdotes qui surrep-

tionibus, deceptionibus, & adulationibus plurimorum, quibus nolentes & inuiti expositi sunt præcunctis hominibus, ne decipi possent, occurrunt, vel deceptis succurrunt, ne apud terrificū tribunal Dei conuenti, rei damnationis æternæ succumbant: sacerdotum præcipue munus hoc est, ista Regibus annunciare; Regum est, eos nedum patienter, sed & libenter audire. Audi S. Ambros. de his apud Theodosiū Imp. differentem: Neque imperiale est inquit libertatem dicendi denegare, neque sacerdotale quod sentiat nō dicere: Nihil enim in vobis imperatoribus tā populare, & tam amabile est, quam libertatem etiam in ijs diligere, qui obsequio militiæ vobis subditi sunt. Si quidem hoc interest inter bonos & malos principes, quod boni libertatem amant; seruitutem improbi. Nihil etiam in sacerdote tam periculosum apud Deum; tam turpe apud homines, quam quod sentiat non libere denuntiare. Hæc Ambrosius, qui & ubi ista diuinę scripturę sententijs communiuit, coronidē imponit huiusmodi. Et ideo Clemen-

Ambros. Epist. 29.

tia tuæ displicere debet sacerdotis silentium, libertas placere. Nam silentij mei periculo inuolueris, libertatis bono iuuaris. Non ergo importunus indebitis me interfero, alienis ingero, sed debitis obtempero, mandatis Dei nostri obedio. Hæc & alia idem. S. Ambrosius, sternens confragosam viam sacerdotibus reges adeundi, atque intrepide tanquam legatione fungens pro Christo veritatem insinuandi.

XX.

Tu vero, vt inaccessibilem facias ad Regem viam, sepis eam tanta cum energia, timorem incutiens ac dicens: IN REGEM DISSERITVR. Sed his succisis Apostolica falce, aperit viam ad regem Paulus cum ait: ^{a. Rôm. 13} Vis non timere potestatem? Bonum fac, & habebis laudem ex illa: Dei enim minister est, tibi in bonum, si male feceris time: non enim sine causa gladium portat. Militabit ergo mihi si bonus ero Rex Catholicus & gladius eius contra mala obuiantia exeretur pro me iam Apostolica spon-
sione securo. Sin secus acciderit, nec
timendum quidem, gaudendum ma-
gis dicente eodem Ambrosio: felicitus

*In obitu
valent. im-
per.*

Episcopos persequantur imperatores, quam diligant. Nam ex persecutione corona conciliatur illis, ex dilectione pericula præparantur. Stet igitur ex præmissis firma conclusio. Quod ego Dei mandato exigente, meo officio postulante, Romani Pontificis iussione accedente, impellente causa, consulturus Regis æternæ saluti differui de Monarchia, non contra Regem id à me factum, sed pro Rege perfectum esse Ambrosij firma sententia comprobaui, cui tu cedens, rem tua amplitudine dignam facies: recedens solus eris, cum pij omnes dicturi sint magis Ambrosio quam tibi deferendum.

XXI. SED DICES (inquis) QUÆNAM SVNT ISTA QUÆ & C. vsque ad CAPVT ECCLESIAE DVRA ais NIMIS ET ACERBA VIDENTVR, VT CUIVS IN VNA POTENTIA ET MAXIMA IN DEVM PIETATE ICLESIA VNIVERSA INNIXA CONQUIESCIT, IS TANDEM MONSTRVM DICATVR ET OSTENTVM. Ad tam monstruosam & portentosam calumniam auditus exhorruit, & animo ipse consternatus expallui; expertus quam potenter

tēter feriat tāti roboris brachio vibra-
tū calūniæ telū, dicēte Ecclesiaste.^a *Ca-*
lūnia cōturbat sapientē, & perdet robur cor ^a Eccles. 5.
illius. Hæc tu ipse cum dicis, vide quo-
modo ex assumptione præmissa dedu-
cas. Dixi & utique aërem verberans, sed
ex præscripto Catholicæ fidei, ex Sym-
bolo ipso Nicæno, quo canimus, *Et v-*
nam sanctam catholicam & Apostolicam
Ecclesiam, vnam esse tantummodo in
Ecclesia Catholica Monarchiā, audiri
modo inauditum hætenus, duas in Ec-
clesia Monarchias, Romæ nimirum al-
teram, alteram in Sicilia, duoque capi-
ta esse oborta, hoc haberi pro monstro
atque ostento. At hoc fidelius nihil dici
potuit, nimirum asserere vnam tantum
esse in Ecclesia Monarchiam. Quod cū
sit Catholicæ fidei, nihil potest iustius
affirmari, quod sit ex omnium Patrum
sententia comprobatum, nihil hoc di-
gnius, cum pro hac veritate quique fi-
deles teneantur securi colla submitte-
re: At vero ut ex hac ignominia regnū
liberarem atque regem, inferius eadem
pagina obnixè laborans ostendi, non
alteram dicendam eam esse Monarchiā

ab vnica Catholicæ Ecclesiæ Monarchia, sed vni subiectam, vniq. subalternatam hanc quam dicunt Siculam Monarchiam, vt omnino improprie, eo dicatur nomine Monarchia, quod à ministris inuentum constat, cum in Priuilegio Vrbanì, nunquam eius nominis vsurpadi, cōcessa licētia habeatur, prout in ea tractatione monstrauì. Vbi locorum rex à nobis vocatus reperitur in crimen? Laborans ego tanto p̄pere, ne eiusmodi de nomine vsurpato ignominia super regnum & regem cadat, calumniam patior, tantum Regem ostentum à me esse dictum ac monstrum, cum nec nomen ab eo dixerim inuentum, nec eo sensu acceptum possideri ab eo titulum Monarchiæ, vt ostentum possit aliquo pacto dici vel monstrum. Appello omnium legentium ea iudicium, vera ne sint ista, vt non vnus sed alterius lectoris, sed omnium sententia vindicet à tam immani & plane portētoſa in me illata calumnia. Compello demum Prudentiam tuam an non quid eximium de Rege senserim? quibus meritis laudibus prædicandum, glorio-

sis titulis illustrandum, præconijs debi-
 tis celebrandum duxerim? Nonne satis
 abunde hæc & alia complura eadē tra-
 ctatione testata mea spontanea profes-
 sione reliqui? Qui locus esse potuit exi-
 stimationi alicuius ex falsa assumptione
 deductæ, vbi authoris confessio, & pro-
 fessio, testificatio & assertio omnino
 contraria habetur ijsdem chartis, litte-
 ris cubitalibus (vt ita dixerim) exarata?
 Cum ipsius exordio tractationis his
 honorificentissimis titulis exornaueri-
 mus eundem regem Philippum III. di-
 centes, ipsum veritatis amantissimum,
 iustitiæ obseruandissimum, & in omni-
 bus animo tranquillissimum, & paulo
 inferius, veritatis vltorē, iustitiæ recto-
 rem, religionis custodem, & defensorē
 pariter nominauimus, & ad postremū,
 eodem quo cœpta est, telam auro texē-
 tes & perfici cupientes, eundem nomi-
 nauimus nostrum Zorobabelem, pie-
 tate insignem, omnium virtutum corō-
 na fulgentem? Hæc nos; & haud intrepidè;
 magnopere verentes, ne potius
 adulatores argueremur ab aliquo, quod
 fecerimus contra illud Apostolicum ^b

b1. *Theff. 2* Non quasi hominibus placentes, sed Deo qui probat corda nostra, neque aliquando fuimus in sermone adulationis, probe scientes obscurari potius quàm illustrari regum gloriam adulationum pigmentis. At vitauimus de adulatione reprehensionem, quod vix cogitasse potuimus, sed nequaquam (quod nunquam existimassemus) de maledicentia in regem potuimus vitasse calumnias, quæ ex sui immensitate tantum manifestè ostenduntur esse falsissimæ, sed præterijt te (vt video) illud Iacobi Apostoli dicentis.

Iacob. 3. Nunquid fons de eodem foramine emanat dulcem & amaram aquam? Nam quomodo ex eodem fonte cum nectare acornicum? Sed ad aliam hac non minorem contra me conflatam calumniam veniamus. Pergis autem.

XXII. NEC HORVM DISSIMILIA QUÆ NON &c. vsque ad NOMEN VSRPATVM QVO FIT (tu male deducis) VT REX HISPANIAE TYRANNIS ET ECCLESIAE HOSTIBVS DETERIOR SIT. At quam rursus falsissima ista sit inductio videamus; Sane verum, neminem antiquorum Siciliæ tyrannorum qui ab obedientia

Romanæ Ecclesiæ resiliunt, & eam sunt acerbissime persecuti, vnquam se nominauisse publicis titulis Monarchas Sicilię; Hoc inquam verum, certum & exploratum est. Sed non verum quod male sic inferis ex mea sententia: Quod Rex Catholicus qui hodie regnat & Monarcha Siciliæ nominatur, deterior sit tyrannis illis: Ne tu dicas quod non dixi, nec dicturus essem aliquando, imo quod nec ego nec aliquis dicere poterit. Si quidem non ipse rex eius nominis est inuentor, sed haud dico ante inuenti iusta hæreditate possessor bonæ fidei eius tituli, vt superius à me pluribus dictum est, adeo vt nulla ex parte sit cum illis perditissimis comparandus. Iam facillime tanta hac diluta calūnia ad sequentem deueniamus.

Paginam nostram signans 662. ex **XXIII.** meis hisce verbis. **ABSIT, ABSIT LONGE VT MONARCHIAE ILLIVS &c. vsque ad SEDIS.** Quæ nostra verba cum te vehementer offendisse testeris, quod dixerim in contumeliam Dei & Apostolicæ sedis erectam, nescio quomodo defendere & excusare potes citra Dei cō-

tumeliam, & opprobrium Apostolicæ sedis trahi miseros clericos ad curiam secularem, appellationibus ad sedem Apostolicam non deferri, & alia innumera in ea tractatione narrata quæ hic minime repetenda putamus: quæ melius & prudentius tu considera an in contumeliam Dei vertantur, & opprobrium Apostolicæ sedis. Doleo te frater ista non dolere, sed magis te velle ita scribendo defendere, quæ ne fierent viri sanctissimi summa gloria subiere martyrium.

XXIV. Ad paginam prouenis 683. 684. quibus ego quam iustissime declamo aduersus corruptorem litterarum Urbani Papæ, quem dignum dixi vt in eū lege Cornelia, qua plectuntur falsarij ageretur, sic in nebulonem exclamans. O fraudem solemnem Cornelia lege plectendam, quam non timuit, in quam peccauit, qui ista adeo enormia ad conciliandam sibi Principum gratiam perpetravit! Hæc à me declamata in falsarium pessimum hominem, quod in gratiam principum nefanda adeo perpetravit, tu in eum mox sensum detor-

DE MONARC. SICILIÆ. 207
ques, ac si regem ipsum Catholicum
Philippum III. tāta ignominia asperge-
re voluissē, in me illud inclamans:
QVID TIBI ECCLESIASTICO VIRO PRIN-
CIPEM CORRIPIENTI CVM LEGE COR-
NELIA COMMVNE? Et quæ sequuntur
inferius disquirenda. At vnde tibi (di-
xerim ego) diuination ista, vt cum de
principum gratia, eo facinore ab homi-
ne scelestissimo aucupata verbā feci,
me ea in Regem hodie regnantem ef-
futiisse proclames? At quomodo potui
vel in leuissimam suspensionem adduce-
re nostrum regem, qui nondum natus,
vel si natus, certe degebat in cunis, cū
in Hispania ille cuius est liber (vt appa-
ret ex eo vt dixi ibidem) anno salutis
1578? hæc si exacte considerasses haud
certe tanta me calumnia aspersisses, at-
que inuestiua exagitaresses, qua primum
& me redarguis imperitiæ, dicens.

HÆC NE PRÆCEPTA HISTORIÆ? Et XXV.
paulo post. EQVIDEM ID OMNE AB HI-
STORICO QVAM MAXIME ALIENVM
PVTO: & inferius rursus ingeris me scri-
bendæ historiæ numeros non expleffe;
cum videlicet interdum rem increpa-

tionibus egerim, vt potius scribendarū reprehensionum quam historię munus susceperim. Me miserum, cum post editionem vndecim tomorum Annalium arguor scribendę historię imperitiā! Quasi frustra laborauerim, & cucurre- rim in incertum, aërem pugnando ver- berans, post confossos stylo nostro, sed digito Dei ducto Cētimanos Briareos, Ecclesiam Catholicam acerbissime in- festantes ac dissipantes, Centuriatores vulgo dictos, eosdemque cum ignomi- nia sepultos, tanta ista patior, & à fratre? Sed ista tu faciens, omnes contra te cō- citas Orthodoxos, qui summa laude eosdem prosequuntur Annales. At nō sumus huiusmodi, vt egeamus litteris commendatitiis, cum etsi alia deessent, satis superque ista videri possint signa haud dubia bene perfuncti nobis adeo crediti Apostolatus. Sed quod parcē de se, suisque rebus loquendum sit, parco, vltcrius non procedo. Et si ista memo- rans insipiēs factus sum, vos me coegi- stis. At me potius felicissimū dixerim, quod ista obiiciantur me viuente, qui valeam tanta me calumnia liberare, ob-

signatamque relinquere testibus fidelissimis nostram Annalium scriptionē, ad omnes recte scribendę historię præscriptas à viris doctissimis regulas attēperatam. Qui primus antiquorum ista docuit, magna cum laude in eo est argumēto versatus, sed in cæteris impius, fuit Lucianus Samosatenus, qui commentarium edidit cuius est titulus: Quomodo historia scribenda sit, laudatissimum opus! Cuius (quod ad rem spectat de qua inter nos vertitur controuersia) velim aliqua hic perscripta perlegas atque primum: Maxime autē inquit & ante omnia historicus libero animo sit, vt neque metuat quenquam, neque ab vlllo speret quicquam, quoniā similis hoc pacto foret malis iudicibus, qui vel ad gratiam, vel ad odium accepta mercede sentētiā ferunt. Et postquam plura de non timendis regibus, cum quid in eos dicendum sit, sapiēter inculcauit: & ad id rediens subdit. Proinde historici opus vnum est, vt quæcunque perinde atque facta sunt exponat. Hoc autem facere non potuerit, donec vel Artaxerxen metuerit: Et

paulo post rursus ingerens addit. Verum hoc, ut dixi, proprium historiæ est. At solum immolandum veritati ei qui ad historiam scribendam accedit, cætera vero omnia postponenda; & in summa; vlna vna & mensura certa est, aspicere non ad presentes auditores, sed ad eos qui in posterum in his scriptis versabuntur: Et ad postremum: Talis igitur mihi sit historicus ille ut metu careat, nullis muneribus corrumpatur, & liber sit, & dicendi libertatem ac veritatem amet, quemadmodum Comicus ille ait: Ficus, ficus, ligonem, ligonem nomet, non odio neque amicitia quicquam tribuens, non parcens; neque miserascens aut erubescens, aut exorare se facile patiens. Huc usque Lucianus, & sane quidem Christianæ religioni magnopere consentientia. Eadem apud Latinos Cicero ^a hæc breuiter. Ne historicus quid falsi dicere audeat, deinde ne quid veri non audeat. Quibus munitus ut de se testatur ipse Sallustius ^b aggressus est historias scribere, quod inquit ipse metu partibus Reipub. animus liber erat: quem quidem mihi sca-

^a De Oratore.

^b Proem. Catilin.

DE MONARC. SICILIÆ. 211
pum collimādum ab ipso exordio scri-
bendæ historiæ suscepi, adeo vt nec la-
tum vnguem ab eo aliquādo diuertisse
meminerim, maximum ducens sacrile-
gium, vt Christianus homo, eius, quam
in primis colere debet veritatis, prodi-
tor sit, quam solam spectandam Ethnici
authores tantopere prædicarunt. Acce-
pisti propositum meum, quot versibus,
totà me in Annalibus declaratum ex-
emplis.

Iam vero ea diluenda est obiectio XXVI.
abs te illata, quod putas contra historiæ
regulas agi, cum à nobis, raræ licet &
breuiores reprehensiones intermiscen-
tur, vt cum modo in falsarium, ea quæ
reprehēdis obiter dixi, quod existimes
nullam omnino esse relictam Historico
reprehēdi auctoritatem. Prouoco
te ad huius facultatis peritissimos ab
omnibus receptos, & in primis ad eum
quem diximus, Lucianum, qui absque
aliqua controuersia, laudationes & re-
prehensiones intermiscendas ab histo-
rico esse docet, sed mensura sua; Ait
enim: Laudes quidem aut reprehen-
siones omnino parcè & circumspectæ,

& calumniis minime obnoxia. Præterea & cum demonstratione quadam & breues, & non intempestiuæ texendæ sunt: ad quam quidem mensuram, reprehensionem hanc meam dictam in falsarium esse reperiet quisque prudens veritatis amator, quem in omnibus cupio iudicem rerum nostrarum. Accipe & de his Sallustij testimonium, qui quidem in eodem maxime claruit scribendi genere; in præmio enim quod præfixit suæ historiæ de coniuratione Catilinæ hæc habet. Arduum videtur res gestas scribere; Primum quod factis dicta sunt exequenda, dehinc quia plerique delicta reprehenderis, maleuolentia & inuidia dicta putant. Hæc ipse, reprehensione plane totidem verbis exprimens casum hunc meum, cuius causa abs te redarguor imperitiæ, quam autem iuste tu vides. Exulare tantum ab historia monent veteres prolixa encomia, non laudes mediocres, longiores inuestiuas, non leues reprehensiones, ut digna reprehensione ipse orator ^c non caruerit, qui ab historico omnem dicendi amouet asperitatem, & refecat dictionis

^cCic. 2. de
Orat.

aculeos. Nam si est concessa reprehensio, ipsa quidem sui natura, aspera, armata semper aculeis inuenitur, sed ipsum in cæteris laudatum Ciceronem, scribentem historiam reprehendit Dio, ^{2 Hist. l. 46.} atque derisit vehementer opus, quod lectione minime dignum periit cum auctore. Hæc tibi ad exactam rerum nostrarum rationem percipiendam attulimus, cum alioqui in his quæ spectant ad tractationem illam de Monarchia, quam solam impugnandam suscepisti, licuisset in defensionem scriptorum meorum, ne redargui possemus eius facultatis indocti, illud in excusationem afferre: Ex mandato summi Pontificis iubentis tractationem illam plenissime scribi: eam iudiciali Schemate in controuersiarum modum prosequi, necesse fuisse, atque ita stylum ad historiâ scribendam aptatum, ad iudiciale dicendi genus acuminasse, ita ut non nihil ab instituto diuertere opus fuerit, nam & præter institutum factum vides, ut qui per annos singulos res gestas scribendas suscepi, ibi oportuerit plurimum sæculorum annos simul coniungere, quod id à

214 CÆS. BARONII TRACT.
me exigeret opus Pōtificia autoritate
commiffum, alia ab hiftoria, diuerfaq.
ratione tractandum.

XXVII Sed reliqua profequamur. HÆC TIBI
(inquis) SANCTÆ SEDIS MODESTIAM, ET
ECCLESIASTICI IMPERII &c. Exaggerās
tantopere ac credinem ftyli à me in falfa-
rium illum exhibitam, cum nulla velis
occafione orationem ab vrbauitatis
lepore, fuauitatis dulcedine, lenitatis
facilitate; quauis occafione poffe rece-
dere. At non te latet ex fententia Cice-
ronis & b aliorum, hiftoricum non alia
voce nifi orationis, immortalitati fuam
hiftoriam commendare? Porrò bene
nofti apud Rhetores inter alios effe
locum feu figurā in oratione formāda,
quæ contentio dicitur, & fic definitur.
c Lib. 4. ad c Contentio eft oratio acris & ad con-
Heven. futandum, & ad confirmandum accō-
modata, eademque alio modo indigna-
tio dicta, locuples in multitudine argu-
mentorum, quindecim fub fe continēs
loca, vnde fpicula reprehēfionum edu-
cat. S. autem Auguft. ex noftris in
d Lib. 4. c. Comment. de doctrina Chriftiana d
19. & 24. grande hoc nominat dicendi genus,

idemque docet quid à nobis sit adhibendum his verbis: Cum vero aliquid agendum est, & ad eos loquimur qui hoc agere debent, nec tamen volunt, tunc ea quæ magna sunt, dicenda sunt granditer, & ad flectendos animos congruenter. Et inferius alium docet casû, quo eiusmodi vti grâdi dicendi genere sit opportunum, cum videlicet aliqua inoleta praua consuetudo sit radicitus euellenda, quod bene cessisse sibi ipsi testatur, cum Cæsareæ Mauritanix ad id præstandum eodem vtendum fuerit grandi dicendi genere. Modo causam nostram ad examen reuoca perfectæ oratorix dictionis. Quis neget nos in vtroque versari casu; siue quod res magni momenti tractanda fuit cum Regiis ministris, qui quod agere deberent, hoc tamen nollent, vt per plurima annorû curricula; innumera exempla decursa significât, & hætenus in dies perspicua luce demonstrant, siue quod altioribus defixam radicibus prauam consuetudinem, cui resistunt Canones, decreta Pontificum, Patrum sententiæ, Sanctorû exempla euellendam ex mandato sus-

cepimus? Cui non parendum, Augustino tam exacte nobis dicendi regulam præscribenti, vel alijs, aliud sentiētibus, prudentium sit iudicium: Cum alioqui & de his antiquiorem habemus ab Apostolo præscriptam præsulibus dicendi formam, cum nimirum Paulus Timotheum, nuper à se ordinatum Episcopum sic informat. ^{c. 1. Tim. 4.} Prædica verbum, instat opportune, importune argue, obsecra, increpa. Quanta autē in his aculeorum seges, vrbauitatis raritas insit, tu considera: Nam primum, importunitas figit aculeos, redargutio premit eosdem, & increpatio iterat ipsos: at vero vrbauitati solum datur quod dicitur, obsecra, vt nulla possit in me iusta querela de instituta atque contexta (vt ais) aculeis oratione; quam totam velis esse mellitam. Sed non culpæ cedit verbi Dei ministro, si melle fortè careat, quod offerri in sacrificio Deus vetuit, longe maior esset eidem ascribenda culpa, si sale deficeret, cuius non mulcet dulcedo, sed rodit mordacitas: quod oporteat sēper adesse, cū ipsū iubeatur sacerdos in omni sacrificio adhibere:

Post-

Posthæc subiicis. EQVIDEM (inquis)

ID OMNE ET AB HISTORICO & c. vsque XXVIII.
 ad ALIENVM PVTO. Hæc tu in his
 quæ ad munus optime scribendæ histo-
 riæ pertinent. Quod autem maxime
 alienum putas (vt ais) ab homine pio &
 religioso qui ad hunc Cardinalatus gra-
 dum euectus sit, libertate hac vti dicen-
 di in corruptorem diplomatis Pontifi-
 cij, satis digne mirari non possum: ex-
 cuso tamen quod non perceperis senten-
 tiam verborum meorum, quæ dicta in
 nequissimum hominem, iactata in Re-
 gem male interpretaris. Cæterum illud
 sic habeto, mihi pro minimo esse, si stilo
 tantum, vel verbis agam aduersus
 quoscunque tuendo Ecclesiæ iura, &
 oppressam vindicando Ecclesiasticam
 libertatem, paratus diuino auxilio de-
 fendere eadem voce sanguinis subli-
 mius ad Deum clamantis, quod non
 puto dixeris alienum, sed maxime con-
 gruum viro ad tam sublimem apicem
 dignitatis euecto, qui animo erectus,
 omni timore superior, cum Apostolo
 dicat: *Quamdiu sum Gentium Apostolus,*
ministerium meum honorificabo, & immo-

a Rom. II.

ta constantia cum eodem item dicat & sentiat b *Bonum est mihi magis mori, quam*

b1. Cor. 9. *ut gloriam meam quis euacuet. Ista exemplis sanctorum, & verbis prædicans, & digna actione confirmans.*

XXIX. Quod inferius nostra condemnas, differentiam ponis inter priores institutores monarchiæ, & præsentem Regem eius possessorem, quod illi inuitis Romanis Pontificibus & contradicentibus egerint, isti recentiores permittentibus illis possideant illam; Quam falsissimū sit satis superque demonstratum superius cap. 6. ad quæ te ipsum reuoco, pro uocoque lectorem. Ex quibus necessario eorruant quæcunque hic siue superius, siue inferius eodē vano fulcimēto nituntur.

XXX. Adijcis ad hæc dicens, quod VIX CREDI POTEST QUANTVM EX HIS NOSTRIS, REGIVS ANIMVS IRRITETVR. Sed absit, ut hoc tibi concedam, credamque sacerdote monente, & quodammodo ex persona Pontificis ea iubentis legatione fungente, irritari (ut ais) ne dum commoueri Serenissimi Regis animū. Haud leuem quidem tantæ maiestati

notam inuris, dum ita moribus comparatam affirmas, vt quę suę sunt salutis, siue vera sint, siue prætenfa, sacerdotem monentem animo adeo perturbato suscipiat, immo irritatus eiiciat. Nunquid non Regi notissimum est illud Euangelij. *Qui vos audit me audit, qui vos spernit me spernit.* c. Luc. 10. Qui legatos hostiũ (quod iuris gentium sit) benignè audit, & custoditos illęsosque dimittit: non audiet pacato animo S. R. E. Cardinalem, pacis legatione fungentem, salutis nuncium afferentem? Audiendus quicunque; Nam & eo exemplo Rex cautior reddi debet, quod qui plurium sententia reputatus est dñstus legatus atq. d. 4. Reg. 9. nuncius rerum falsarum, fuerit tamen inuentus afferre regnum Iehu filio Iosaphat ab Elisæo. Magno namque periculo sacerdos monens ei jicitur à Principe audire nolente. Nam sanctus Ambros. *ad Theodos. Imper.* Si indignus sum qui à te audiar, indignus sum qui pro te offeram, non recipiente Deo eiusmodi sacrificium. Cuius etiam institui mur exemplo atque doctrina, quid irato regi vel potius ministris eiusmodi

f *Epist.* 33.g *Matt.* 22.

prætextu iuræ Regis, compescere dicendi libertatem curantibus, respondere debeamus. ^f Allegatur (inquit ipse scribēs ad Marcellinam sororem quæ accidissent.) Allegatur Imperatori licere omnia, ipsius esse vniuersa. Respondeo, Noli te grauare Imperator, vt putes te in ea quæ diuina sunt, imperiale aliquod ius habere. Noli te extollere si vis diutius imperare, esto Deo subditus: scriptum est g *Quæ Dei Deo, quæ Cæsaris Cæsari*. vi. Ad Imperatorem palatia pertinent: ad sacerdotem ecclesiæ: publicorum tibi mœnium ius cōmissum est non sacrorum. Hæc ipse. Vides quales tu prouoces Christianæ militiæ duces agere pro Ecclesiæ iurium defensione aduersus Siculam Monarchiam.

XXXI.

Perorando autem abs te ista dicuntur. NEQVE ENIM MINORA POSSVNT &c. vsque ad INVENISSE QVAM DICERES: vtcunq. pro arbitrio dixeris pari stylo, & orationis libertate contra me à te dictum, certe nunquam gloriari poteris, pari causa abs te factum, immo in contraria nsum. Ego quidem id præstiti, quod præstari solitum nouimus à viris

Sanctissimis Catholicæ Ecclesiæ defensoribus, quorum cultum solennibus ritibus Ecclesia ipsa prosequitur. Præstiti inquam animo non inuito miseratus infelicissimum Ecclesiæ statum, & meæ memor conditionis atque iuratę promissionis, quam cum in amplissimam cooptatus sum dignitatem, ex scripto sacræ formulæ recitato, terribili iuramento, cuius tantum memoria animus horret, & occupat membra tremor, spopondi (quod tu diu ante me feceras) pro conseruandis Ecclesiæ iuribus illibatis, certaturum ad obitum vsque: & memoria retinens, quod neque alia cõditione vocatus ad pileum, nisi vt huiusmodi purpurei coloris insignibus, ad martyrium meum scirem pro Ecclesiastica libertate tuenda, cæterisq. Ecclesiæ iuribus defendendis esse sanguinem oppigneratum. Quod si quãdo à nobis ista præstanda sunt: sane quidẽ magna urgẽte necessitate; importunius id à nobis præsens tempus exigit, de quò sit dicendum cum Amos: ^a *Tempus malum est.* Imo & cum Michea. ^b *Tempus pessimum est.* Quis memoret inferentiũ

se in urbem quotidie frequentem nunciorum lugentium Episcoporum concursum, deferentium ad sanctam matrem (ad cuius gremium vnica spes reliqua, atque perfugium) Romanam Ecclesiam, Apostolicam sedem, casus lugubres, auditu horribiles, de ijs quæ miseri Episcopi pati coguntur à secularibus potestatibus? Probe norunt ista fratres nostri, qui in his audiendis iugiter occupantur, de quibus illud appositè ^c *Ecce gemunt Gigantes sub aquis, & qui habitant cum eis*, dum tot, tantisque negotiorum fluctibus operiuntur; sed & qui clauum tenet, Petri successor ad ista animi angore vehementiori comprimitur, sed non atteritur, assurgens quantum licet contra tot aduersa robustior. An ego solus auditurus eram absque profectu iactata cum dedecore opprobria exprobrantium Prophetarum? vt illud Ezechielis. ^d *Quasi Vulpes in desertis Propheta tui Israël. Non ascendisti ex aduerso, nec opposuisti murum pro domo Israel vt staretis in prælio in die Domini, siue Isaia.* ^e *Speculatores tui cæci, omnes canes muti non valentes latrare, & clamantis Amos.* ^f *Va*

^c *Iob. 16.*
^d *Ezech. 13.*
^e *Isa. 56.*
^f *Amos. 6.*

qui opulenti estis in Sion, egredientes pompaticè domum Israel, qui separati estis in diem malum, & appropinquatis folio iniquitatis. Atque alia plura his addita repleta cōminationibus cū exprobratione, Quod nihil compatiiebantur super contritione Ioseph? Anne ego inquam non expergiscerer tot clamoribus Prophetarum, nō excitarer Prophetica tuba Ioelis illud bellicum intonantis. g Sanctificate bellum, suscite robustos, accedant, ascendāt omnes viri bellatores. Concidite aratra vestra in gladios, ligones vestros in lanceas, infirmus dicat quia fortis sum. Ego ipse infirmus ille, Sed omnia possum in eo qui me confortat, h qui & cum infirmior tunc & potēs h Phil. 4. i 2. Cor. 12. Exurrexi in prælium à Deo sanctificatum, exemplis Sanctissimorum virorum honestatum, sacerdotumque tubis annunciatum. Exurrexi inquam, sed non progressus sine consilio, vt sacerdotes illi qui periisse narratur. k Dum voluerunt fortiter facere sine consilio exeuntes in prælium? Consiliarius mihi fuit qui & suasor, qui & impulsor, excitator & iussor sanctæ memoriæ sanctissimus Papa Clemens. l In his si voluero gloriari, l 1. Cor. 11.

non ero insipiens: Veritatē enim dico, Quod causa digna digne gloriandi tanta præcesserit. Tu autem cum gloriaris, quod pari stilo & libertate egeris contra me, Romanæ Ecclesiæ iura tuentem, vide

in 1. Cor. 5.

monente Apostolo, ^mSit ne bona gloria tua vestra, vel ad te perueniat, te perstringat, quod ex postulans Christus ait.

n Luc. 12.

n Qui non est mecum dispergit. Maximum plane de super imminet in his peccasse periculum, quod vtiliter cum vitæ dispēdio fuerit redimendum, Adesse Domine frater, festinant tempora, cum stabimus ante tribunal Dei iudicandi simul & accepturi poenam vel præmium, gloriā vel confusionem, pro contrariis ab inuicem collatis officiis. Tunc apparebit,

o 1. Cor. 10.

Quod non ^o qui seipsum commendat, ille probatus est, sed quem Deus commendat. Pergamus perscrutari aliqua.

XXXII

At quod his addis DECVISSE TE PLVRIMA ET GRAVISSIMA CONGESTA PROTVLISSE, QVIBVS CONTRA NOSTRAM DICENDI LICENTIAM REGEM CATHOLICVM PRO VIRIBVS DEFENDERES. Sane quidem quod ad defensionem regis

pertinet, cum nec verbulo quidem (ut ostendimus) certum sit nos in Regem peccasse; superfluous omnino fuerit conatus tuus, solus pugnans quod non sit qui repugnet, & stans ex aduerso feriat, vel excipiat ictus. Si quæ vero contra male assertam Siciliæ Monarchiam à nobis sunt posita, velis pro arbitrio tuo contra sententiam meam, & assertam scriptis professionem interpretari in Regem esse dicta: tibi plane ut Regis vindici (quod tantopere profiteris) singula à nobis proposita argumenta fuerunt confutanda: Quod cum nullatenus feceris, sed tantum ad meam in dicendo libertatem, stylumque redarguendum te conuerteris, probasse potius visus sis cætera quæ spectant ad causam, sicque non defensa sed offensa potius appareat tuo officio Regis causa, quæ ex hac tua scriptione magnum sentiat præiudicium.

Demum vero claudens eodem fine, XXXIII. quo initium cœperas, **SCRIPTIONEM HANC TVAM (ais) ABS TE ROGATVS TIBI OFFERO.** Quomodo à me rogatus? Num ut sic nostra protegeres, aut pro-

bare quæ iam probata essent & cusa?
 siue Censorem ipsorum ageres, eadēq.
 scriptis aduersarijs perurgens publice
 in nos conflatas calumnias dissemina-
 res? Minimè gentium, licet gloriose tu
 quidem illa eius exordio profitearis, sed
 ut ea quæ tibi displicuissent, amice corā
 afferres, pollicitus ego reddere de om-
 nibus rationem, & corrigere quicquid
 reperiretur non esse consentaneum ve-
 ritati. Hæc eo liberalius offerens quod
 scirem eandem tractationem de Sicula
 Monarchia iudicio trium amplissimo-
 rum Cardinalium ventilatam, ne quic-
 quam habere in quo posses eam redar-
 guere falsitatis: neque in hoc mea me
 fefellit opinio: Si quidem tu videns cū-
 cta soliditate & firmitate diplomatum
 Romanorum Pontificum ut murum
 æneum inconcussa persistere, eorum
 reueritus auctoritatem (ut par erat) ab
 omni contradictione prudenter absti-
 nuisti. Cum autem omnem tibi veritas
 ad redarguendum erroris res ipsas adi-
 tum præclusisset: tunc aduersus verba
 quæ acerbiora tibi sunt visa, tuos arietes
 conuertisti, sed conatum tuum frustra

cessisse, fractumque defuisse, ex iis quæ à nobis superius dicta sunt, facillime colligere potuisti.

TIBI OFFERO, dicis. Sed mihi non XXXIII.
dedisti neque misisti per aliquem, qui nomine tuo daret; Sparsisti per urbem eiusdem tuæ scriptionis exemplaria cōplura inuito & verante Pontifice, iubēte pariter quod ex Sanctitatis suæ ore percepi, vt dilapsa è manibus reuocares eadem exempla: sed ea & alia ex ipsis descripta adeo multiplicata esse percepi-
mus, vt principibus & aliis nobilibus missa, non Italiam tantum sed Hispaniā quoque repleuerint, nec adhuc tamen ad me miseris, qui hæc tua fortasse ludēs epistola adeo liberaliter mihi primum omnium prosteris offerre. Accepi tamē, nec abs te, sed ab alio qui descripsit, statimque hoc exemplar fideliter scriptum ex animi sententia nactus contulime in Tusculanum, vbi licet carens domestica Bibliotheca, responsionem tamen Apologeticam istam, paucorum dierum vigiliis adornaui, quō scias, pro veritate certanti, vires à Deo deesse non posse nec arma. Offeram eam, præroga-

tua summa dignitatis & authoritatis, id exigente, summo Pontifici. Si contingerit in manus tuas aliquando deferri, accipe grato animo, bonique consule; vt autem eam offerre tibi non possem, iam abs te præclusus est aditus, cum tu eam ad me scriptam Epistolâ, nec mihi hætenus impertieris. Vale, scitoque me debita Christianæ charitatis erga te officia illibata in omnibus auctario etiâ quotidiani fœnoris cumulanda perpetuò seruaturum.

FINIS.

EPISTOLA

CÆSARIS BARONII

Cardinal. ad Philip. III. Regem Hispaniæ, de Monarchia Sicula.

Sacra Regia Catholica Maiestas.

NON ante creationem novi Pontificis, eiusdemque ætate florentissimi, senior ego, laboribus fractus, viribus debilitatus, etiam sepulchro propinquus, ad Catholicam Maiestatem vestram mihi in animum induxi fore scribendi, ne viderer, dicam liberè, Pontificia cessante Sede, eiusmodi internuntio litterarum auram voluisse captare Regiam, & ita temere mihi viam ad gradus sublimioris conscensionem. Sed procul absit ut me Regum fauor, & non potius Regis Regum Christi-

*stigratia in thronum prouehat altiorē.
 Domini est assumptio nostra, & sancti
 Israël Regis nostri, à quo tamē expecto,
 ipse scit, sedem illam in cælo peremnem,
 quam promisit sequentibus se discipulis
 suis. Adeò vt hac ex parte compendii
 loco duxerim sentire de illa dispendiū:
 ad quam excludendam etiam esse ego
 ipse debeam adiumento, ne huius sen-
 tiam detrimentum; & gratias agere,
 & bene precari magis iis qui obessent
 quam qui fauent: Cessantibus igitur
 his, iam ad aures Regis Catholici,
 veritatis amantiſſimi atque iustitiæ ob-
 seruantiſſimi, liberior accessus pa-
 teat emerita militiæ Ecclesiasticæ, sa-
 cerdoti causam agentis suam: & Ro-
 manæ simul Ecclesiæ. Ingens concitatus
 est in merumor, Catholice Rex, litte-
 risque conclamatum ad Apostolicam
 sedem à Proregibus vtriusque Regni
 Neapolitani atque Siciliæ, quòd con-*

tra Monarchiam Siculam tractatum scripserim, ediderimque eam vnà cum XI. Annalium tomo suo loco, seruato ordine temporum collocatam. Iusta esse potuisset ista querela, si ad labefactandum, perdendum, demoliendumque regnum vtrumque, & non potius ad firmandum quod caderet, fulciendum quod rueret, stabiliendum quod nutaret: ad consolidandum quod nõ consisteret, tentata ista omnia probare potuissent: sed probamus. Necesse est magnum cõsiliũ sapientissimi Architecti Clemẽtis scilicet Serenissimæ memoriæ Papæ VIII. ista curãtis. Qui probè sciẽs, expertus est ipse frequenter actitatum à Prædecessoribus, siue litteris per Nuntios, siue certis legationibus cum Regibus Hispaniarum, vt malè institutam contra Ecclesiastica iura Sicilia Monarchiam è medio tolleret, quam scirẽt nullo pacto posse subsistere; frustra ces-

fuisse omnes conatus ipsorum prætecti-
 bus diuersis elusos, oblatam libens vo-
 lensque occasionem arripuit. Cum enim
 scisset eodem XI. Annalium tomo tra-
 ctari debere, certa habita temporum
 ratione res gestas Urbani Papæ II. qui
 male asseritur author eiusdem Monar-
 chie Siculæ; Pontificia mox ipse nos in-
 terpellauit auctoritate, serîo valde mo-
 nens ne cursim rem tãtam attingerem,
 potius quam discuterem, & de ipsa
 prolixius disputarem; sed vt propen-
 siori studio in opus incumberem, anti-
 quiora quæque verterem monumenta:
 scrutarer bibliotheca Vaticanæ angu-
 los singulos: eiusdem latebras penetra-
 rem, & inaccessa munitissimi sancti
 Angeli penetralia archiuorum securus
 adirem, patere mihi cuncta præcipiens
 quæ vbique locorum essent vetera sedis
 Apostolica custodita in iis documenta.
 Hoc vnum intendens, vt ipsa, si quæ es-
 sent

sent quæ nullæ re vera essent fundamēta,
 Sicula Monarchia, eadem refossa ex-
 ponerentur oculis intuentium, ne quod
 esse posset amplius negandi subterfu-
 giū, si eruderatis aggeribus, egesta ter-
 ra, quod inesset in fundamētis iam pa-
 teret aspectui; non quidem ut malè ere-
 ctam tantam molem sponte sua corruē-
 tem euerteret: sed potius ut paterno af-
 fectu aliquo remedio excogitato fulci-
 ret atque firmaret, ut absque scanda-
 lo tibi ipsi Catholico, Regi digno
 titulo tanto nomine integram cōserua-
 ret. Quomodo autem hoc ipsum fieret,
 per recentē, qui in Hispanias à Serenis-
 simo D. nostro Paulo V. Nuntius mit-
 titur, uti accepimus nota erunt. Id fuit
 Serenissimi Papæ Clementis consilium
 tanto Pontifice dignum: is conatus eius
 sapientum ore laudandus. Quod verò
 ad demandatum ab ipso nobis pertinet
 institutum, pro viribus laborauimus,

Christo prauio, comite veritate, licet ipsa operosa editio tomi illius, haud me penitus liberum fecerit, ut totus in vñ addictus ad alia non diuerterem, diuisus in multa fuerim. Ne autem quod petierat idem Pontifex affecutus perspicacissimo eius iudicio definiendum putauim. Quamobrem quæ à me eo argumento scripta fuere ad ipsum attuli cognoscenda. Accepit, legit ac perlegit iterum: eum expectans ego prasens sententia ipsius elogium, ex imo pectore alta suspiria ducens in ista dolens erupit. Numquam putasse, inquiens, adeo vanis inniti Monarchiam Siculam fundamentis. Ad pleniorẽ autem eiusdem scriptionis cognitionem, eandẽ ipsam tribus selectis S. R. E. Cardinalibus, disquirendi tribuit facultatem. Quam accuratè discussam, comprobata pariter atque laudatam, ita ad lapidem lydium admotam sæpius, inuen-

tamque sinceram atque dignam quæ
 typis excussa traderetur in lucem iussit
 imprimi, impressamque iterum ac se-
 lectâ probatâ iterum edi voluit, vnâ cū
 XI. tomo, cui erat intexta. Hactenus
 quæ ipso viuente sunt gesta. Vbi autem
 paucos post menses ab editione eiusdem
 Annalium tomi idem Serenissimus
 Papa ex hac vita subductus sancto fine
 quieuit in me ipsum tanto patrocinio
 destitutum sunt omnia tela conuersa.
 Increbuit impetus detrahentium, irruit
 acerbitas persequentium, velut iurato
 quidam implacabile bello; sed in his ad-
 uersis inde mihi ingens parta fiducia,
 atque est aucta securitas: quod iussu
 Petri confirmata à Petro, ex ipsa sede
 Petri scripta ista nostra prodierint abs-
 que dubio in sæcula permansura. Qui-
 cumque enim super petram edificauerit
 domum suam, verbo Domini pollicēte,
 stabit eius ædificium sempiternum, leo

supra petram, ob idque securus & im-
perterritus: Leo supra Petram, que
nulla vnquam cuiusuis est persecutione
confracta: confringens ipsa super eos,
qui in eam incautè nimis offenderint,
& conterens illos super quos ipsa ceci-
derit. Videant modò his aduersantes,
ne in ipsam impingant, neue ab ipsa ex
alto ruente petra penitus conterantur.
Intelligent, serò saltem, laici homines
quanto periculo comprobata à sede A-
postolica scripta condemnent atque
proscribant. Noscant quanto pariter
indecore; non sine offensa Catholica
veritatis laica manus clauē sciētiæ, quā
solius esse Petri Catholica profitetur
Ecclesia arripuerit, vt iudicet atque
damnet scripta iussu impetrata & cal-
culo comprobata Romani Pontificis,
cuius est authoritatis solius indicare,
probare vel condemnare cuiusuis scrip-
ta, præsertim Ecclesiastica. At licet ex

humanis subductus sit Clemens, tamen sicut authoritas, ita idem spiritus atque voluntas propagata intelligitur in successores, modo ingens in Paulo cuius sicuti creatio existit admiranda; ita administratio Dei arbitrio ad perfectos numeros composita sit metuenda; ut nullo pacto passurus sit labefactari leges sacras, conuelli Ecclesiasticam immunitatem, aut præter fas iusque presumi vel abripi ab aliquo quidpiam vindex ipse acerrimus Ecclesiæ iurium. Demum verò antequam finem scribēdi faciam, ut obseruantiam meam erga Regiam Maiestatem vestram propensissimam amplissimis notis significem, hæc adiiciam; Quod cum natus sim ipsi subditus, tributum ei quotidie persoluendum indixi mihi sincera fidelitatis, charitatis de corde puro, conscientia bona & fide non ficta, atque precum pro salute sua ad Deum. Quod verò

Q iii

*auctus sum postmodū licet immeritus, si-
 cut inuitus dignitate Cardinalatus; ne-
 quaquam his me volui exemptum obse-
 quii, & liberum ab officiis; Sed aucto
 fœnore sensum addidi debitum Princi-
 pibus à Sacerdotibus, veritatem nimi-
 rum, cum tempus exigit & occasio po-
 stulat liberè annunciandi; quo munere
 reges cum magis consueuerint indigere,
 debeant auidius exoptare, oblatum
 verò accipere gratius, retinere tenacius,
 atque custodire diligentius. Quis con-
 temnat audire monentes Sacerdotes,
 eius præsertim cardinis, in qua vnitatem
 Ecclesiæ capitis vniuersus voluitur &
 regitur Catholicus orbis? Cuius quidē
 capitis, pro necessitate rerum, interdū
 aurium, siue oculorum, interdum oris
 officio fungimur, ut sicut modò accidit,
 cum iussu Clementis, ut sæpe dictum
 est, scriptis illa mandavi. Quæ licet in
 malam partem accepta fuerint ab eius*

DE MONARC. SICILIÆ. 239
*ministris, de Maiestate vestra absit
mihi aliud sentire, quam (sicuti est) de
Rege Catholico, Ecclesiæ defensore, fidei
Christianæ propugnatore, atq. amato-
re veritatis, legum custode iustitiæque
cultore sentiendum est. Quem rogo
Deum, & rogabo semper dum vixero,
custodiat nobis ipsum, diu multumque
regnantem felicissimè. Valeat semper
Deo placens, hominibusque proficiens
Catholica Maiestas vestra. Datum
Tusculano Idibus Iunii M. D. C. V.*

Cathol. Maiestatis vestræ deuotiss.

Cæf. Card. Baronius,



3

1

783

(
[



